


增補文獻備考

二





增補文獻備考卷之六

弘文館纂輯 校正

象緯考

六

五緯掩犯恒星

下

本朝太祖元年壬申九月壬午熒惑入東井二年癸酉八月己卯歲

星入羽林十月甲午太白犯左角三年甲戌九月己酉熒惑犯鬼積尸

四年乙亥二月甲申熒惑犯鬼八月戊子己丑太白犯軒轅五年丙子

七月辛丑

補

丙子七月無  
辛丑干支恐誤

太白犯心宿六年丁丑正月乙卯熒惑入端

門戊寅在右掖庚辰在西垣大陽中二月丙戌太白出太微入三台三

月歲星犯鬼積尸六日辛丑

補

丁丑三月無  
辛丑干支恐誤

熒惑犯西藩上將八月壬

午歲星犯鬼積尸己亥鎮星犯罰星十二月癸巳歲星入鬼七年戊寅

二月丁卯

補戊寅三月無  
丁卯干支恐誤

歲星犯鬼積尸九月癸未太白入端門庚寅

犯上將辛丑熒惑入太微

定宗元年己卯正月戊寅熒惑犯亢七月甲午犯房第二星九月丁丑

犯上將二年庚辰二月丁酉鎮星犯建星四月己亥亦如之

太宗元年辛巳正月己丑熒惑犯房上相二年壬午十二月癸亥亦如

之三年癸未六月丁巳太白犯畢八月庚午犯軒轅六年丙戌八月癸

卯亦如之九年己丑九月庚午朔太白掩右執法壬午熒惑入鬼十年

庚寅三月壬申亦如之十月戊申歲星犯上將十一年

補月  
日闕

熒惑犯鬼

九月己未入鬼十二年壬辰正月癸丑犯軒轅五月癸巳犯右執法十



三年癸巳十月癸未熒惑入太微十四年甲午三月甲戌犯東垣上相  
十五年乙未九月甲辰犯西藩上將十一月甲午犯進賢十二月己丑  
入氐十六年丙申九月壬辰犯南斗  
世宗七年乙巳七月癸酉熒惑犯右執法十三年辛亥七月甲戌犯房  
十五年癸丑四月戊戌太白犯東井十七年乙卯正月丁丑歲星犯右  
執法三月辛丑犯西垣上將十九年丁巳四月庚辰歲星入氐二十五  
年癸亥十二月辛巳鎮星犯東井二十七年乙丑九月乙亥鎮星入鬼  
成宗二十一年庚戌十二月庚戌熒惑守太微西垣燕山君八年壬戌  
十一月癸卯鎮星犯東井  
中宗十二年丁丑十一月丁丑歲星入太微十八年癸未正月癸丑熒

惑入太微二十二年丁亥四月壬申熒惑犯房二十九年甲午八月乙

巳太白犯軒轅三十二年丁酉十二月丁卯鎮星入太微西垣三十三

年戊戌十月丙午鎮星入太微東垣三十四年己亥十月甲寅補己亥十月無

甲寅干支恐誤熒惑犯太微東垣三十六年辛丑十一月庚寅歲星犯左執法

仁宗元年乙巳十一月乙酉熒惑犯鉤鈴

明宗八年癸丑正月庚子歲星犯軒轅左角四月甲午太白犯鬼積尸

九年甲寅六月辛未歲星犯左執法四日八月丁丑熒惑入鬼十月丁

酉入太微西垣十年乙卯三月丙午熒惑犯右執法十二年丁巳七月

庚辰熒惑犯房十三年戊午二月戊申太白犯昴八月己酉犯軒轅十

四年己未十一月乙亥歲星犯羽林十八年癸亥九月乙酉鎮星入鬼



十二月辛亥至甲戌亦如之十九年甲子正月乙亥朔至二月丙午鎮  
星入鬼辛巳至三月庚午歲星入鬼四月甲午鎮星熒惑入鬼丙申太  
白入鬼二十一年丙寅二月辛卯太白犯昴熒惑入東井三月壬辰熒  
惑入東井四月辛巳入鬼五日十月壬午至丙戌鎮星入太微西垣  
宣祖二年補八月熒惑入鬼○九月戊子太白入帝座二十三年庚寅  
四月庚寅熒惑犯太微補冬入南斗補二十五年四月熒惑犯南斗補  
六月丙午入尾箕○二十九年正月丁丑熒惑入昴三十五年四月辛  
酉熒惑犯右執法三十七年甲辰十月辛亥太白犯平道  
光海君元年己酉七月丙午熒惑入斗魁十年戊午十月戊午熒惑犯  
太微西垣補十四年冬熒惑入南斗屢月

仁祖元年癸亥六月壬午熒惑入南斗七月己亥犯魁第四星補十月  
又入南斗○二年甲子十月戊戌歲星入紫微三年乙丑四月丁酉太  
白犯五諸侯五月甲戌熒惑入羽林九月辛未太白入端門十月己卯  
犯左執法庚辰鎮星犯太微西垣第二星十一月庚午熒惑入外屏四  
年丙寅九月辛卯太白入南斗癸巳熒惑入端門十二月甲寅歲星守  
房五年丁卯十月辛未補丁卯十月無  
辛未干支恐誤熒惑入天高補六年春鎮星入

台星○九年辛未九月乙酉太白犯心前星補十二年熒惑犯紫微垣

補二十三年夏熒惑入東井○二十四年丙戌五月癸酉太白入畢八  
月丁亥犯軒轅大星壬辰歲星犯鬼東南星九月甲子熒惑入鬼十二  
月乙未歲星入鬼犯積尸二十五年丁亥四月丁丑歲星入鬼二十七



年己丑三月辛巳歲星犯左執法

孝宗元年庚寅十一月丙辰熒惑入太微西垣閏月出東垣三年壬辰十月丁巳熒惑自端門由左掖門出五年甲午十一月戊申熒惑入氏六年乙未九月丁未鎮星入太微西垣十年己亥二月壬申歲星入鬼顯宗二年辛丑十一月己亥歲星入氏十一年庚戌正月丁酉太白入羽林歲星入井丁未熒惑犯房第一星十二年辛亥十一月丙子歲星入太微右掖十四年癸丑九月庚寅太白入太微左掖十五年甲寅二月丁未歲星入氏

補肅宗十一年正月辛巳歲星退犯紫微西垣第四星○十七年辛未八月庚子熒惑入井十八年壬申二月丁酉熒惑犯井四月丙戌犯鬼

二十年甲戌六月癸丑太白入井八月辛丑犯軒轅左角二十一年乙亥五月丙戌歲星乘軒轅大星戊子太白入軒轅右角上八月壬子熒惑入鬼犯積尸二十三年丁丑九月癸巳太白入太微左執法內十一月丙申熒惑犯太微東垣第二星二十五年己卯九月甲子熒惑犯左執法二十八年壬午正月戊子熒惑犯房第一星閏六月庚寅入南斗○八月癸巳太白犯太微西垣第二星三十一年乙酉八月辛亥太白犯軒轅左角三十三年丁亥十二月己卯歲星犯左執法壬午掩左執法三十四年戊子正月乙卯歲星犯左執法三十五年己丑三月丙申熒惑犯鬼西北星戊戌鎮星犯井鉞三十六年庚寅正月甲午歲星犯罰中星二月甲寅太白犯婁八月乙丑犯軒轅左角己卯熒惑犯鬼



癸未犯積尸十二月己巳犯軒轅第二星三十九年癸巳十二月丁丑  
歲星犯壘壁四十年甲午九月乙丑熒惑犯太微西垣四十二年丙申  
正月壬子鎮星犯太微東垣上相八月己酉歲星犯井九月癸未太白  
犯左執法四十四年戊戌五月庚戌歲星犯鬼西北星己未犯積尸  
八月辛丑太白犯軒轅大星○閏八月庚戌歲星犯軒轅大星四十五  
年己亥七月癸未太白犯左角十月己酉歲星犯左執法

補景宗二年二月丁卯歲星犯東咸第三星十月戊午太白犯南斗第  
三星三年九月丁酉熒惑入東井

補英祖元年九月庚戌熒惑犯輿鬼乙酉犯積尸○四年戊申八月庚  
辰歲星入井補五年閏七月丙申歲星入鬼○十四年戊午七月戊寅

鎮星入井十一月丁丑亦如之十五年己未二月丙午亦如之十六年  
庚申閏六月甲子歲星入井十八年壬戌二月辛卯歲星犯積尸九月  
辛酉熒惑犯鬼丙寅入鬼十九年癸亥二月乙酉熒惑犯軒轅四月戊  
戌亦如之補九月戊子鎮星犯太微西垣上將○十一月庚寅入太微  
丁酉亦如之二十年甲子十月丁卯熒惑入太微十二月丙辰犯東垣  
上相二十一年乙丑二月丁未入太微二十三年丁卯三月庚戌熒惑  
犯氐二十四年戊辰十一月丁巳鎮星入氐癸酉熒惑入氐十二月辛  
丑犯房上相二十五年己巳七月庚午犯南斗癸酉入斗魁補二十九  
年九月丙辰太白犯軒轅大星補三十一年八月辛未熒惑入東井○  
三十二年丙子十一月辛酉歲星入氐三十三年丁丑七月戊申歲星



入氐熒惑入井十月癸亥太白犯南斗三十四年戊寅二月辛未熒惑  
入鬼<sub>補</sub>三十六年四月乙未熒惑入太微西垣○三十七年辛巳九月  
乙巳熒惑犯軒轅三十八年壬午二月乙丑朔熒惑入亢九月己丑太  
白犯南斗三十九年癸未十二月壬寅熒惑入氐四十年甲申正月乙  
亥熒惑犯房四十二年丙戌十二月甲辰歲星入太微四十三年丁亥  
二月辛酉歲星犯太微西垣閏七月癸丑鎮星入井十一月壬辰太白  
入氐四十四年戊子十一月庚戌歲星入氐四十五年己丑三月甲辰  
歲星入氐十月辛未鎮星入鬼<sub>續</sub>四十八年八月戊寅熒惑入東井  
<sub>續</sub>正祖二年十二月壬戌歲星入太微端門

明天文志曰兩星經緯同度曰掩光相接曰犯亦曰凌緯星出入

黃道之內外凡恒星之近黃道者皆其必由之道凌犯皆由於此而行遲則凌犯少行速則多數可預定非如彗孛飛流之無常然則天象之示炯戒者應在彼而不在此至於月道與緯星相似而行甚速其出入黃道也二十七日而周計其掩犯恒星殆無虛日豈皆有休咎可占乎

星晝見

新羅奈解王五年秋七月太白晝見○元聖王三年夏五月太白晝見○興德王二年秋八月太白晝見○憲康王十一年冬十月壬子太白晝見

高勾麗陽原王十一年冬十一月太白晝見



百濟仇首王十一年冬十月太白晝見○比流王十八年秋七月太白晝見○阿莘王三年秋七月太白晝見

高麗顯宗五年五月辛卯太白晝見七年二月辛丑太白經天八年十一月己亥太白經天十年五月丙寅太白晝見十五年正月戊戌太白晝見○德宗元年二月丁未太白晝見○靖宗元年六月丙辰太白晝見八月癸亥太白晝見四年七月辛丑太白晝見○文宗七年正月丙辰太白晝見十五年正月戊子太白晝見補二十一年七月癸巳太白晝見○二十七年八月丁丑太白晝見三十四年二月壬寅太白晝見三十七年五月癸卯太白晝見○宣宗三年五月丙子太白晝見四年二月癸卯太白晝見八年五月己未朔太白赤色搖光經天至十七日

乃滅

補綱目作  
七十日

九年十一月庚子太白經天犯壘壁陣○肅宗元年三

年三月己亥太白晝見癸卯晝見四年八月壬辰太白歲星晝見十二

年

補肅宗在位十  
年年條恐誤

十二月戊辰太白經天○睿宗五年十月甲辰太白

經天十年八月癸丑太白晝見十六年十月太白經天三十餘日○仁

宗元年六月戊申太白晝見七月壬戌亦如之二年九月甲午太白經

天六日四年九月庚寅太白經天六年正月太白自丁未十二月經天

光芒日盛四月甲戌太白經天至于八月七年七月丁丑朔太白經天

十五日乃滅九年五月乙丑太白經天百餘日九月戊戌太白晝見十

二年六月辛巳太白經天十月十二月太白經天十三年十二月丙辰

太白經天十四年六月己未太白經天十五年十一月丁巳太白經天



○毅宗元年六月望後至七月太白晝見八月戊戌晝見九月甲申太白經天二日四年九月丁丑太白經天二日十二年七月己未太白晝見補辛酉亦如之○十五年八月戊辰十一月甲戌太白經天十六年十二月癸亥朔太白經天四日十八年十月丁巳太白晝見○明宗二年十月丁巳太白經天庚申亦如之五年十二月癸未太白經天七年八月丁丑太白自七月五日至是常見九年七月甲戌太白經天六日十年十一月甲戌太白晝見十二月癸未又經天十二年五月丁亥太白晝見十三年十一月丁巳太白經天十四年正月甲午太白經天二月太白自去年十月晝常見十五年八月丙辰太白經天十七年七月丁卯太白經天十八年十月辛卯太白晝見十一月庚子晝見二十年

九月戊寅晝見二日二十二年八月壬戌太白經天二十三年七月太白經天十二月壬寅太白經天○神宗元年六月丁卯朔太白晝見八月壬午太白經天十月癸酉太白經天二日二年七月戊午太白晝見二日十二月壬戌太白經天三年二月甲子太白經天三月戊寅太白經天二日四年二月甲辰太白晝見七月辛亥太白晝見十一月辛亥太白晝見五日五年閏十二月甲辰太白晝見六年四月丁未太白晝見六月癸丑太白晝見七月辛巳晝見○熙宗四年二月乙卯太白經天○康宗補當作高宗六年六月乙丑太白經天十四日七年六月辛酉太白經天戊寅亦如之八月甲子太白經天十一月辛卯亦如之八年六月乙卯太白經天九年八月戊寅太白經天乙巳晝見十一年正月乙



丑太白晝見二月甲戌晝見四月癸巳晝見七月丁酉晝見十二年六月丁巳太白經天十一月辛巳太白經天十四年閏五月太白晝見七月壬寅經天累旬十五年十月己巳太白經天三十年二月辛亥太白晝見三十八年六月癸卯太白經天四十一年七月癸亥太白經天甲子晝見八月辛未朔晝見四十三年正月丙午太白經天三月癸丑經天四十六年六月乙亥太白晝見七月己巳經天○元宗元年七月庚辰太白晝見九月庚辰晝見四年十一月乙未太白經天五年四月戊辰太白經天十年四月壬寅太白經天十三年四月甲寅太白經天十月癸丑晝見○忠烈王二年十月乙丑太白晝見三年四月庚辰太白晝見丙戌亦如之四年三月丁亥太白晝見六月丁巳經天十月戊寅

經天十三年十二月丙寅太白晝見十五年七月壬午癸未晝見二十年五月甲寅乙卯太白晝見庚申晝見八月乙巳晝見二十一年十二月甲寅太白晝見三日二十二年正月乙酉太白晝見二十三年七月乙丑太白晝見十月乙巳經天二十五年正月壬辰太白晝見二十九年十一月己未太白晝見十二月癸卯晝見三十年四月癸未太白晝見三十一年十月辛丑太白晝見三十三年二月戊戌太白晝見○忠宣王二年八月己未太白晝見三年十一月己未太白經天○忠肅王元年十二月己丑太白晝見八年五月丁酉太白晝見犯日八月丁未太白晝見五日十年正月戊申太白晝見經天十一年十二月壬申太白晝見十二年十二月壬申太白晝見十六年六月丁亥太白晝見七



月丙辰晝見○忠穆王元年七月丁亥太白晝見三年正月庚申太白晝見○忠定王二年七月丁丑有星晝見戊寅亦如之○恭愍王二年七月辛未太白晝見四年正月壬辰太白晝見補六年九月癸卯朔太白見西方○七年七月己亥太白晝見凡三月十年六月甲申太白晝見二日十二年四月丙寅太白經天二日六月甲子太白晝見二日十五年八月丙辰太白經天至于九月十九年十二月庚午晝見二十年四月庚戌太白晝見二十二年正月癸卯朔太白晝見二十三年四月癸丑太白經天三日甲子晝見六月己未經天八月庚申晝見○辛禡五年五月戊寅太白晝見凡二十五日六月癸未太白晝見庚寅補辛卯晝見○六年七月辛卯太白經天癸巳晝見八年五月丁卯太白晝

見七月甲戌星見于晝八月戊子太白晝見九年十二月癸酉晝見十一年六月丙申太白經天戊戌晝見七月壬申經天乙亥丙子晝見十三年六月乙巳太白晝見十四年四月戊辰太白晝見○恭讓王二年四月戊戌太白晝見六月戊寅己卯晝見庚辰經天辛巳壬午晝見七月辛卯朔晝見丙申辛丑晝見九月庚寅經天

本朝 太祖三年甲戌十二月乙亥太白晝見四年乙亥正月丁巳太白晝見二月辛卯晝見三月丙申晝見七年戊寅六月太白晝見四日定宗元年己卯七月太白晝見三日十一月晝見四日二年庚辰二月太白晝見七日

太宗元年辛巳五月太白晝見三日九月晝見八日十二月晝見七日



二年壬午八月太白晝見六日三年癸未正月太白晝見三日七月晝見八日八月晝見四日六年丙戌七月壬寅至九月丙子太白晝見九年己丑六月太白晝見五日八月晝見四日九月晝見五日十一年辛卯正月太白晝見十一日二月晝見三日十七年丁酉閏五月種當作閏六月有星晝見六月太白晝見三日

世宗元年己亥正月太白晝見六日五月晝見四日六月晝見三日四年壬寅八月太白晝見四日九月晝見五日十年戊申五月太白晝見三日九月壬子乙丑晝見

世祖三年丁丑五月太白晝見八日六月晝見三日

成宗元年庚寅六月太白晝見九日七月晝見四日三年壬辰正月二

月太白晝見四年癸巳八月太白晝見五日九月晝見十五日十月晝見四日十八年丁未九月太白晝見三日二十一年庚戌十一月太白晝見六日十二月晝見十日二十二年辛亥正月太白晝見十三日二月晝見五日二十三年壬子七月太白晝見五日

燕山君三年丁巳九月至十一月太白晝見四年戊午九月太白晝見四日十二月晝見四日六年庚申五月太白晝見四日六月至八月晝見九月晝見六日十月晝見三日十一月晝見十一日八年壬戌正月己卯至三月甲戌太白晝見九年癸亥十月辛丑至壬戌太白晝見十一月晝見三日十年甲子正月太白晝見十日二月晝見八日三月晝見三日



中宗二年丁卯正月太白晝見五日三年戊辰七月太白晝見十二日  
八月晝見十一日十一月晝見十日四年己巳正月太白晝見九日十  
二月晝見十日五年庚午正月太白晝見八日補四月晝見○六月晝  
見七日七月晝見十二日九月晝見七日六年辛未七月太白晝見五  
日八月晝見九日九月晝見二十日十月晝見九日十一月晝見十五  
日七年壬申正月太白晝見五日二月晝見四日三月晝見八日八年  
癸酉三月太白晝見六日八月晝見八日九月晝見七日十二月晝見  
五日九年甲戌十月至翌年二月太白晝見十年乙亥五月太白晝見  
四日七月晝見五日十一年丙子五月太白晝見七日七月晝見六日  
十月晝見六日十二月晝見五日十二年丁丑正月太白晝見十日十

三年戊寅二月太白晝見八日三月晝見十二日五月晝見四日七月晝見十二日八月晝見九日九月晝見二十二日十四年己卯十月太白晝見五日十五年庚辰正月太白晝見七日五月晝見五日十六年辛巳五月太白晝見四日八月晝見四日十月晝見八日十七年壬午六月太白晝見三日十月晝見七日十八年癸未正月太白晝見四日二月晝見四日十九年甲申七月太白晝見七日八月晝見七日二十四年己丑五月太白晝見六日七月晝見三日九月晝見三日二十五年庚寅十二月太白晝見四日二十六年辛卯正月太白晝見十三日二十七年壬辰七月丁未至乙亥太白晝見八月丙子至癸卯晝見十一月晝見十三日十二月晝見十三日二十八年癸巳正月太白晝見



六日二十九年甲午三月太白晝見五日六月壬子至十月己未晝見  
三十年乙未六月太白晝見十一日七月至十一月晝見三十一年丙  
申正月太白晝見四日二月晝見五日四月晝見六日五月晝見九日  
三十二年丁酉七月太白晝見四日八月晝見六日三十三年戊戌十  
月太白晝見三日十二月晝見四日三十四年己亥正月太白晝見八  
日五月晝見四日三十五年庚子四月太白晝見五日三十七年壬寅  
正月甲申太白晝見十一日閏五月太白晝見六日六月晝見八日七  
月晝見五日

仁宗元年乙巳閏正月己卯至二月丙午太白晝見四月晝見八日五  
月晝見六日七月晝見五日八月晝見十一日九月晝見十六日

明宗元年丙午十月太白晝見六日二年丁未正月晝見十一日三年  
戊申四月太白晝見十一日七月晝見六日五年庚戌正月己巳至三  
月壬申太白晝見閏六月晝見六日六年辛亥六月太白晝見十日十  
月晝見十日七年壬子正月太白晝見十日八年癸丑四月太白晝見  
五日八月晝見六日十一年丙辰六月太白晝見七日七月晝見七日  
十三年戊午正月太白晝見十三日二月晝見八日七月晝見五日八  
月晝見四日十四年己未七月丙子至十二月己未太白晝見十六年  
辛酉五月太白晝見四日七月晝見九日八月晝見九日九月晝見五  
日十七年壬戌二月癸亥歲星晝見十八年癸亥正月太白晝見十五  
日戊午己未歲星晝見三月太白晝見七日六月晝見五日七月晝見



十日十九年甲子五月太白晝見五日六月晝見八日七月晝見十二  
日八月晝見六日十月晝見十一日二十年乙丑十一月太白晝見三  
日十二月晝見四日二十一年丙寅正月太白晝見七日三月晝見三  
日七月晝見七日八月晝見十三日九月晝見六日

補宣祖二年六月太白晝見屢日八月又晝見○三年庚午七月太白  
晝見三日補五年六月太白晝見○十三年庚辰五月太白晝見三日  
二十六年癸巳八月太白晝見五日九月晝見三日三十三年庚子十  
一月太白晝見六日十二月晝見四日三十六年癸卯四月太白晝見  
六日八月晝見三日三十七年甲辰六月乙未至七月丙子太白晝見  
閏九月戊寅至甲辰亦如之十月丁未至甲戌亦如之三十八年乙巳

十一月太白晝見六日十二月晝見八日三十九年丙午正月太白晝見四日二月晝見三日四十年丁未九月太白晝見六日十二月晝見十一日四十一年戊申正月太白晝見十二日

光海君元年己酉三月太白晝見四日四月晝見十六日七月至十二月晝見四年壬子九月太白晝見三日十一月晝見四日五年癸丑十月壬辰至十二月庚戌太白晝見六年甲寅正月甲寅至二月庚子太白晝見七年乙卯十一月太白晝見三日十二月晝見四日補九年十月癸巳太白見於卯方○十二年庚申十月太白晝見十三日

仁祖元年癸亥八月太白晝見五日九月晝見六日十月晝見五日十二月晝見四日三年乙丑二月庚辰太白晝見七月壬戌癸亥甲子太



白并晝見八月太白晝見六日九月丙午至十月甲辰晝見四年丙寅  
十一月乙未至十二月庚申太白晝見五年丁卯五月辛未太白晝見  
三日六年戊辰四月至七月太白晝見九月至十一月亦如之七年己  
巳十一月庚戌太白晝見十二月戊午至翌年二月亦如之九年辛未  
五月壬辰至九月辛卯太白晝見十二月丙子己丑亦如之十年壬申  
正月甲辰丙午太白晝見十一年癸酉正月至三月太白晝見九月庚  
寅至十月甲戌亦如之十二年甲戌九月辛巳太白晝見十月乙酉戊  
子辛丑亦如之十四年丙子五月壬子太白晝見六月辛丑壬寅亦如  
之十月丙子丁丑亦如之補二十一年春太白晝見○二十三年乙酉  
十一月辛未至十二月甲辰太白晝見二十四年丙戌正月壬子至二

月壬午太白晝見六月丙申至八月戊子亦如之二十五年丁亥八月  
癸未太白晝見七日九月晝見七日十月晝見三日十二月晝見三日  
二十六年戊子正月己亥太白晝見十一日二月乙酉三月癸丑亦如  
之十二月丙午晝見五日二十七年己丑正月庚申朔晝見十三日二  
月晝見四日三月晝見三日四月晝見五日七月晝見二日八月戊子  
至十月壬辰亦如之

孝宗元年庚寅九月至翌年五月太白晝見三年壬辰四月至十二月  
太白晝見補四年癸巳夏太白晝見○十一月辛亥至翌年二月己巳  
太白晝見五年甲午五月至七月太白晝見六年乙未五月至十二月  
太白晝見七年丙申正月二月太白晝見十二月晝見六日八年丁酉



正月壬子歲星晝見七日正月至十一月太白晝見九年戊戌七月至  
翌年正月太白晝見十年己亥二月太白晝見五日三月晝見十日閏  
月晝見九日

顯宗元年庚子九月丁卯至十一月戊寅太白晝見二年辛丑十一月  
丁酉至十二月辛未太白晝見<sub>補</sub>五年四月太白晝見○八年丁未八  
月丁丑戊寅歲星晝見九年戊申三月庚戌太白晝見四月甲午丙申  
五月己亥亦如之六月至十一月亦如之十年己酉九月丁未歲星晝  
見十二月至翌年七月太白晝見十二年辛亥七月至翌年二月太白  
晝見十三年壬子十二月至翌年二月太白晝見十四年癸丑七月至  
九月太白晝見

補肅宗甲寅十二月太白屢見於巳地補二年五月太白晝見補五年六月太白晝見十一月晝見屢日十二月又晝見補六年正月太白晝見十一月至十二月亦如之補七年正月太白晝見補十五年四月太白晝見○十六年庚午七月至十二月太白晝見十八年壬申四月至十二月太白晝見十九年癸酉十一月至翌年二月太白晝見二十年甲戌閏五月六月太白晝見二十一年乙亥五月甲子太白晝見八月戊申巳酉亦如之十二月至翌年正月亦如之二十三年丁丑三月乙卯太白晝見十四日閏月己亥七月壬寅亦如之二十四年戊寅八月至十二月太白晝見二十五年己卯三月庚午丁丑丁酉四月戊申己酉太白晝見二十六年庚辰正月丁巳太白晝見二月至六月八月至



十月亦如之二十七年辛巳十月丁未

丁未 辛巳 十月 無  
支 恐 誤

至十二月己卯

太白晝見二十八年壬午正月二月太白晝見五月庚子辛丑亦如之  
二十九年癸未五月至七月太白晝見十一月十二月亦如之三十年  
甲申正月辛丑太白晝見十二月乙未亦如之三十一一年乙酉二月乙  
酉四月甲子太白晝見六月戊午己未庚申亦如之三十二年丙戌九  
月庚申丁卯丁丑太白晝見十一月庚申十二月丙戌亦如之三十四  
年戊子四月五月太白晝見九月十月亦如之三十五年己丑十一月  
十二月太白晝見三十六年庚寅正月二月太白晝見三十七年辛卯  
七月辛丑至九月己丑太白晝見十二月晝見四日三十八年壬辰正  
月乙未太白晝見四日三十九年癸巳二月乙丑三月戊寅丙戌壬寅

太白晝見四月晝見五日四十年甲午九月至十一月太白晝見四十二年丙申六月辛巳丙申六月無太白晝見八月九月亦如之四十二年丁酉十一月十二月太白晝見四十四年戊戌正月太白晝見二日四十五年己亥七月戊戌至九月戊寅太白晝見十一月甲戌戊戌亦如之

補景宗二年十月戊午太白晝見

補英祖元年十一月丙午至十二月丙戌太白晝見○九年癸丑十二

月太白晝見九日十一年乙卯七月太白晝見八日十三年丁巳正月

癸巳至二月壬戌太白晝見十七年辛酉七月庚申

辛酉七月無

太

白晝見十八年壬戌正月癸亥至甲戌太白晝見二月甲午四月辛亥



壬子丙辰亦如之五月晝見四日十九年癸亥七月癸未至庚戌太白  
晝見八月辛亥丙寅亦如之補十一月丁酉晝見二日補二十年甲子  
正月辛卯太白晝見乙未亦如之○十二月己未至己巳太白晝見二  
十一年乙丑正月丙子至二月丁未太白晝見二十二年丙寅十月戊  
辰至十一月壬子太白晝見二十四年戊辰八月戊子至九月癸酉太  
白晝見補十月癸未亦如之○二十五年己巳十二月太白晝見十二  
日補二十六年正月庚戌太白晝見甲寅丙辰亦如之○二十七年辛  
未十月太白晝見四日十一月晝見三日補十二月丁巳晝見○三十  
年甲戌九月辛巳至十月壬戌太白晝見三十三年丁丑十月太白晝  
見五日十一月晝見七日十二月晝見八日補三十五年閏六月庚子

續今 上二年閏五月庚寅太白晝見

客星

明天文志曰史記天官書有客星之名而不詳其形狀叙國皇昭明諸異星甚悉而無瑞星妖星之名然則客星者言其非常有之星殆諸異星之總名而非有專屬也李淳風志晉隨天文始分景星含譽之屬爲瑞星彗宇國皇之類爲妖星又以周伯老子等爲客星自謂本之漢末劉歆荊州占夫含譽所謂瑞星也而光芒則似彗國皇所謂妖星也而形色又類南極老人瑞與妖果有定哉且周伯一星也旣屬之瑞星而云其國大昌又屬之客星而云其國兵起其說如此果可爲法乎馬遷不復區別良有以也



新羅婆娑王六年夏四月客星入紫微圖文武王二年春客星見南方  
○景德王三年冬妖星出中天大如五斗器浹旬乃滅○憲德王七年  
秋八月大星出翼軫間指庚芒長六許尺廣二許寸○景文王七年冬  
十二月客星犯太白○敬順王八年秋九月老人星見

臣謹按老人恒星也行度有定非如彗孛之起散中國江以南  
常見以北不見我國濟州以南始見以北不見此必誤記故屬  
之客星

高句麗次大王八年冬十二月晦客星犯月○烽上王八年秋九月客  
星犯月

百濟已婁王九年夏四月乙巳客星入紫微

互見  
新羅

高麗太祖十五年九月庚辰大星見東方俄變爲白氣十七年九月丁巳老人星見○顯宗十二年四月壬戌妖星見於太微補二十二年九月庚申大星入輿鬼○文宗十七年十月己巳有星出天市抵尾箕大如斗十九年六月乙卯客星大如燈二十六年九月丙午有星如火犯營室二十七年八月丁丑客星見于東壁南二十八年七月庚申客星見東壁南大如木瓜三十六年七月丁亥有星出紫微犯北辰○睿宗十五年八月戊子壽星見○仁宗元年二月壬寅西京留守奏老人星見○毅宗十七年七月戊戌客星犯月二十四年二月甲申老人星見于南方○明宗六年三月丙午夜有星見于東方色如血○康宗二年八月癸酉日暮有星大如日見於乾方俄而墮地補恭愍王五年四月



癸丑客星犯月○十二年四月丙寅客七星并見三小星相鬪○辛禡八年七月甲戌夜瑞星見于西方入月○恭讓王三年四月乙亥客星犯紫微

本朝 太祖七年戊寅十一月庚子客星犯月

世宗十九年丁巳二月乙丑客星見于尾第二三星間凡十四日而乃滅

成宗二十一年庚戌十二月乙卯有星見于天市西垣歷車肆在市樓又自東垣抵天倉翌年正月癸未乃滅

燕山君五年己未七月丙子客星犯紫微北極第一星

補明宗二十一年十二月丁亥朔南方有星狀如長星廣三四寸長五

六尺上廣下狹

補宣祖五年十月客星見于策星之側大如金星○二十五年壬辰十

月辛亥客星見于天倉內乙卯又見于王良東十一月丁巳又見于王

良西至于翌年二月而在天倉者至甲午正月庚辰形體始微三十三

年庚子十一月乙酉

補庚子十一月無  
乙酉干支恐誤

客星見于尾大於心火星色黃

赤動搖十二月丁未

補十二月無  
丁未干支恐誤

客星犯太白于尾三十七年甲辰

九月戊辰客星在尾其形大於太白色黃赤動搖至于十月庚戌體漸

小三十八年乙巳正月丙子客星見于天江上大於心火星色黃赤動

搖至二月己丑

補乙巳二月無  
己丑干支恐誤

其形微

補仁祖三年秋妖星見于東方四年七月妖星見於坤方五年春妖星



見屢月不滅九月亦如之二十三年二月大星入輿鬼

孝宗三年壬辰十一月丁亥白星出天厠下大於辰星漸向西北歷參旗天節天街昴胃至于大陵十二月戊申乃滅

顯宗二年辛丑十月戊辰客星見于女宿大如鎮星十一月丁亥乃滅五年甲辰九月客星見于天江上大如歲星色黃赤動搖反見于東至翌年五月乃滅

肅宗十年甲子十月十四日客星見于角二十八年壬午三月丁未客星見于女大如河鼓中星色蒼白移入天市東垣內四月壬子抵西垣乙卯漸微不見三十三年丁亥十一月己未有星見于敗瓜上體小色淡白辛酉亦如之其後雲陰不見

英祖十九年癸亥正月甲戌客星見于軫體大如軒轅右角色白移見于翼至壬午不見三十五年己卯十一月丁卯客星見于東井大如太白色黃白歷參抵胃十二月庚辰漸微不見己亥客星又見于星宿大如柳第二星色白漸移西北逼在軒轅翌年正月己酉乃滅補三十六年正月己酉客星見于軒轅第十星上四十六年閏五月壬子客星見于天市東垣癸丑乙卯亦如之

彗孛

明天文志曰彗之光芒傳日而生故夕見者必東指晨見者必西指孛亦彗類其芒氣四出天文家言其災更甚於彗

新羅始祖九年春三月有星孛于王良十四年夏四月有星孛于參五



十四年春二月己酉星孛于河鼓○儒理王三十一年春二月星孛于紫宮○脫解王三年夏六月有星孛于天船二十三年春二月彗星見東方又見北方二十日乃滅○祗摩王十七年秋八月長星竟天○逸聖王十六年秋八月有星孛于天市二十年冬十月彗星見東方又見東北方○伐休王八年秋九月蚩尤旗見于角亢○沾解王十四年秋七月星孛于東方二十五日而滅○奈勿王四十五年秋八月星孛于東方○眞德王元年秋八月彗星出於南方○文武王八年四月彗守天船○十二年秋九月彗星七出北方十六年秋七月彗星出北河積水之間長六七許步○神文王三年十月彗出五車○孝昭王八年春二月白氣竟天星孛于東十年春二月彗星入月○景德王十八年春

三月彗星見至秋乃滅二十年夏四月彗星出二十三年春三月星孛于東南○惠恭王四年春彗星出東北六年夏五月十一日彗星出五車北至六月十二日滅○興德王十一年夏六月星孛于東補僖康王三年冬彗見西方芒角指東補閔哀王元年冬彗見西方芒角指東○景文王十五年春二月星孛于東二十日乃滅○孝恭王十二年春二月星孛于東

高句麗閔中王三年冬十一月星孛于南二十日而滅○次大王十三年春二月星孛于北斗○故國川王四年秋七月星孛于太微○山上王二十一年冬十月星孛于東北○美川王元年冬十二月星孛于東方十六年秋八月星孛于東北○小獸林王十三年秋九月星孛于西



北○寶藏王二十七年夏四月彗星見於畢昴之間

補唐許敬宗奏帝曰彗見東北高句

麗將滅之兆

百濟肖古王二十一年冬十月星孛于西北二十日而滅二十六年秋九月蚩尤旗見于角亢三十九年冬十月星孛于東井○古爾王三十九年秋九月星孛于紫宮○汾西王五年夏四月彗星晝見○比流王三十三年春正月辛巳彗星見于奎○辰斯王六年秋七月星孛于北河○阿莘王四年春二月星孛于西北二十日而滅九年春二月星孛于奎婁○腆支王十一年夏五月甲申彗星見十五年春正月戊戌星孛于太微○毗有王二十八年星孛于西北長二丈許○威德王二十六年冬十月長星竟天二十日而滅四十一年冬十一月癸未星孛于

角亢○武王四十一年春正月星孛于西北

高麗成宗八年九月甲午彗星見○穆宗九年彗星見○顯宗五年正月壬子彗見于五車二月庚申彗入大陵九年六月庚戌彗出北斗第二星光射文昌天牢長四丈餘十二月丁巳彗見于天市垣宗正宗人市樓間指西十年十二月辛亥彗見宗正宗人市樓間○靖宗三年二月癸酉彗星五出長各五六尺七年八月彗星見東方長三十尺許二十餘日乃滅十月彗星長三十尺許出東方十餘日乃滅○文宗七年二月乙亥彗出庫樓入翼長丈餘補十年十一月彗見于軫○十七年五月庚戌有星出大角孛于氐七月乙丑有星尾長數尺出坎孛于氐大如斗二十年三月丁丑有星出乾方大如月俄變爲彗孛二十九年



十月丙申彗見于軫長七尺餘○肅宗二年八月丁未彗見氐房間光  
芒射天市垣○睿宗元年正月丁酉彗見西南長十尺許月餘乃滅十  
一月己巳彗星見五年五月己酉彗星入紫微乙卯夜二更彗星發天  
將軍閣道星間至曉乃滅丁巳夜彗星發路策星戊午發于王良星西  
北己未發華蓋傳舍間庚申夜發華蓋中辛酉發華蓋下六甲星北癸  
亥夜行御女星內八年七月辛巳有星孛于營室○仁宗元年七月己  
巳有星孛于北斗十年八月壬子彗見八穀指東南甲寅指西北長三  
尺二十三年四月丙申彗見乾方十五日長丈餘○毅宗十年七月丙  
寅彗見東方○高宗七年正月壬辰彗出鉤鈴尾指西北長三尺許二  
月丙子有星孛于軒轅十二月有星孛于北斗九年七月壬申彗出三

台中尾指西長三尺許乙亥彗見西北長三尺許八月丁丑見乾方長二十尺許戊寅晝見○元宗五年七月甲戌彗星始見于艮方尾長七八尺漸分爲五向西北方八月壬寅光芒復合爲一而漸長壬戌光芒益熾竟天九月乙酉滅凡七十二日十四年正月壬午彗見東方○忠烈王三年二月丙戌蚩尤旗見十九年十月甲辰彗見東方戊申見于太微左掖門長尺五寸許十一月丙子犯紫微又犯北斗二十三年二月辛亥彗見東井六日乃滅三月甲申又見東井二十四年十二月甲戌彗見南方二十七年八月戊寅彗見于紫微壬午見于北斗乙未見于上台入天市至于九月癸卯二十九年十二月庚戌彗見西方三十年正月甲寅彗見于奎十一月乙亥彗見虛危間十二月戊寅犯虛庚



辰貫虛辛巳入危三十三年七月戊子彗見于尾○忠宣王五年三月  
丁未有星彗于東井○忠肅王後六年五月丙寅彗見長丈餘自天船  
北至王良閣道六月庚午朔彗見艮方癸酉又見紫微西藩華盖句陳  
北極七月癸卯又見紫微東藩丁未又犯貫索八月庚辰彗見天市垣  
四十日乃滅○忠惠王後元年二月庚戌彗見東方入太微甲寅又見  
東方○忠穆王元年七月甲申彗見紫微垣丁亥彗見北河○恭愍王  
十一年六月辛巳彗見紫微垣華盖下長尺許凡三日十三年二月辛  
酉彗見一在太微南一在大角邊一在北斗東北一在氐北色赤長尺  
餘十五年九月辛丑有星孛于房心之間壬寅又見于南方十六年  
正月彗垂地○十七年二月己未彗見西方長丈餘三月甲申見西方

庚寅出大陵積尸間辛卯出大陵卷舌間射天船九星丙申出卷舌上  
己亥出大陵上四月辛丑又見十九年正月甲午彗見東北方二十三  
年二月戊戌彗見東方長丈餘凡四十五日乃滅○辛禡二年六月戊  
申彗見文昌光芒射紫微垣七月甲寅彗見文昌西隔四五尺光射斗  
魁四年九月己卯有星孛于紫微西藩犯四輔北極出東藩犯天棓天  
紀七年十月壬申彗見于氐長丈餘十五日乃滅八年二月丙子有星  
孛于北方八月戊子彗星見太微東藩長丈餘○恭讓王三年四月甲  
子彗見十餘日四年二月丙子彗見竟天

本朝 太宗二年壬午正月壬寅彗見于奎尾長六尺許甲辰光芒漸  
大長丈餘二月己巳乃滅三年癸未閏十一月戊申彗見于東北四年



甲申正月壬戌有星孛于東方十七年丁酉三月丁亥有星孛于東方  
世宗十五年癸丑八月己巳彗見于貫索九月戊子其光漸微二十一  
年己未閏二月丙申彗見于東井凡二十二日三十一日己巳十二月  
戊午彗見于天市內尾長五六尺翌年正月癸巳乃滅

世祖二年丙子五月彗見十日補六月甲寅彗見○三年丁丑六月甲  
午彗星見四年戊寅十一月庚戌彗見十二日五年己卯正月丙戌彗

見于婁光芒微至于三月戊子九月庚申壬戌補己卯九月無庚申彗星

見十四年戊子九月癸亥彗見天市尾長三丈許

成宗二年辛卯十一月乙丑彗見于角過周鼎抵華盖尾長二丈許十  
二月庚寅歷王良移奎南翌年正月丙午乃滅二十一年庚戌十一月

辛丑彗見于虛漸東在危尾長丈餘過東璧抵天倉翌年正月乃滅

燕山君六年庚申四月甲辰彗星見尾長五六尺至于六月戊子

中宗二十四年己丑七月壬戌彗見于西方長四五尺色白己卯移見

庚方二十六年辛卯閏六月庚戌彗見太微東垣外尾長十餘尺色白

二十七年壬辰八月辛卯彗見于柳九月己酉移見于卯地尾長一丈

許色白至十二月戊寅其光微二十八年癸巳六月丁丑彗見于五車

北尾長七八尺色白入天船過王良歷螭蛇抵天津至八月丁丑其形

漸微三十二年丁酉十二月丙寅彗見于酉地長三丈許色白至于甲

戌微有氣三十四年己亥四月庚子彗見于軒轅尾長五六尺色白五

月過酒旗抵星南



明宗四年己酉二月己酉彗見于艮方三月移見卯方九年甲寅五月丙寅彗見于北斗尾長一尺四五寸色白至六月辛巳不見十一年丙辰正月庚辰彗見于軫歷角亢入紫微尾長五尺許色白至三月庚午抵東壁形色漸微十二年丁巳九月辛未彗見于天市內尾長一尺許色白十月移在南斗形色熹微十三年戊午七月庚午彗見于太微內尾長四五尺色白閏月移于天市內其形熹微二十一年丙寅十二月丁亥南方有星狀如長星廣三四寸長五六尺上廣下狹

補宣祖十年丁丑七月彗星見○十月妖星見於西方光芒數十丈似彗非彗謂之蚩尤旗補十一年秋長星亘天狀如白練數月乃滅○十三年庚辰九月甲戌彗星見十八年乙酉九月辛卯彗見于羽林尾長

尺餘補二十年九月彗見西方本柄偃曲長三四十丈光芒燭地三閱月乃滅○二十六年癸巳七月壬戌彗見紫微外辛巳抵傳舍其形漸微八月丙午乃滅補二十九年六月庚申彗見于井狀如五車大星至七月甲午乃滅○三十三年庚子七月丙寅彗見于中台辛卯移在太微內光芒漸微三十四年辛丑十一月二十六日慶尚道熊川縣彗見于子丑間尾長數尺三十五年壬寅七月乙巳補壬寅七月無彗見于三台北極之間移于郎位下尾長七八尺久而不滅四十年丁未八月癸亥彗見三台尾長七八尺色蒼白移于天市至九月十八日乃滅補十月見三台間尾指文昌及北斗魁長十餘丈色蒼白踰月乃滅

光海君十年戊午十月壬戌蚩尤旗見于張長十餘丈廣尺餘色黃白



兩端銳而如鉤乙丑彗見于氐尾長二十丈廣四五尺色赤犯北斗貫  
文昌十一月甲午蚩尤旗不見癸丑彗星亦消補十二年十二月癸酉  
晦彗見如進退相搏之狀補十三年正月庚寅彗見移時相搏

補仁祖五年夏星孛于太陰七年九月庚戌彗見十六年五月彗見巽  
方光芒甚赤經月乃滅

孝宗四年癸巳七月壬戌彗見紫微西垣外體小於北河漸移入穀下  
尾指西南長七八尺色蒼白至八月二十五日不見七年丙申六月庚  
申補丙申六月無  
庚申干支恐誤彗見于井狀如五車大星尾長二三尺色蒼白至七  
月二十九日乃滅

顯宗二年辛丑正月丙辰彗見于牛尾長二尺許色白五年甲辰十月

丁卯彗見于軫似有尾跡歷九宿抵婁至翌年正月乃滅補七年冬彗見

補肅宗三年三月彗見○六年庚申十月丙戌彗見于太微西垣外尾長三四尺歷角亢在氐不見十一月丙辰初昏白氣在西長三四丈微見星體而在濛氣中不得測候八年壬戌七月丁卯彗見三台尾長三四尺大如織女大星色白歷右角抵攝提至九月乃滅十二年丙寅七月己酉彗見于張補至八月辛酉乃滅補二十一年九月彗見○二十七年辛巳二月丁丑彗見危室尾長二丈餘狀如五車大星色白移見于奎至三月初四日不見九月辛亥見太微端門外過翼抵張尾長二三尺至十月己巳不見



景宗三年癸卯九月丁酉彗見于女似有尾跡移見于牛至十月十七日不見

英祖十三年丁巳正月癸卯彗見于危尾長三尺許色白體大於奎大星歷室壁奎抵天倉西至二月壬戌漸微不見十八年壬戌正月庚寅彗見于斗尾長二三尺許色白體大如河鼓中星歷牛女抵紫微入垣內至二月壬子乃滅十九年癸亥十一月辛丑彗見于壁移室抵危尾長二丈許色淡赤體大於太白至翌年正月辛卯昧爽反見于東爲曙色所射不得看候庚子乃滅二十年甲子十月丁巳有星見于角似有尾跡二日後不見二十四年戊辰四月己未彗見于室大如王良尾長尺許色淡赤過壁在奎三十五年己卯三月乙酉彗見于危大如河鼓

中星尾長二尺許色蒼白過虛抵女至于戊申乃減補四月癸丑見于翼大如金星尾長二尺許至戊寅乃減○四十五年己丑七月己酉彗見于畢大如畢大星尾長三四尺色白歷參井鬼柳尾跡稍長八月丙寅星體漸微九月丁未初昏反見于西方房宿上尾長尺許十月甲寅移在心宿丁巳乃減

續正祖八年正月己丑彗見于羽林星

續純祖七年九月壬寅彗見色蒼白尾長尺許三月乃減十九年五月辛巳彗見壬方尾長三尺二十三年十二月一日彗見斛斗兩星之傍尾長尺許色蒼白三十年十一月癸未彗見尾長尺許色蒼白

續哲宗三年七月彗見五年三月彗見九年八月辛亥彗見尾長尺許



色蒼白十一年五月彗見十二年五月壬子彗見尾長丈許十三年七月乙巳彗見尾長尺許色蒼白

續今 上十一年五月彗見十八年六月辛卯彗見于西北十九年八月彗星見二十年十二月丁卯彗見于室宿尾長尺許色蒼白

### 天變

新羅慈悲王十年秋九月天赤二十一年春二月夜赤光如匹練自地至天補景德王十九年正月寅方有聲如伐鼓○惠恭王二年冬十月天有聲如鼓○文聖王十年十月天有聲如雷

百濟比流王二十二年冬十月天有聲如風浪相激

高麗成宗十一年十二月夜天門開○顯宗十五年十一月天門開補

文宗元年十一月辛丑乾方有聲雷吼如風水相搏○二十七年九月  
庚戌夜天苑星南天裂廣可五六寸中有赤色十一月丙寅夜文昌西  
天裂長十五尺廣三尺色青赤補肅宗九年三月丙子西北方有聲如  
雷補睿宗五年八月乙亥天動初如衆鼓之音或如車馬之聲發自西  
北至于東南補仁宗四年九月辛未兌方天鳴如雷六年九月己丑乾  
方有聲如雷二十三年十二月丁巳立春夜天有聲如雷補毅宗二年  
十二月庚午天鳴補高宗二十二年正月壬子天鳴如雷或云忠烈王  
十九年四月辛亥南方有聲如鼓動羣鷄鳴補恭愍王十一年十一  
月乙巳天鼓鳴十八年二月壬子天鳴丙辰夜又大鳴

本朝 太宗七年丁亥五月甲戌天鳴



世祖五年己卯九月庚申夜西南方有聲如萬馬羣奔

燕山君七年辛酉正月乙亥西方有聲如雷

中宗二十一年丙戌八月己卯南方有聲如風水相激二十三年戊子正月己亥巽方有聲如雷二十五年庚寅正月壬子夜艮方有聲如雷三十七年壬寅十月庚子北方有聲如雷三十八年癸卯五月甲子坤方有聲如風水相激良久乃止

明宗五年庚戌正月庚午坤方有聲如放砲九年甲寅四月壬午夜有大聲如雷震或如風水相激起自南方向北而止十四年己未十一月壬辰西方有聲如雷

補宣祖二年六月坤方有聲如風水相激二十五年三月東南天際有

聲如巨雷四月壬寅亦如之

補光海君七年十一月壬寅夜天動十四年正月戊午東南方天動二月丙戌東南有聲如雷

補仁祖元年三月辛丑

即十日

乾方天地俱震補三年十月辛巳夜二更

天地俱動己丑乾方天動如崩補五年十月丁未天動十二月癸丑西

方天動連日補六年四月庚子天動丁巳亦如之十二月咸興府亦如

之補九年正月己亥天動九月庚辰乾方天動壬午亦如之補十年正

月癸丑天地俱動補十一年癸酉三月戊午江西縣空中有聲如乾雷

四月丙戌天動○八月庚午夜東方有聲如雷移時乃止補九月丁未

亦如之十月丁卯天地俱震補十三年十一月丙子天動十二月庚辰



亦如之補十四年四月辛巳天動補十五年正月己巳夜二更西南有氣聲如天動十一月丁卯天動補十六年十一月癸酉天動十二月壬寅亦如之

孝宗八年丁酉七月甲子夜天鳴有聲如風水相薄十月丙申夜西南方有聲如風水相薄

顯宗十三年七月甲子如風水相薄之聲流轉天中自西向東而止

補肅宗元年正月癸酉午時黃海道兎山縣有天動聲如大砲始自北方至於東南移時乃止

增補文獻備考卷之六



增補文獻備考卷之七

弘文館 纂輯 校正

象緯考 七

日月變

新羅文武王二十一年正月朔終日黑暗如夜

補以下日

○惠恭王二年春

正月二日並出○文聖王七年冬十二月朔三日並出

高句麗榮留王二十三年秋九月日無光經三日復明

百濟比流王二十四年秋七月有雲如赤烏夾日

高麗穆宗十二年二月己丑日色如張紅幕○德宗元年

補二年

九月癸

亥朔日色如彗○肅宗十年正月庚寅日正中無光○睿宗四年四月

己卯日色赤而無光動搖五年三月乙卯日色如血無光六年三月甲申日赤無光○仁宗二年閏三月甲申日赤無光丙戌日色黃赤三年四月丁卯日月同出東西相距五丈許四年三月甲午日色如血六年三月戊申日色無光赤黃己酉亦如之七年正月丁亥三日並出相連如虹十一年十一月戊寅兩日並出○毅宗二年三月戊辰日無光五年三月癸酉日有黑子大如鷄卵癸未甲申亦如之十二年三月癸酉日無光六月庚戌日無光十四年正月己亥日中有怪氣三日八月癸酉日中有黑子○明宗元年九月辛卯日有黑子大如桃十月戊午亦如之六年七月丙寅日無光七年三月辛丑朔日無光己酉日月無光十三年十一月己卯日有黑子二日十五年正月甲午日有黑子大如

黎二月戊寅亦如之辛巳日無光三月庚子日有黑子辛丑亦如之十月庚午亦如之十七年三月乙卯日赤薄無光○神宗三年八月癸巳日有黑子大如李四年三月壬子日中有黑子大如李五年八月丙子日中有黑子大如黎七年正月乙丑朔日中有黑子大如李凡三日○高宗四年三月壬辰日赤無光四十五年二月壬辰日青無光三月丁卯日色赤如血八月癸巳日中黑子大如鷄子翌日又如人形○元宗元年正月甲午日昏無光○忠烈王四年八月癸亥日中有黑子大如鷄卵○忠惠王後元年二月甲午日赤○忠定王元年三月乙巳日有五色重輪相貫○恭愍王二年四月戊申日無光五年三月甲申日無光中有黑子乙酉亦如之丙戌日澹無光直視不眩十年二月辛卯日



有黑子十一年九月己未日有黑子補十二年春日月無光無雲而陰  
○十九年十二月庚午日有黑子二十年九月癸巳日有黑子二十一  
年四月壬午日有黑子二十二年四月乙亥日有黑子二日十月乙亥  
日有黑子○辛禡元年二月戊申日有黑子己酉亦如之二年三月癸  
亥日無光七年二月癸未日有黑子八年二月甲戌日有黑子大如鷄  
卵凡三日補十一月甲寅星入日中十三年三月丁丑日有黑子補恭  
讓王二年四月甲寅日傍有青赤氣中大而端尖

本朝 太祖七年戊寅九月癸酉朔日有五色

太宗二年壬午十月庚午日中有黑點

中宗十五年庚辰二月己卯日中黑氣相盪有虹繞日四月乙亥日無

光有白氣掩日乍開乍蔽日輪若動又黃氣陣陣如浮雲飛行于天三十九年四月辛卯日色深黃所照物皆黃傍有白氣圓如日影移時乃滅

補明宗二年十二月戊申朔日無光上下有圓形如日又有赤氣○八年癸丑三月甲辰朝日無光黑氣飛上衝日

補宣祖十五年十二月甲辰三日並出補二十五年十月甲辰三日並出補二十六年十二月壬戌三日並出○三十六年癸卯三月壬戌日赤無光有黑雲三點狀如大錢自外附日似有離合三十七年甲辰閏九月庚辰日中有黑子大如鷄卵

補光海君六年五月三日並出○七年十一月辛丑三日並出八年十

一月辛卯三日並出東方

補仁祖元年十二月甲午朔日五六並出補六年十二月丙申三日並出于東方○七年己巳三月癸未日出時色赤如血四月丙戌丁亥亦如之補十二月庚申三日並出補九年正月庚子朔日色如血三月丙申四月壬子亦如之補十四年十二月丙戌即十日申時兩日並出于西方○二十三年乙酉十二月壬辰日出時色紫

顯宗元年庚子四月戊戌日中有黑氣七年丙午九月甲寅乙卯補丙午九

月無甲寅乙卯干支恐誤日中有黑氣

補肅宗四十六年四月戊戌日中有黑氣

英祖二年丙午九月甲寅酉時日中有黑氣補翌日辰時亦如之○十



三年丁巳正月壬子日色黃而動盪十九年癸亥九月日中有黑氣凡三日

新羅聖德王十五年春正月流星犯月月無光

補以下月

○憲德王十四年

夏四月十三日月色如血

補高句麗寶藏王二年夜夜明不見月

補高麗睿宗十七年五月癸酉初更月有兩角青黃交色二更末變白

而滅○仁宗二年十月甲寅月南北有角六年三月戊申月色無光赤

黃○明宗十六年四月己未月赤如血○高宗四年三月壬辰月赤黃

無光二十二年九月庚午月赤無光四十五年三月丁卯月色赤如血

補忠烈王十三年十月乙丑夜明西南野鷄皆鳴補忠肅王七年十月

壬戌月初生色赤如烈火○恭愍王十六年二月甲子月色如血

本朝 中宗十五年庚辰三月庚戌全羅道求禮縣月與星若相觸者  
凡三十八年癸巳八月二十二日壬辰巳時西天月光明翌日亦如  
之

宣祖十三年庚辰二月辛未朔月無光累日○補十月南中月魄墮地天  
中無月○補十四年四月江界夜色如月人影落地

暈適

新羅孝成王二年夏四月白虹貫日

補以下日

○景德王二十年春正月朔

虹貫日日有珥○憲德王十四年秋七月十二日日有黑暈指南北○

眞聖王四年春正月日暈五重

百濟近仇首王十年春二月日有暈三重○聖王二十七年春正月庚申白虹貫日

補高麗顯宗元年十一月戊戌日暈如虹傍有珥色青赤○五年三月庚寅白虹貫日辛丑白氣貫日壬寅日旁赤氣相盪八年三月丙午白氣貫日九年三月庚申白氣貫日十一年閏十二月戊申日重暈十二年正月庚辰白氣貫日十六年三月己丑白氣貫日十七年二月乙丑白氣貫日○靖宗六年二月壬子日有暈白虹貫暈八年十二月乙巳日有四抱白虹貫日補文宗七年正月丙午白氣貫日竟天○十九年十月乙巳日重暈赤氣貫日有兩珥補二十年四月己丑日傍有氣如虹○宣宗十一年正月壬辰日旁東西有彗白虹衝日戊戌亦如之○



獻宗元年正月戊戌日暈兩旁有彗○肅宗元年五月辛卯朔日暈三重補七年十月乙亥日東北有青赤虹○十二月乙亥赤虹貫日八年四月丁巳赤虹犯日十年正月庚寅日重暈有珥○睿宗元年三月丙申日有重暈白虹貫之補六年十二月癸巳日有兩珥白氣貫于東西有暈○十年二月丁未日暈三重有珥白虹貫之十七年四月丙申日有重輪○仁宗二年正月丙寅日有三珥四年正月甲午白虹貫日日有重暈七年三月辛巳白虹貫日補十二月戊子日有兩珥東有背氣上有半暈中貫青赤色○八年八月戊寅日有三珥色青赤九年二月辛巳白虹貫日十二年正月戊寅白虹貫日二月乙酉白氣貫日十月戊子白虹貫日日暈有珥十三年二月壬午日暈白虹貫之十五年十

一月丁巳青赤暈貫日補十六年十月日暈內黑外赤補十七年正月  
庚寅日暈色青白二月壬戌亦如之○十九年四月丙戌白暈貫日十  
二月丁卯日暈兩旁有珥白氣發珥東西衝貫長數十丈補毅宗二年  
十二月己卯日有暈色青黑○十二年五月己巳白虹貫日十三年正  
月丙辰日暈有珥色青赤白西北方有二背氣三重皆去日輪不數尺  
間十八年正月庚子白虹貫日十一月甲午白虹圍日南西北各有珥  
如日相貫二十一年三月癸亥白氣貫日○明宗九年正月癸未日抱  
三珥色青白赤補四月癸巳日有珥又有抱氣長一丈內赤外黃○五  
月丙寅日有三珥南北赤黑西方白南西北有抱氣色白十一年正月  
乙亥白虹逼日補二十三年二月辛酉日有珥南重暈補二十六年二



月己未日有背氣色青赤○神宗四年八月乙巳日暈白氣貫日補十  
二月丙申日北有抱氣內赤外黃補五年十二月甲申日北有朱暈如  
斷虹外有直氣東西有珥○熙宗五年四月戊寅日有重暈東有兩背  
六年二月庚辰日暈兩珥北有白氣交暈貫日○高宗四年四月庚戌  
日傍有赤氣大如車輪南北射氣如日五年六月辛亥虹霓環日六年  
十一月甲寅白虹貫日七年二月戊辰白虹貫日三十年二月乙丑虹  
貫日十月甲午白虹貫日補四十年十月己未日暈有五色十二月癸  
丑日暈二重色如虹東北有背氣○元宗元年四月乙巳日有暈白虹  
貫日十五年十月戊午白氣貫日補忠烈王元年八月甲辰日傍有氣  
如虹直立如柱○七年二月乙亥白虹夾日二十七年十月丙戌五色



虹圍日長三尺許日沒猶未滅三十一年十一月辛未雙虹夾日補三  
十二年正月辛酉虹夾日五色交輝○忠肅王二年二月己卯朔日有  
三珥五月壬戌白虹貫日八年二月壬申白氣貫日四月辛未白虹貫  
日十六年三月丁卯虹貫日後六年七月癸卯白虹貫日八月辛亥日  
有重暈○忠穆王四年十二月辛未虹貫日○忠定王元年三月乙巳  
日有五色重輪相貫○恭愍王五年正月甲午赤氣夾日長數尺餘其  
中有兩輪如日十二月戊午酉時日之左右有氣如日光十一年四月  
辛丑白虹貫日十三年正月丁丑白氣交日十六年正月庚寅日下有  
環如日白虹匝其外戊戌日暈兩珥虹圍日補二月己酉日有兩珥虹  
圍日○十一月乙亥白虹貫日十二月丙午日重暈背珥二十年閏三

月丁卯白虹貫日二十三年十月庚申虹圍日日傍又有大小兩輪如  
日○辛禡元年十一月甲戌日珥日背白虹貫日五年補正月庚寅日  
抱日背日冠日戴日珥有纓環之○五月丁卯朔白祲貫日六年八月  
甲申白虹貫日十年正月壬子日重暈有珥十二年正月丙寅日珥白  
虹貫日○恭讓王二年四月戊戌白虹貫日

本朝 太宗三年癸未十月庚申有氣青紅圓如盤對日十二年壬辰  
二月壬午白氣環日

世宗元年己亥九月辛酉日有重暈白虹貫日十二年庚戌正月戊辰  
白虹貫日

世祖四年己卯十月丁未

補己卯十月無  
丁未干支恐誤

日有重暈七年三月乙亥

補壬

午三月無乙日有重暈十二年正月丙戌日暈如虹白氣如環貫珥  
亥干支恐誤

成宗七年丙申十二月辛巳日有赤暈兩珥光明出白氣長各五六丈  
中宗十二年丁丑二月丁未朔日有重暈白氣出自兩珥並射外暈十  
四年己卯十一月己巳全羅道同福縣天有白氣如一匹練自東貫日  
長三丈許日北如虹二條匝日兩端向南又如虹二條相背而起兩端  
向北日上虹外有紅點大如啓明日下虹外有紅點差大光芒相射南  
原府海南縣日變與此略同十五年庚辰正月庚戌白虹貫日三月甲  
午白氣貫日補春白虹繞日東西各三匝南北各一匝南北繞外各有  
二條虹如垂紳者竟天又於未申方有一條虹長一丈餘移時乃滅補  
十六年十月己亥白虹貫日○十七年壬午三月辛亥日有重暈二十



年乙酉三月乙丑日有重暈白虹貫日戊辰白虹貫日是日黃海道海  
州延安瓮津等地亦如之閏十二月丁卯日有重暈白虹貫日二十一  
年丙戌二月乙亥白虹貫日十二月己未平安道寧邊府亦如之二十  
三年戊子二月戊午白氣貫日四月辛亥白虹貫日二十五年庚寅正  
月癸卯白虹貫日二十六年辛卯十二月甲子補甲子干支恐誤咸鏡  
道會寧鍾城府白虹貫日二十八年癸巳十二月庚寅日有重暈二十  
九年甲午三月乙亥白虹貫日十二月辛丑日有重暈三十一年丙申  
二月戊子日重暈亘天三十四年己亥十月乙卯補乙卯干支恐誤白虹  
貫日三十七年壬寅正月庚子日有重暈三十八年癸卯正月乙丑慶  
尙道延日縣白虹貫日

明宗元年丙午二月己亥白虹如環貫暈庚子白虹貫日四年己酉正

月壬戌

補 己酉正月無  
壬戌干支恐誤

日有重暈二月己酉日有重暈白虹貫日五年

庚戌十一月壬子日有重暈六年辛亥二月辛酉白虹貫日十一月戊

午

補 辛亥十一月無  
戊午干支恐誤

日有重暈白虹貫日七年壬子正月甲申朔日有

重暈己亥亦如之八年癸丑二月戊辰咸鏡道鍾城府白虹貫日十年

乙卯正月壬寅日有重暈白虹如環貫兩珥補十一年丙辰正月白虹

貫日○十二月乙未白虹周匝抵兩珥十三年戊午二月己丑白虹貫

兩珥己亥日有交暈十月丙午日有重暈十四年己未正月戊子己丑

白虹貫日十六年辛酉正月甲辰

補 辛酉正月無  
甲辰干支恐誤

白虹如環貫珥三月

己巳日有重暈庚午白虹如環貫珥十七年壬戌二月癸未白氣出自

兩珥貫暈指日二十一年丙寅三月乙巳日暈白虹如環貫暈

補宣祖元年二月日有青赤暈白氣如虹貫日輪○二年己巳十月辛酉白虹貫日三年庚午二月己亥朔白虹貫日三月亦如之六年癸酉正月壬午朔白虹貫日庚子亦如之十一月丁丑朔亦如之七年甲戌正月白虹貫日十一年戊寅正月乙卯白虹貫日補丁丑亦如之七月壬戌十一月丙子亦如之○十二年己卯二月己卯白虹貫日者再十三年庚辰三月庚子朔白虹貫日補戊申壬戌亦如之○十四年辛巳正月戊寅白虹貫日補十五年十二月甲辰雙虹貫日○十七年甲申二月丙辰白虹貫日補十八年十二月庚寅白虹貫日補十九年丙戌四月壬申白虹貫日○十二月壬申白虹貫日二十年丁亥三月丁酉



白虹貫日二十一年戊子正月戊戌咸鏡道咸興府白虹貫日二十三年庚寅正月丙寅白虹貫暈指日補二十五年十二月庚戌白虹貫日日傍有珥○二十六年癸巳正月丙辰朔日有重暈兩珥出白氣外射補二月癸丑白虹貫日閏十月白虹貫日者再補二十七年七月己丑雙虹貫日十二月乙卯白虹貫日補二十八年十月壬寅白虹貫日○三十一年戊戌二月戊子補戊戌二月補無補黃海道谷山郡白虹貫日癸卯補是月補無補癸卯補干支補恐誤補亦如之三十四年辛丑二月乙亥日有交暈三十六年癸卯正月癸亥白虹貫日三十七年甲辰正月壬子朔日有交暈白虹貫日閏九月甲辰日有交暈

補光海君六年正月壬戌白虹貫日竟夕○八年丙辰正月乙酉白虹

貫日壬辰丁酉亦如之補五月虹貫連日六七日九月白虹貫日一朔凡八九見十一月辛丑又貫日

仁祖元年癸亥七月戊戌白虹貫日十一月壬申亦如之十二月壬辰甲午壬子亦如之補二年甲子正月丙辰朔白虹貫日癸酉亦如之○三月戊辰白虹貫日三年乙丑正月丙子日有交暈四年丙寅二月乙未日有重暈白虹貫日六月丙子日有交暈九月癸巳日有重暈十月乙丑亦如之五年丁卯正月甲申白虹貫日丙申白虹繞日三月甲申日有交暈白虹貫日補十二月壬子有赤暈如人影者二補六年四月癸巳日有交暈兩珥有冠有履內赤外青白虹貫暈十二月丙申白虹貫日周匝縱橫者疊疊補七年己巳正月戊辰日有重暈有冠有履內

青外赤懸珥如血色○三月丁巳朔日有交暈白虹貫日補甲戌乙亥  
又貫日閏四月庚午日有重暈十二月乙丑又貫日補九年冬白虹貫  
日○十年壬申三月戊戌日有交暈白虹貫日己亥白虹貫日補十一  
年三月戊午日有重暈兩珥補十二年二月乙酉日有重暈補十三年  
乙亥正月甲子日有重暈白虹貫日○二月庚寅白虹貫日補十二月  
辛卯白虹貫日補十四年二月丙子日暈終日酉時重暈三月丙辰白  
虹貫日補十六年十二月白虹貫日○十九年辛巳正月丁丑朔白虹  
貫日戊戌亦如之補二十一年春白虹貫日○二十四年丙戌三月甲  
寅日有交暈白虹貫日四月辛卯日有重暈五月戊申白氣出自左珥  
直指乾方長二三尺許二十五年丁亥二月丙戌日有重暈三月庚戌



十一月庚子亦如之二十六年戊子正月己亥日有重暈三月丙申朔日有交暈白虹貫暈十二月戊戌亦如之二十七年己丑二月癸丑日有重暈

孝宗元年庚寅正月戊辰己巳日有重暈乙亥亦如之二月癸卯閏十一月丙申亦如之二年辛卯二月丙辰日有重暈白虹逶迤指日三年壬辰正月乙未白虹貫珥指日三月辛丑日暈上白虹逶迤十二月乙卯日暈三重四年癸巳正月己卯白虹出右珥指日逶迤暈外二月甲辰日有交暈白虹貫日壬戌日有重暈癸亥白虹貫珥指日補夏白虹貫日○五年甲午三月辛丑日有重暈壬寅白虹出左珥指日七年丙申正月丁亥日有重暈白虹貫日二月甲子日有交暈白虹貫珥八年

丁酉正月丁卯日有交暈白虹貫日

顯宗元年庚子二月癸巳日暈白虹逶迤貫左珥乙巳日有重暈五月  
丁巳日有重暈白虹貫暈二年辛丑正月己巳日有重暈七月丙寅亦  
如之補七年正月白虹貫日○九年戊申正月戊申日有交暈白虹貫  
日八月辛卯日有交暈白虹出自右珥逶迤暈上十年己酉十一月丁  
未白虹出自兩珥逶迤暈上十二月丙戌日有重暈白虹出自兩珥長  
各三丈許十一年庚戌正月丁未日有重暈白虹出自兩珥長各七八  
尺十一月甲寅白虹出自兩珥逶迤暈上十二年辛亥正月己巳日暈  
白虹出自兩珥逶迤暈上十一月丙子日有重暈十三年壬子正月己  
未日有重暈白虹出自右珥逶迤暈上十四年癸丑十二月癸卯白虹



出自兩珥透迤暈上十五年甲寅五月甲戌日有重暈

補肅宗元年正月丁卯白虹貫日十月戊午日有重暈十二月白虹貫日補二年十一月白虹貫日補四年閏三月己酉日有重暈白虹貫暈指日補五年十月乙酉日有重暈白虹貫日補六年正月日有重暈白氣如虹出自左珥長丈餘廣尺許十一月白虹貫日補八年二月辛巳白虹貫日補九年二月白虹貫日日有重暈冠履俱備亘于半天三月亦如之補十一年二月丙辰白虹貫日補十二年八月白虹貫日補十三年正月庚辰朔白虹貫日補十四年四月白虹貫日補十五年十二月白虹貫日補十六年三月白虹貫日○十九年癸酉二月辛丑白虹貫日二十一年乙亥二月甲午日有交暈白虹貫日二十三年丁丑十



一月己亥白虹貫日虹有兩珥色白二十五年己卯十二月壬申白虹貫日甲午白虹貫暈指日補二十八年正月甲辰日重暈有冠有戟內赤外黑白虹貫日乙巳亦如之○三十四年戊子正月丙子白虹貫日四月壬子日出時日傍有赤氣如虹長十餘丈十二月乙丑白虹貫日三十八年壬辰二月庚辰日有重暈白虹貫日補三月白虹貫日○四十一年乙未五月甲辰白虹貫日四十二年丙申二月丁丑白虹貫日補四十三年二月丁未白虹貫日補四十四年戊戌三月丙子日有交暈有冠有履內外皆赤白虹貫日○十二月丙寅日有重暈白虹貫日補四十五年正月白虹貫日

補景宗元年三月乙酉白虹貫日二年二月丁巳白虹貫日三月丙申

亦如之

英祖元年乙巳正月丙辰白虹貫日五年己酉十月丁未十二月己酉  
白虹貫日六年庚戌二月丁巳白虹貫日十三年丁巳正月甲辰乙卯  
白虹貫日十七年辛酉正月壬辰白虹貫日補十九年二月辛亥日有  
重暈內暈有兩珥○二十一年乙丑正月甲戌白虹貫日癸未甲申己  
丑亦如之二十二年丙寅二月庚申白虹貫日補壬戌日有重暈補二  
十三年二月己卯日有重暈○二十四年戊辰三月丁未白虹貫日十  
月丁酉十一月丁丑亦如之補二十五年二月丙申日有交暈○二十  
六年庚午三月辛亥白虹貫日補二十八年正月庚辰白虹貫日辛巳  
亦如之三月乙丑日有重暈內暈上有冠下有履外暈有兩珥白虹貫

日己丑白虹又貫日補二十九年二月戊戌日有交暈補三十年正月  
癸亥日有重暈內暈有兩珥暈上有冠外暈有背○三十二年丙子二  
月庚戌白虹貫日十二月乙亥亦如之補三十三年正月乙巳日有重  
暈暈上有背補三十四年正月乙巳白虹貫日補三十五年正月丁未  
日有重暈二月壬子亦如之補己未日有重暈暈上有背補四月辛酉  
日有重暈白虹貫日補三十六年正月庚申日有重暈二月丙申亦如  
之補十月壬辰日有重暈內暈有兩珥外暈有背色皆內赤外青○三  
十八年壬午三月癸丑白虹貫日補三十九年十月癸巳日有重暈暈  
上有冠補四十年正月甲戌日有重暈內暈上有冠左右有珥暈下有  
履○四十四年戊子十一月丁亥白虹貫日續五十一年二月辛巳白



虹貫日

續正祖十年正月戊申日有左珥辛亥日暈兩珥二十年三月辛未白虹貫日二十一年四月壬申白虹貫日二十二年正月己卯白虹貫日續純祖二十一年四月辛丑白虹貫日

續哲宗八年三月白虹貫日十二年二月癸亥白虹貫日

高麗靖宗元年十月丁卯月暈三重

補以下月

○文宗二十八年二月乙酉

月暈光芒如彗長三十餘尺○肅宗七年十二月丁卯月暈素氣如輪貫北斗補十二年十二月乙亥月有重暈無光○仁宗七年十二月己丑黃赤氣貫月長六尺許十二年正月丙辰月暈白氣從暈中發竟天辛酉月暈五車東井北河星東西白氣指月衝射二十四年十二月己

酉白氣貫月及天市紫微○毅宗二年十一月甲辰白氣貫月長丈餘  
三年十月丙寅白虹貫月補明宗二十七年十月戊寅月暈東北有背  
氣內青外赤十一月乙卯月暈內青外赤四方有赤白氣如杵長十尺  
許西南有珥○神宗四年十一月庚申月暈三重○高宗十年八月丙  
戌月暈四重內赤外青三十年二月乙丑白虹貫月補高麗史○忠烈  
王二十年四月丙戌白虹貫月○忠肅王元年三月己亥月暈兩珥白  
虹逶迤暈上貫月八年十二月乙巳月暈兩珥白虹出自兩珥逶迤暈  
上貫月補恭愍王十六年十二月丙午月冠赤黑氣補辛禡二年十二  
月庚申月暈畢觜參五車內黑中紅外青暈北白冠五年二月己酉月  
暈白氣自東至西挾暈七年四月辛酉白氣如布貫月補恭讓王二年

四月丁酉金星貫月

本朝 成宗七年丙申十二月庚辰黃海道海州牧月有重暈白虹貫月當月兩傍有兩月之狀

中宗十四年己卯十二月庚辰白虹貫月二十一年丙戌二月癸亥白

虹貫月三十三年戊戌二月庚申白氣貫月三十七年壬寅正月己亥

白虹貫月三十八年癸卯七月己丑

補 癸卯七月無  
己丑干支恐誤

白虹貫月

仁宗元年乙巳正月癸丑咸鏡道鍾城府白虹貫月十一月戊戌

補 乙巳

一月無戊戌  
干支恐誤

白氣自北貫暈長十餘丈

明宗三年戊申正月甲午白氣自南貫珥抵月五年庚戌正月辛巳白

虹貫月六年辛亥正月丙申白虹貫月壬子亦如之七年壬子正月戊



戊白虹貫月十三年戊午二月癸巳白虹貫月十九年甲子四月戊子  
黑氣自東貫月

宣祖三十年丁酉二月癸酉月有重暈

仁祖三年乙丑十二月壬辰青赤氣貫月長二丈許廣尺餘補十四年

三月戊午白虹貫月○二十四年丙戌三月辛酉白虹出自月右珥長

五六丈四月乙未月有重暈二十五年丁亥五月壬子白虹出自月兩

珥長數尺二十七年己丑正月丙午

補己丑正月無  
丙午干支恐誤

白虹貫月

孝宗元年庚寅正月庚午月有重暈二年辛卯九月丁亥月有重暈白

虹貫珥指月七年丙申正月辛卯月有交暈白虹貫珥指月二月甲子

白虹如環指月

補肅宗元年正月甲戌白虹貫月九月甲辰月暈白虹貫暈○二十二年丙子十一月戊辰白虹貫月三十年甲申二月己丑白虹貫月三十一年乙酉二月戊寅月有重暈白虹貫月三十四年戊子十二月己未白虹貫月

英祖元年乙巳正月丙辰白虹貫月補十九年二月己亥月有重暈○二十三年丁卯二月丙子白虹貫月二十四年戊辰二月壬戌白虹貫月補四月己巳月有重暈八月丙戌白虹貫月十月癸未亦如之補二十八年正月庚辰白虹貫月○二十九年癸酉十一月戊辰白虹貫月三十四年戊寅正月乙巳白虹貫月三十五年己卯正月庚子白虹貫月補三十六年二月甲申月暈白虹透迤暈上補四十四年正月辛丑

月有交暈

續正祖元年十二月甲辰白虹貫月戊申亦如之

星變

補高麗景宗五年夏有星犯帝座○顯宗二年四月癸丑熒惑無光○

靖宗八年七月丁未衆星流轉○宣宗九年五月乙未熒惑無光芒○

肅宗十二年

補肅宗在位十年條恐誤

十一月乙巳太白光芒大而赤至十餘日

○睿宗四年四月辛巳衆星無光○仁宗十一年十二月己亥狼星搖

動十六年十月己未角星搖動十八年七月壬戌心星搖動二十年四

月戊子太白搖動補明宗六年三月丙午夜有星見于東方色如血補

元宗元年六月戊子大星犯歲星補恭愍王十二年四月有星闔于天



中○辛禡十四年二月己酉歲星光芒射北其色白

本朝 太宗二年壬午正月丁未歲星見于西方光芒向東射天十年  
庚寅正月己卯黃海道黃州衆星搖動

補中宗十五年二月己卯夜有大星與月相犯或陞或降勢若相較  
宣祖二十五年壬辰十一月辛酉輿鬼中積尸氣明盛三十七年甲辰  
六月辛卯太白形如半月而差小動盪芒氣四出良久漸細而勾曲移  
時乃復本形

補仁祖三年十月辛巳西方星宿移時亂鬪○七年己巳正月丙子歲  
星熹微四日不見補十一年正月癸巳朔南北大星相鬪補十四年十  
二月癸巳即二十三日夜三更星聚繞一大星良久散向西方補十五年

正月甲辰有星闐于東南移時乃止

### 流隕

新羅南解王十一年流星墜於賊營○婆娑王二十五年春正月衆星隕如雨不至地○祇摩王九年春二月大星墜月城西聲如雷○慈悲王十年秋九月大星自北流東南○眞平王八年夏五月星隕如雨○善德主十六年正月大星落于月城○眞德主元年六月大星落于月城○秋八月衆星北流○太宗王八年夏五月大星落於賊營○文武王十三年春正月大星隕皇龍寺十九年夏六月流星犯參大星二十一年夏五月流星犯參大星六月天狗落坤方○神文王四年冬十月自昏及曙流星縱橫○聖德王五年春三月衆星西流九年春正月天



狗隕三郎寺北十四年冬十月流星犯紫微十二月流星自天倉入太  
微十七年冬十月流星自昴入于奎衆小星隨之天狗隕良方○孝成  
王元年秋九月流星入太微六年五月流星犯參大星○景德王七年  
春正月天狗落地二十三年冬十二月十一日流星或大或小觀者不  
能數二十四年夏六月流星犯心○惠恭王三年秋七月三星隕王庭  
相擊其光如火迸散補天狗隕于東樓頭如瓮尾長三尺色如烈火天  
地亦振○四年夏六月大星隕皇龍寺南○哀莊王二年秋八月星隕  
如雨○憲德王二年秋七月流星入紫微冬十月流星入王良十五年  
夏四月十二日流星起天市犯帝座過天市東北垣織女王良至閣道  
分爲三聲如擊鼓而滅補文聖王十年秋星隕如雨○孝恭王九年春



二月星隕如雨

高句麗故國原王六年春三月大星流西北補平原王八年五月星隕如雨○二十三年春二月晦星隕如雨○寶藏王二年秋九月十五日夜明不見月衆星西流補四年六月丁巳大星落于高延壽營中

百濟比流王十三年春大星西流三十

補作二十

年夏五月星隕王宮○阿

莘王七年秋八月大星落營中有聲○毗有王二十八年星隕如雨○聖王十年秋七月甲辰星隕如雨

補高麗惠宗二年流星入紫微補穆宗六年二月丁巳有流星光燭于地補顯宗元年十二月庚申大流星隕于郭州○四年三月癸卯大流星自東而西聲如雷六年五月辛丑大流星隕于西南七年補四月己

丑大流星自東抵西○八月辛丑流星如雷其光照地九月壬子流星  
大如月出張星入明堂靈臺八年五月庚申飛星出河鼓南行聲如雷  
九年七月辛未飛星出王良過壁聲如雷十四年九月己丑流星大如  
月入王良天策間十七年三月丙午飛星大如缶色白出攝提入尾聲  
如雷六月癸未飛星入心尾間十八年六月庚寅大星飛出牽牛入箕  
杵間補十九年六月丁亥飛星出大角入氐七月己亥大流星自北而  
南其光照地○二十年六月壬辰飛星大如燈籠自外屏入土司空戊  
戌飛星出紫微入天市色赤補八月晡時大流星指西南行○二十二  
年六月辛巳乾方有流星大如月○德宗元年十月癸丑天狗墮西方  
補靖宗三年四月壬申大流星入南門色赤○七月丁卯有三流星大

如盃一出卷舌入五車一出天船入句陳皆色赤一出入穀入句陳色  
白十月丙子流星大如半月出翼入斗魁色赤四年八月癸酉流星大  
如半月出天苑補壬辰流星出五諸侯入軒轅大如杯○六年十一月  
甲寅流星大如升尾長一丈餘出東井入軒轅庚申流星大如升尾長  
一丈出參星入闕丘十二月癸卯流星大如杯長十三尺許出織女入  
天市補八年七月丁未衆星流轉補文宗二年二月癸酉流星出郎將  
東入大角攝提間大如木瓜光芒照地補四年六月壬午流星出牛入  
鵠大如木瓜色赤補六年六月己亥流星大如木瓜出太微入天市色  
赤補七年七月甲寅流星出牽牛入天田色赤尾長丈餘補十五年正  
月辛丑晡時流星大如木瓜向乾而滅補十九年十月己丑流星出營



室入天將軍大如木瓜十二月甲辰有星出奎入羽林大如木瓜色白  
○二十一年七月辛巳流星出墓歷危疾行入織女分爲六七如紅櫻  
貫白玉其前者大如木瓜後者如鷄卵有聲如雷良久乃止二十四年  
正月庚子星隕于大丘縣化爲石二十六年二月甲寅流星出亢入房  
大如月補九月丙午有星如火犯營室補二十七年十月甲戌流星出  
柳入軒轅大如鉢補二十八年十一月己亥流星出文昌抵西北大如  
鉢補二十九年七月癸酉流星出南斗疾行至尾而散尾長丈餘補九  
月辛巳流星出天樞大如木瓜壬午又出天津入河鼓大如杯戊子又  
入華蓋大如燈補十月癸巳流星出天南入軫大如木瓜補三十一年  
十月壬子流星出大陵入天苑大如木瓜補宣宗三年六月辛卯流星

出文昌貫危哭尾長十尺曲如環東缺色赤俄變爲白良久滅補八月  
甲辰流星出婁抵王良大如木瓜補四年七月辛酉流星出天囷抵天  
苑大如木瓜補八月戊戌流星出婁抵王良大如木瓜補五年七月己  
巳流星出天津抵東壁大如木瓜補七年九月甲戌流星出鬼入太微  
色如火○庚寅又出上台犯中台下星大如日補十月壬辰朔流星出  
軒轅入太微大如木瓜○八年四月丁巳流星或青或赤尾長十餘尺  
出房星入軒轅有聲如雷補十年三月庚寅流星出造父抵王良色赤  
大如木瓜尾長七尺許○獻宗元年六月乙酉流星大如木瓜色赤尾  
長九尺許出室西入南斗魁亦有衆小星南流○肅宗二年正月癸巳  
飛星大如燭出鬼柳間抵軒轅補三年六月乙巳流星出螣蛇抵營室



色赤前大後小補十一月流星出南河抵天園色赤前大後小補四年十一月癸未流星出張抵天廟大如碗前小後大色白○五年七月甲午夜天狗墮乾方聲如雷十月壬戌流星出羽林入虛星長五尺許色青赤甚有光芒聲如雷八年八月辛亥流星一出北極入天津大如炬尾長三丈許一出內諸侯入上台大如碗尾長一丈許一出王良入文昌大如木瓜又小星百餘流行十年六月庚午初夜流星出紫微垣中入郎位色赤圓徑五寸許尾長一丈二更出天津入天市色白尾長二丈九月庚子流星出五車入螣蛇大如碗長一丈許辛丑流星一出北斗魁入郎將色青徑五寸許尾長一丈許一出中台入郎將色赤大如炬尾長一丈許一出北河入北極色赤大如炬尾長一丈半十二年



宗在位十年  
年條恐誤

十一月甲寅流星出上台入北極大如炬尾長一丈許○  
睿宗元年六月乙酉枉矢飛行流星出天津入宗人大如杯尾長數尺  
許又二流星出虛入九坎大如鷄子又自昏至曉衆星流四方補十一  
月丁亥流星出危入壘壁羽林大如碗補二年閏十月己丑流星出井  
入軍市大如碗尾長五尺許補四年五月己酉流星出貫索入亢大如  
杯補五年三月丁卯流星犯天市垣內車肆入列肆大如杯尾長九尺  
許八月乙丑流星出東井入輿鬼大如杯○九月壬申流星出傳舍入  
天棓大如炬長四丈許光射于地六年八月戊午衆小星分流四方補  
十二月丙申流星出軒轅入張大如碗尾長六尺許補七年九月乙卯  
朔流星出五車西北入北河大如杯尾長七尺許丁丑流星出畢東入

天苑大如孟己卯流星出河鼓近天紀而滅大如杯補十月癸巳流星  
出中台入紫微西大如杯尾長十尺許丙申出昂入畢大如孟補十一  
月戊寅出壘壁入羽林大如杯尾長五尺許光照地一星出攝提東入  
亢大如孟尾長十尺許補八年八月甲寅流星出軒轅入小微大如杯  
尾長六尺許己巳流星出婁入營室大如杯補九月丙午流星出天囷  
入天倉大如碗尾長十五尺許補十月己酉流星出北落師門入八魁  
大如杯尾長二十尺許補十一月甲申流星出中台入太微大如杯尾  
長十五尺許補九年二月丙辰流星出北斗紫微入王良大如碗十二  
年補四月丁丑流星出燿星入外厨大如碗尾長五尺許○八月戊午  
黃昏流星如月落於巽方補十月庚申流星出五車入天囷大如碗尾



長十尺許○十三年四月乙丑枉矢出西北向東南行九月丙戌天狗墜坤方補十二月丙戌流星出紫微入索女林尾長三十尺許十七年補二月丙申流星出北斗入天厨傳舍間又出北第一星分爲二乃滅○七月乙亥天狗出艮方抵坤方補仁宗二年六月戊午流星出紫微入攝提尾長三十尺許○八月辛酉天狗自東北發回翔向西南墜地聲如雷九月乙未流星大如炬壬寅流星出東北大如炬補十月己卯流星出文昌入紫微貫北極○四年四月丙辰天狗墜地有聲補十月甲午流星出天將軍入句陳大如木瓜尾長十尺許○十一月丁亥流星出水位入張聲如雷大如碗長一丈許補十一月癸巳流星出太微入帝座大如燈丁酉流星又出北斗中台大如木瓜補五年二月甲子



流星出建入房大如木瓜補三月甲午流星出建入房大如木瓜尾長十五尺許補六月庚申流星出營室入危大如木瓜補七月庚寅流星出婁入五車色黃大如木瓜補九月癸卯流星出東壁入羽林大如碗六年補四月辛巳流星出牽牛入天田大如木瓜補五月丁亥流星出天津入營室大如木瓜色赤補六月丁丑流星出紫微大如缶色白有光尾長十尺許疾行入離室又流星出天市大如鉢色赤尾長五尺許疾行入氐又流星出軫大如燈色赤尾長七尺許疾行入左角四更流星出天津大如鉢色如火尾長三尺許疾行入河魁五更流星出婁壁入羽林大如燈色白又流星入昂大如燈尾長七尺許○十月己未流星大如炬色赤出翼入角戊辰流星出翼入左角大如炬十一月丁未

流星出天囷入參大如炬補己酉流星出五車入參大如木瓜○七年  
八月戊辰流星出胃入天廩大如炬補又流星出奎大如碗尾長五尺  
許補閏月戊寅流星出婁入天倉大如碗乙巳流星出畢入天囷大如  
木瓜又流星出畢入參大如燈九月丁未流星出畢入天囷大如木瓜  
辛亥流星出室入危尾大如木瓜長八尺許補十月丙子朔流星出大  
微入天狗大如碗尾長十尺許○十二月丁丑流星自坤方指東北墜  
地聲如雷大如盆長六尺許八年六月辛巳流星出紫微西藩入河鼓  
長五尺許聲如雷補八月丁丑流星出五車入東井大如杯補十月乙  
亥流星出畢入天囷大如碗尾長十尺○九年六月辛卯流星出河鼓  
入南斗大如炬長十尺許七月補乙未流星出離室入箕○己未流星



出危入牛大如炬長十尺許補八月丙戌流星出畢入紫微大如碗尾  
長十尺補九月戊戌流星出北極入郎將大如杯○十二月甲申天狗  
墜坤方聲如雷補十年正月丙辰流星出太微入軫尾長十尺許丁巳  
流星出太微入北斗尾長十尺許補十月壬寅流星出郎位入攝提大  
如碗尾長三十尺許十一年補五月丁丑流星出營室抵天市帝座大  
如木瓜尾長二十尺許○六月壬寅天狗流下補十二月己亥流星出  
南北河犯參左肩大如木瓜尾長五尺又流星出南河中入狼星如中  
物破碎○十二年三月己未流星墜地大如斗是月星再晝隕於太初  
門營造處又晝隕于永明寺五月甲寅流星出王良入南斗大如炬尾  
長五尺許補六月辛丑流星出螣蛇入河鼓大如木瓜尾長十尺許甲



辰流星出營室北斗大如缶○九月己酉天狗墜于京城東北補乙卯  
流星出婁貫天倉南隕補十月庚子流星出參箕南隕補十三年閏二  
月癸酉流星出南斗越房心入左角大如木瓜尾長四十尺許○三月  
丁丑天狗墜西京十四年三月戊辰衆星自東北流西南補七月辛  
卯流星出津星入箕大如碗尾長七尺又出河鼓入南斗大如碗尾長  
二十尺○十二月丁巳流星出攝提入氐大如炬尾長二丈許○十五  
年正月庚午天狗墜北方補七月丁亥流星出天囷抵婁尾長十五尺  
許補十九年十月庚午流星出南河入軍市大如木瓜尾長三尺辛未  
流星出星入翼大如木瓜尾長二丈○二十一年九月壬戌天狗墜地  
聲如雷補二十二年四月庚戌流星出天市入東咸大如木瓜尾長五

尺許補五月乙丑流星出大角入天棓大如木瓜尾長十尺許補六月辛丑流星出箕入尾大如木瓜尾長三尺許補七月辛酉流星出東壁向北行大如鉢尾長五尺許補二十三年二月戊戌流星出大角入氐大如木瓜尾長五尺許補四月壬辰流星出翼入天廟尾長十五尺許補六月戊戌流星出攝提入軫大如木瓜○毅宗三年正月庚寅流星似天狗自東指西庚戌飛星出天乙星下入太微五帝座北大如鉢尾長兩尺許補四月庚午流星出張入庫樓大如杯○六月甲戌流星自西而東大如缶有二小星隨之滅後有聲如雷補九月辛巳流星出畢入天囷大如杯尾長丈許辛丑流星出弧入軍市大如木瓜尾長六尺許○十月壬申流星出婁入天棓大如鉢尾長丈餘聲如雷補五年五



月癸丑流星出亢入房大如木瓜補八月癸巳流星出角亢間經太微  
中下台文昌天船大陵八穀天將軍抵奎婁間大如杯尾長七尺許補  
八年五月丙寅流星出下台入中台大如鉢補七月癸卯流星出紫微  
入七公大如木瓜辛酉流星自南入尾大如木瓜尾長三尺許補八月  
辛卯流星出五諸侯大如木瓜補十一年五月乙酉流星犯帝座大如  
木瓜尾長十尺十三年補二月己丑流星出中台入紫微東藩大如鉢  
尾長三尺許補十一月乙未天狗星流行十七年補四月戊寅流星自  
西北向東南行補十二月癸酉星隕聲如雷二十三年五月壬戌流星  
出翼入河鼓大星大如炬尾長五尺許補明宗六年正月己巳流星出  
亢池入西咸大如木瓜尾長三尺許補六月丙子流星出須女入泣星



尺許補五月乙丑流星出大角入天棓大如木瓜尾長十尺許補六月辛丑流星出箕入尾大如木瓜尾長三尺許補七月辛酉流星出東壁向北行大如鉢尾長五尺許補二十三年二月戊戌流星出大角入氐大如木瓜尾長五尺許補四月壬辰流星出翼入天廟尾長十五尺許補六月戊戌流星出攝提入軫大如木瓜○毅宗三年正月庚寅流星似天狗自東指西庚戌飛星出天乙星下入太微五帝座北大如鉢尾長兩尺許補四月庚午流星出張入庫樓大如杯○六月甲戌流星自西而東大如缶有二小星隨之滅後有聲如雷補九月辛巳流星出畢入天囷大如杯尾長丈許辛丑流星出弧入軍市大如木瓜尾長六尺許○十月壬申流星出婁入天棓大如鉢尾長丈餘聲如雷補五年五

月癸丑流星出亢入房大如木瓜補八月癸巳流星出角亢間經太微  
中下台文昌天船大陵八穀天將軍抵奎婁間大如杯尾長七尺許補  
八年五月丙寅流星出下台入中台大如鉢補七月癸卯流星出紫微  
入七公大如木瓜辛酉流星自南入尾大如木瓜尾長三尺許補八月  
辛卯流星出五諸侯大如木瓜補十一年五月乙酉流星犯帝座大如  
木瓜尾長十尺十三年補二月己丑流星出中台入紫微東藩大如鉢  
尾長三尺許○十一月乙未天狗星流行十七年補四月戊寅流星自  
西北向東南行○十二月癸酉星隕聲如雷二十三年五月壬戌流星  
出翼入河鼓大星大如炬尾長五尺許補明宗六年正月己巳流星出  
亢池入西咸大如木瓜尾長三尺許補六月丙子流星出須女入泣星



大如木瓜庚子流星出壘壁入葛蒿大如缶尾長十尺許補八月癸酉  
流星一出壘壁入羽林大如木瓜一出天囷入太陰尾長三尺許補十  
二月丁酉流星出三公入紫微大如缶尾長十五尺許補七年正月癸  
亥流星出三公入七公大如缶尾長十尺許庚午流星出軒轅入張大  
如梨尾長三尺許補四月辛卯流星出太微入軫大如梨尾長三尺許  
補七月戊申流星出八穀入紫微大如梨尾長五尺許戊午流星出羽  
林入危大如梨尾長六尺許補十一月己亥流星出畢入羽林大如缶  
尾長一丈許甲寅流星一出天倉入羽林大如梨尾長三尺許一出柱  
入北極大如木瓜補八年七月甲申流星出五車入參大如梨尾長三  
尺許補八月己未流星一出奎入土司空大如木瓜一出內平入軒轅



尾長一丈許一出星七星入張大如木瓜尾長七尺許一出闕五星入  
弧尾長五尺許一出相入常陳大如木瓜尾長十五尺許一出東井入  
五諸侯大如木瓜尾長五尺許一出翼指南入天際尾長一丈許又衆  
星流于四方不可勝數補十一月丁丑流星出危入天囷大如木瓜癸  
未流星出天矢西南入天際大如缶補九年正月丁卯流星出翼入器  
府大如杯尾長四尺許丙申流星出尾入龜大如梨補三月丁卯小星  
百餘自東流西補四月丁巳流星出尾入積率大如杯補五月乙丑流  
星出天市西垣入尾大如杯尾長十尺許癸未流星出倉入八魁大如  
杯尾長七尺許乙酉流星出天將軍入胃大如木瓜尾長三尺許補六  
月流星出天囷入天廩大如木瓜補七月甲子流星出羽林入敗白大

如黎己卯流星出天紀入紫微東藩大如杯補九月丙辰流星出天倉入天庾大如木瓜尾長九尺許壬戌流星出參旗入參左肩大如杯尾長五尺許丙寅流星出五車入文昌大如杯色赤尾長六尺許丙子流星出羽林入北落大如杯尾長三尺補十年四月己酉流星出氐入翼大如木瓜尾長七尺癸亥流星出九游入天狗大如杯尾長七尺許補十一月丙寅流星一出天狗入軍市大如缶尾長十尺許一出天囷入天倉大如杯尾長十五尺補十一年二月乙未流星出太微西藩入翼大如木瓜尾長一尺許補六月戊申流星出天倉入羽林大如杯尾長七尺許補八月乙巳朔流星出天田入南斗大如黎尾長三尺許丙午流星出河鼓入東壁大如黎尾長七尺許補九月丙子流星一出天船



入紫微大如缶尾長二尺許一出天津大如木瓜尾長十五尺乙未流星出天囷入天倉大如杯補十月丙午流星出軒轅入太微大如木瓜尾長七尺許丁未流星出危入天津大如木瓜尾長六尺許補十一月癸巳流星出亢入氐大如木瓜尾長三尺許補十二年六月壬戌流星出南斗入尾大如梨尾長五尺許乙丑流星出天津入河鼓大如梨補九月辛卯流星出軒轅入張大如梨尾長五尺許補十月戊申流星從北向南行大如缶尾長五尺許補十三年四月乙未流星入王良向南行大如缶尾長十尺許補五月己未流星出壘壁入羽林大如木瓜補七月戊辰流星出天林入天津大如杯丁亥流星出螣蛇入河鼓大如木瓜尾長十尺補八月己亥流星出河鼓入天壘大如梨尾長七尺許



補九月庚寅流星出天津入河鼓大如杯尾長十尺許補十一月辛未  
流星出星七星入軒轅大如缶尾長十尺許又流星入天市大如木瓜  
尾長六尺許補十二月壬戌流星出星入張大如缶尾長七尺許補十  
四年三月壬辰流星出危入羽林大如木瓜尾長七尺許色白疾行甲  
午流星出太微入庫樓大如缶尾長七尺許補五月辛卯朔流星從壘  
壁入羽林大如木瓜補八月己卯流星出五車入參大如梨補十月甲  
子流星出文昌入北斗魁大如梨補十一月己丑流星出婁入天倉大  
如木瓜尾長三尺許補十五年六月癸酉流星出胃入畢大如梨○十  
七年九月甲辰流星自乾向巽疾行尾長二十尺許俄而無雲而雷

補國

人皆謂  
天狗墜

補十九年八月甲寅流星自乾向巽大如瓮光芒照地補二十

年二月乙未流星出天津入瓠瓜大如缶補八月癸未流星出奎入天  
將軍大如梨補二十一年十月戊寅流星出參入軍市大如木瓜又出  
闕丘入外廚大如杯庚辰流星出軍市入文人大如缶補十二月乙酉  
流星出軒轅入郎將大如杯補二十三年五月甲戌流星出天紀入漸  
臺大如木瓜補九月壬午流星出坤入艮大如缶補十一月丁亥流星  
出天廟入弧矢色赤如火補十二月戊戌流星出紫微西藩大如木瓜  
補二十四年五月庚午流星從危入建大如杯尾長三尺補十二月己  
未流星出紫微西垣補二十五年六月辛巳流星出房大如缶○二十  
六年五月戊申飛星出坤滅於艮尾長十尺六月己酉朔有星流下城  
中呼譟七月癸未天狗墜地二十七年十二月壬午流星入天際大如



缶聲如鼓補神宗三年五月丁巳流星出紫微入螣蛇大如缶七月己卯流星出紫微入天際大如木瓜尾長十尺許補四年六月丙午流星出奎入羽林大如杯尾長十尺許八月己卯流星出天市垣入心九月壬子流星出天倉入蒺藜大如木瓜戊辰流星出壘壁入胃大如梨丙子流星出奎入天津大如缶尾長十尺許十二月丁丑朔流星出南河入天狗大如杯補五年十月庚子流星出北河指北入天際大如缶尾長七尺許補七年六月丁巳流星出王良入危大如木瓜尾長十尺許補熙宗三年四月乙亥流星出北斗入文昌大如缶尾長十尺許其尾化爲白氣如龍形須臾滅○五年十月乙丑天狗墮地○高宗四年三月壬午天狗隕于五軍營中補六月戊辰有星疾流北斗武曲入攝提



間大如木瓜尾長一丈許補五年八月辛酉流星出五車入紫微大如  
缶補九月丙戌流星出羽林入壘壁大如木瓜○六年八月己丑流星  
出良歷箕貫南斗而墮大如牛長三百尺許七年八月己卯天狗墜於  
市街補八年十二月庚辰流星出閣道入營室大如缶尾長五尺補九  
年七月甲戌流星出虛入羽林大如缶尾長三尺許補九月己巳流星  
出營室大如缶尾長三尺許壬申流星出危入奎大如木瓜尾長三尺  
許補十二年十一月壬戌流星出紫微入北極大如缶補十四年七月  
甲辰流星出織女大如木瓜尾長五尺許補十一月丙申流星出太微  
帝座抵紫微句陳大如木瓜尾長十餘尺○十六年正月甲戌天狗墜  
地聲如雷補三月辛卯流星出天紀入河鼓大如缶補五月戊辰朔流

星出營室入婁大如木瓜尾長七尺許補七月庚寅流星出奎大如缶  
補十月己未流星犯紫微西藩又犯句陳帝座○十七年六月辛巳天  
狗墮地十八年十二月辛酉天狗墮地聲如雷十九年六月丁卯天狗  
墮地聲如雷補三十年二月甲戌流星出尾入天際大如木瓜尾長三  
尺許○三十二年三月辛亥天狗墮松嶽北補九月壬寅流星自西抵  
東大如缶尾長十餘尺補十月丁卯流星自西抵東大如木瓜補三十  
三年閏四月丁酉流星出巽向南入天際大如缶○三十七年十月乙  
巳流星入東方其下有聲三十九年七月乙未流星自北抵南光芒如  
電補四十年五月己亥流星出天紀北入紫微大如梨補八月癸亥流  
星出天船北入五車大如梨補九月辛巳流星出參入天苑大如木瓜



尾長五尺許補四十一年十月癸酉流星出柳入星大如木瓜補四十  
四年十月丁亥流星出土司空大如缶尾長十尺許補四十五年十二  
月戊戌流星出翼西北第三星大如梨尾長兩尺而黃補元宗元年十  
月辛酉流星出北斗魁入紫微中大如木瓜補十一月乙酉流星出張  
入天際大如木瓜○二年二月己亥天狗墮太廟前補五年六月丙午  
流星出天津紫微宮入北極補八月癸亥流星出東方大如碗尾長十  
五尺許補九年十一月己未流星出軫貫樓庫入天際大如缶○十年  
正月丁巳飛星出太微入軫大如木瓜八月乙未飛星出奎入東方天  
際大如缶補忠烈王元年七月丁酉流星自東至西而墮大如缶光芒  
照地○二年六月壬申流星墮路寢庭大如盆補七月甲午流星自西



而東大如椀補三年七月己亥流星出天市入房大如木瓜補十二月  
甲子流星一出五車入北河一出翼入七公大如鉢補四年八月丙子  
流星出文昌入北極大如梨色赤有光尾長五尺許補十一月戊寅流  
星自南抵西大如木瓜○十四年二月戊午流星晝見入天市補十五  
年七月壬午流星出大角入庫樓大如梨尾長一尺許又流星出房入  
庫樓長兩尺許○十九年八月己酉晝有星流于西北隅二十七年九  
月癸卯天狗墮地補忠宣王元年七月癸卯流星出南斗入房色赤○  
十一月流星隕于西南明如晝○忠肅王元年閏三月癸未天狗墜地  
補七年八月己酉流星入閣道大如缶色赤○十六年三月辛酉枉矢  
墜于西北五月己未晡時星隕良方狀如火補十七年五月癸丑流星

出心落地○忠穆王二年十二月庚寅天狗墮康安殿西補忠定王元年正月壬辰朔流星出奎南大如缶補恭愍王三年八月流星出王良墜良方大如缶○八年九月甲辰流星出軍市東光如鏡十五年九月辛巳西方流星晝隕十七年閏七月癸亥天狗墜地二十一年十月己卯流星出胃北墜地大如鉢補辛禡二年五月癸未流星出軒轅大如壺指東而滅○六年六月戊辰流星出南方經太微向乾方大如斗分爲四八年六月辛丑大流星從南墜北

本朝 太祖三年甲戌九月壬戌天狗墮地聲如雷七年戊寅五月戊申星隕東北十一月戊子流星晝見大如瓶

定宗元年己卯五月己丑慶尙道固城縣天狗墮二年庚辰七月甲子

朔流星落東北間大如盆

世宗二年庚子正月癸卯流星狀如銀瓶自東北向西南有聲如雷十  
一年己酉五月戊子

補己酉五月無  
戊子干支恐誤

流星如火自天中入東方有聲如

雷十八年丙辰七月癸亥初昏流星大如銅海尾如一布長光如電出  
天中入北極而散有聲如雷

世祖元年丙子五月戊寅晝流星入南方狀如拳尾長丈餘二年丁丑  
三月甲申流星出紫微五帝座大如瓶光芒耀地有聲

成宗二十二年辛亥十二月癸卯流星出坤入卯狀如瓶尾長四五尺  
有聲如雷

燕山君元年乙卯二月乙亥忠清道永春縣晝有星如鍤瓶其色如火



自天而下至地即滅餘光上升而散就視之狀如鷄卵色微黃堅如石當耳搖之隱然有聲如物在其中九年癸亥十二月甲午流星出紫微沒于天棓尾長一丈許色白有聲十年甲子十月癸亥流星大如鉢出自天中至紫微東垣而止尾長丈餘有聲

中宗二十七年壬辰九月辛未夜星隕如雨二十八年癸巳三月壬子江原道鐵原府流星大如瓢子尾長兩尺許聲如爆竹墜後有聲如雷伊川東南流星大如盆自天下地有聲如雷金城流星大如炬火自南而北墜地後聲如雷十月丙子飛星流星四面如雨三十一年丙申九月壬午流星出王良入羽林其狀如龍尾長三四丈色赤光照地三十八年癸卯六月甲戌朔昧爽流星出營室入壘壁狀如盆尾長八九尺

赤光良久乃滅

明宗三年戊申七月甲午大小流星縱橫四方不可紀極十五年庚申八月丁酉飛星流星四方如雨二十一年丙寅十月辛未亦如之

宣祖二十七年甲午三月辛丑飛星出織女向天棓入艮方狀如盆尾長七八尺色赤光照地補三十四年三月己酉星隕于西海及三角山有聲如雷補三十五年七月星隕于京中及慶州

補光海君元年八月癸酉營頭星隕于東北方○九年丁巳正月己巳流星出文昌入軒轅尾長八九尺色赤光照地有聲十二年庚申七月戊子酉時營頭出坤入乾狀如缶尾長六七尺色赤聲如雷

仁祖四年丙寅十月庚子流星入南方狀如瓶尾長七八尺色赤光照

地有聲五年丁卯補正月庚寅一大星西隕聲聞如雷○八月甲寅流星出傳舍入螣蛇狀如瓶尾長七八尺色赤光照地有聲六年戊辰八月壬辰流星出五車入南河狀如瓶尾長七八尺色赤光照地有聲補十二月星隕于咸興○七年己巳七月己酉流星出貫索入西方狀如瓶長丈餘色蒼白光照地有聲補十一年三月戊午營頭星出自天中流下乾方狀如鉢色蒼赤五月戊戌流星出于天中入南方狀如鉢尾長三四丈色蒼白七月丁未星隕于高山縣如一拳黑石補十三年七月旄頭星落于關西化爲石大如狗頭補十四年三月丙辰流星出于亢星上入東方狀如鉢尾長四五尺色赤癸亥妖星隕于訓練院碎爲七片



孝宗二年辛卯四月丁未日入後營頭自乾入酉狀如盆尾長十餘尺  
廣如疋布聲如雷赤光照地四年癸巳三月丙子流星出太微端門入  
東方狀如鉢尾長四五尺色赤光照地有聲十二月甲子流星出端門  
入星宿下狀如瓶尾長六七尺色赤光照地有聲五年甲午六月辛巳  
流星出貫索入奎狀如瓶尾長五六尺色白光照地有聲七年丙申二  
月壬申流星出天紀入天棓狀如斗尾長五六尺色白光照地有聲八  
月庚子流星出五車下入紫微狀如鉢尾長八九尺色赤光照地有聲  
顯宗八年丁未六月庚子流星出天中入南方狀如瓶尾長五六尺色  
蒼白有聲十年己酉二月戊寅流星出北斗入北方狀如瓶尾長五六  
尺色赤光照地有聲十一年庚戌十月庚子流星出婁入井狀如瓶尾

長五六尺色白光照地有聲如雷癸卯流星出軍市入坤方狀如瓶尾  
長六七尺色赤光照地有聲如雷十一月己未流星出天中密雲間入  
南方狀如鉢尾長五六尺色赤光照地有聲十三年壬子九月乙酉流  
星出畢下入乾方狀如斗尾長五六尺色赤光照地有聲十四年癸丑  
九月癸巳流星出北河入太微狀如瓶尾長五六尺色白光照地有聲  
補肅宗甲寅十月辛丑流星出天棓入坤方狀如瓶尾長三四尺色赤  
有聲丙辰流星出畢星入天際狀如鉢尾長五六尺色赤四更流星出  
參星入西方狀如鉢尾長四五尺色黃補元年正月辛未辰時營頭星  
出於坤方天中隕于西北其大如瓶尾長四五尺色黃白癸酉午時又  
出於天中沒於北方狀如瓶尾迹散落如火焰色赤有聲補五年十月



癸酉五更星隕西北方大如釜有聲如砲繼有赤白氣橫亘十餘丈縈

紆屈曲移時不消

雲臺不  
啓拿治

○十六年庚午九月丁巳流星出北斗下入

艮方狀如瓶尾長四五尺色白光照地有聲十七年辛未正月丁酉流  
星出翼下入南方狀如瓶尾長四五尺色蒼白有聲二十年甲戌二月  
戊寅流星出氐上入東方狀如瓶尾長五六尺色赤光照地有聲二十  
一年乙亥六月庚申飛星出心房間貫天市入天棓行甚疾狀如斗尾  
長十餘丈色白光照地二十五年己卯五月庚寅初昏流星出天棓入  
北方狀如鉢尾長二三尺色赤光照地有聲二十六年庚辰九月壬子  
流星出軒轅入艮方狀如鉢尾長三四尺色赤光照地有聲二十七年  
辛巳十月辛未日入時營頭出自天中入巽方狀如盆尾長數十丈色



白有聲三十年甲申十二月丁丑流星出天節入西方狀如瓶尾長七  
八尺色赤光照地有聲三十二年丙戌十月癸卯流星出句陳入北方  
狀如盆尾長四五尺色赤光照地有聲三十三年丁亥十月癸卯午時  
營頭出天中入北方狀如瓶尾長三四尺色白有聲如雷三十四年戊  
子正月壬子昧爽流星出北河入乾方狀如鉢尾長三四尺色赤光照  
地有聲三十六年庚寅九月丙辰流星出婁下入巽方狀如鉢尾長四  
五尺色白光照地有聲三十七年辛卯二月己巳流星出北斗入乾方  
狀如鉢尾長四五尺色白光照地有聲三十九年癸巳二月癸巳癸巳  
月無癸巳流星出太微入艮方狀如鉢尾長三四尺色赤光照地有聲  
干支恐誤

四十年甲午十一月庚子流星出柳上入北方狀如鉢尾長四五尺色

赤光照地有聲四十二年丙申九月戊寅流星出天苑入坤方狀如鉢

尾長三四尺色赤光照地有聲四十三年丁酉八月壬子

補無壬子干支

誤恐流星出文昌入艮方狀如鉢尾長三四尺色白光照地有聲

英祖十三年丁巳七月癸丑流星出室下入巽方狀如鉢尾長四五尺  
色赤光照地有聲十九年癸亥六月丁巳初昏營頭自東向西二十二  
年丙寅九月己亥流星出昴入南方狀如鉢尾長五六尺色赤光照地  
有聲十二月癸未流星出五車入西方狀如鉢光照地有聲二十三年  
丁卯十月甲申流星出天槍入巽方狀如拳尾長四五尺色赤光照地  
有聲三十二年丙子六月甲子流星出河鼓入西方狀如鉢尾長四五  
尺色赤光照地有聲三十八年壬午九月乙酉流星出淡雲間入南方

狀如鉢尾長四五尺色赤光照地有聲

續正祖三年六月丙辰流星出箕星下入南方狀如拳尾長四尺許色白九月乙酉流星出天津星下入南方狀如拳尾長三尺許色白八年九月癸酉流星見狀如拳尾長三尺許色赤光照地十年三月辛亥流星出天中入坤方狀如拳色赤十五年五月甲午流星出天中入南方狀如拳尾長三尺許色赤二十年正月壬申流星出天中澹雲間入東方狀如拳尾長三尺許色赤光垂地

續純祖九年七月己未朔流星出天中入南方狀如拳尾長四尺許色白光照地十五年五月癸卯流星出天中狀如拳尾長三尺許色赤光照地七月乙未亦如之二十五年五月八日流星出天中狀如拳尾長



四尺許色赤光照地二十八年三月戊辰流星出天中尾長三尺許色  
赤光燭地三十年閏四月流星出天中尾長四尺許色赤光照地有聲

增補文獻備考卷之八

弘文館纂輯校正

象緯考

八

雲氣

補新羅脫解王三年三月吐含山有玄雲如盖浮王頭上良久而散補  
助賁王十七年十月東南有白氣如匹練補奈勿王三年二月紫雲盤  
旋始祖廟上補實聖王十二年八月雲起狼山望之如樓閣香氣郁然  
久而不歇補慈悲王二十一年春赤光如匹練自天至地補孝昭王八  
年二月白氣竟天

高句麗始祖東明王三年秋七月慶雲見鵲嶺南其色青赤○故國川

王四年春三月甲寅夜赤氣貫於太微如虵

百濟多婁王七年夏四月東方有赤氣○阿莘王十四年春三月白氣  
自王宮西起如匹練補古爾王二十六年九月青紫雲起東宮如樓閣  
補義慈王二十年五月朔玄雲如龍東西相鬪於空中

補高麗太祖十九年九月太祖征神劔時有白雲狀如劔戟起我軍上  
向敵陣補顯宗三年五月丁亥赤氣如火見于南方補五年三月庚寅  
夜四方赤祲四月庚午白氣界天如匹布補七年十二月丁酉四方赤  
祲補八年二月癸酉赤祲如火彌天十一月己未夜白氣如練竟天俄  
變爲赤祲補九年正月癸亥白氣如帶亘天補十年正月乙酉白氣竟  
天補十一年十一月壬戌卿雲見補十三年十二月己亥夜白氣漫天



補十七年十一月戊午夜白氣分爲五道亘天東西○十九年六月壬申白氣貫紫微北斗補九月丙申夜赤氣竟天補二十年三月癸亥白氣亘天東西四月辛丑白氣彌天○五月丙子白氣貫北斗射室壁補二十一年七月丁巳白氣如布自北而南補德宗三年八月癸亥白氣如彗從軫西指翼張長二丈餘二十七日滅補靖宗六年三月丁丑白氣經天○文宗四年九月乙酉黑氣經天衝乾巽方貫虛危及歲星補六年六月癸巳白氣竟天狀如魚鼈有青紫氣貫於其間良久乃散補七年正月丙午白氣二條從西北起貫日其一竟天補十七年四月壬申乾巽方白氣相衝亘天補二十六年十二月丙子白氣自乾抵巽連坤變爲赤氣補二十七年二月乙未夜白氣竟天如道路南流而滅四

月丙子有氣如烟生于廣化門左右鴟尾長丈餘補三十四年正月丙子夜白氣自昴貫翼軫補宣宗五年七月己巳赤氣如火補七年正月乙丑紫氣散如火焰至曉乃滅補九年正月辛卯有氣如烟生于奉恩寺太祖眞殿補肅宗四年四月壬午白氣貫心癸未經天十二月癸亥夜白氣自西射昴補六年正月壬戌朔夜赤氣自北指西紛布漫天白氣間作良久乃散補九年正月甲申夜赤氣見于東長十餘丈戊戌亦如之補十年二月庚子朔夜有光發于乾巽方如月新出丁未黃赤氣發自東咸貫帝座南長三丈許九月乙卯白氣漫天補睿宗元年十二月庚辰有氣如烟生于神鳳門上鴟吻數日補二年十二月辛丑南北有青白氣西方有赤氣補四年四月丙戌彌勒寺功臣堂屋上赤氣衝



天久而變黃黑向東而滅五月乙卯夜白氣起如匹練橫亘坤艮良久  
指巽而滅補五年三月己酉夜素氣如匹布坤艮相衝經天至夜央乃  
滅補七年五月庚申初昏白氣一條如匹練坤艮相衝良久乃滅補八  
年二月甲辰南北方赤氣經天補九年二月辛未夜赤氣如火光散射  
乾艮離方至曉乃滅補十年二月甲子艮方赤氣如火三月己丑夜素  
氣如匹布見乾巽方補十一年九月癸巳夜赤氣見于乾兌方庚子夜  
庚方亦如之補十二年十一月乙巳夜北方有赤氣發紫微宮指乾艮  
方如布滿天而分散又發艮方補十六年正月戊申夜白氣亘天二月  
庚午夜赤氣從乾至巽長三尺許素氣從房心至坎長七尺許三月庚  
申赤氣起於張翼間補十七年四月壬申昏時有黑雲發於乾方或有



青氣或有赤氣挾於左右向巽方初更乃滅四月丙申南方有異氣五色鮮明良久而散補仁宗元年二月丙午夜西方有白氣中央有赤氣補四年六月癸卯乾方有赤氣七月戊寅亦如之補五年九月丁酉夜赤氣發東方至庚子乃滅補六年正月辛亥夜北方有赤白氣入紫微六月戊寅黃赤氣東西竟天九月丙午赤氣自乾方從紫微入艮方又黑氣南北相衝○十月甲子黑氣如布匹竟天犯天津天船五車文昌三台星中補十一月庚子赤氣自戌地至未地衝滿己未自丑亥入紫微○十二月戊辰夜赤氣起自艮方經斗杓入紫微七年九月丙辰赤氣自乾艮方交發衝射紫微補八年二月癸巳夜赤氣如匹布自東而北五月癸丑赤黑氣見於艮方方圓二十尺許屯結不解奮發光耀如

鳥拂翼乃散八月乙未初更赤氣如火影發自坎方覆入北斗魁中起  
滅無常三更乃滅十一月癸卯白氣如匹練發普濟寺塔上至天○丁  
卯五車八穀間有氣如彗長六尺許補九年正月己亥西方有赤氣甲  
辰亦如之三月辛丑夜白氣二條一在北方衝東西貫紫微一在南方  
衝東西經天補十一年十月戊申黑氣一條廣五尺餘發自太微五帝  
座中至奎南外屏天溷不行而滅補十二年正月丙辰白氣見西方經  
北極貫北斗又有白氣向東行丁巳見西南貫天苑入北斗補十五年  
正月戊子赤氣發西北方補十六年七月乙巳夜乾方有赤氣如火辛  
亥夜亦如之九月甲申夜發艮方十月辛巳亦如之補十九年七月丙  
辰夜赤氣發北斗十月丁亥夜赤氣衝天至句陳紫微又素氣十餘條



交錯起息又黑氣長四尺許東西衝貫于北斗十一月戊午夜赤氣發於坎又素氣二條交發貫北極句陳滅而復發補二十年正月乙未朔東南有黑氣補穀宗元年五月丙子素氣從北方指巽如布補十年四月乙亥夜赤氣如火長三十尺許廣一尺補明宗三年十二月庚辰赤祲見東方補五年閏九月丙子赤氣如火見東南方變黑而滅補六年二月丁丑夜赤祲見西北方如烟焰南方亦如之戊寅晡時赤氣如烟焰自西北彌亘四方癸未夜赤氣又見西方狀如干楯長十五尺許四月辛丑黑氣從西北橫亘東南廣如布八月辛巳赤氣如火見西南方至夜變黑而滅九月戊申四方赤祲補七年正月庚申赤氣如火見東方又見於坤乾之方二月壬辰見于四方七月甲辰見東南方十二月



壬申見南方補八年三月壬子四方赤氣如火四月庚申朔南方天明  
有氣如火癸亥夜又見于西南十月辛卯夜半密雲昏黑西北隱隱光  
明燭地有人影竟夜而滅甲午北方有氣如日補九年二月辛卯赤氣  
如火見南方七月丁丑有氣如烟生廣化門左鴟尾九月戊辰亦如之  
補十年正月甲子有氣如烟生廣化門左右鴟尾三月庚申又生三日  
四月庚戌又生九日丙寅又生于左鴟尾癸酉又生廣化普定二門鴟  
尾丁丑己卯又生于廣化門十月庚寅又生于廣化普定二門鴟尾辛  
丑又生于廣化門左右鴟尾補十一年二月癸卯乾艮方有白氣變爲  
赤氣三月戊辰有氣如烟生廣化門鴟尾癸酉又生六日閏月甲申又  
生興國寺松樹四月癸卯又生廣化門鴟尾七月戊戌赤氣衝天補十

三年四月丁未有氣如烟生廣化門左鷗尾補十四年二月辛酉夜白  
氣起自坤方一向艮一向北橫天補十五年二月丁丑夜東西方天際  
赤色如火影補十七年八月丙申赤氣東西竟天十月甲申坤方有赤  
氣戊子亦如之補十八年十月庚子坤方赤氣如火三日補二十二年  
十一月壬辰赤氣如火見西方補二十五年二月壬午夜赤氣如火見  
東西方補二十六年八月戊申夜有氣竟天赤如血十月癸亥赤氣如  
火見南方補神宗三年九月癸亥白氣如匹練從午方向艮方十月辛  
酉有怪氣中黑邊赤從鵠嶺出漸大彌漫于京都黑氣下地咫尺不見  
人補四年十二月甲戌赤氣從艮至乾如火補熙宗七年五月丁巳夜  
白氣從星張翼軫太微北斗起而滅補高宗四年三月壬午乾方有赤



氣戊子見東西辛卯橫亘四方彌日不散六月戊子紫氣漫天補六年  
四月癸巳白氣亘天六月辛未有氣如烟生于藿井宮鴨脚樹補七年  
二月戊寅赤祲竟天三日補八年八月丙子赤氣見東方補九年三月  
庚午四方赤祲四月乙巳見東方七月庚午見西方補十一年九月乙  
丑赤雲自坤方至北如火影補十二年七月庚午西北方有赤氣補十  
三年秋西有黃赤氣光明異常補十四年三月丙寅赤祲見西方七月  
辛卯見西北補十五年二月丁卯赤氣亘天補十六年八月乙卯自艮  
方至巽赤氣如火補三十六年閏二月甲辰赤氣橫亘東西補三十七  
年十一月壬戌四方有赤氣十二月乙未童津山有血祲補三十八年  
十一月乙巳東北方赤祲如血補四十年三月戊戌東北方赤氣連天



庚辰西南有黃赤氣七月壬辰西方有赤雲氣八月庚戌西有黃赤氣  
光明異常補四十年八月丙申黑雲竟天向北行補四十二年正月  
庚子白雲長五百尺許廣兩尺東西橫天八月辛卯東方赤氣周天九  
月朔甲午周天補四十三年五月癸巳西南方赤氣周天補四十四年  
六月甲戌黃赤雲周天光明如晝連日二月癸未夜赤氣竟天光明如  
晝五月丁卯巽方赤氣衝天六月癸巳如黎子自心大星流入尾星補  
四十五年十月己亥西方白氣衝天十二月甲子東方有黃赤氣衝天  
補四十六年正月丙午赤氣如火衝天六月戊戌曙時東方有赤氣如  
霞異常二月己亥黑氣從南斗魁抵河鼓補元宗元年六月壬寅黑氣  
見于北方乙丑赤祲見于乾方長三十尺許橫天狀如龍蛇九月己丑

赤氣一道起自北方竟天如火光十一月己未自朝至暮黑雲漫天二  
更赤氣一道起自乾巽二方竟天三更起自乾方衝天庚申見于東方  
丙戌起自艮方如火光直上衝天補三年九月己卯赤氣見于西北方  
十月戊寅又一道橫天補四年五月壬午黑氣一道起自巽方如匹布  
入于南河及東井補五年正月癸巳赤氣浮於天東十月己未白氣二  
道起自坤艮二方竟天補九年十一月辛酉赤氣見于西方補十年正  
月乙未夜白雲一道起自巽方竟天廣三尺許補十一年正月壬寅白  
氣一道橫亘東西竟天補十四年正月乙卯東方有黃紫氣中有直豎  
衝天者如塔十二月乙丑赤氣見于西方丙寅白氣一道竟天補十五  
年十二月丁未黑氣見于西北方乙丑赤氣一道亘天補忠烈王元年



正月丙戌白氣如帶東北接西南補二年十月丙戌巽方赤氣橫天其上白氣如槍長三尺許補三年二月甲申赤氣見于東方如虹三月甲寅東方赤氣經天其上白氣如劍長五尺許補四年二月壬午赤氣竟天三月乙酉赤祲見于南方夜明如晝四月丁巳白氣橫亘東西壬午見于西方補五年九月癸亥紫氣見于西方長十餘尺光如電補六年十一月癸卯白氣亘天如練補七年五月丁酉黑祲竟天辛丑又見于西方補八年正月壬戌朔赤祲見于南方丁丑黑祲橫亘東西補九年四月戊申有物赤如火大如斗漸廣如席墮于順昌宮流星相繼而隕補十三年二月甲寅南方有赤氣補十四年十月庚午赤氣見于東方或如匹練或如熾火良久乃滅補十八年十一月己卯南方有赤祲補



十九年五月壬戌夜有物墜松岳其氣如虹九月甲寅夜有物如火墜  
于城西補二十年正月丙辰赤祲見于西北六月乙巳紫氣見于東方  
血幢豎於西方長可十五尺補二十一年十二月戊辰赤氣見于北方  
三月乙巳朔白氣見于巽艮坤三方補二十二年三月甲午赤白氣衝  
天補二十九年八月壬寅白氣見于西北橫亘東南補三十三年二月  
戊午東西有赤氣補忠宣王四年正月庚子東北有紫氣補忠肅王元  
年二月丁丑赤祲見于西北三月丙申白祲竟天補三年三月癸卯朔  
赤氣見于東南光如炬者二十一月丙申西方有赤祲十二月丁酉朔  
西北方亦如之補六年十二月壬申夜有赤祲補八年正月丙子赤祲  
見于東西白氣見于南方三月丁亥西方有赤氣五月甲戌朔白祲見

于乾方長二丈許湏臾變爲弓矢狀初如卷龍後如蟠龍十一月丙戌  
艮巽方有白氣補九年十二月庚辰白氣見于昴星度橫亘南北如練  
補十年七月丁未紫氣如虹見于西北俄變爲黃漫空補十一年二月  
壬午赤祲見于東方三月壬子見于西方補十六年五月己未晡時赤  
祲竟天補忠定王三年十二月庚辰紫氣見于南方補恭愍王二年正  
月乙未紫氣見于東西補三年三月壬申白氣見于乾巽二方補六年  
十月戊寅紫氣見于北方十二月辛卯夜有白氣補七年正月己未夜  
紫氣自西北騰上三月辛丑夜赤氣見東北方八月癸酉白氣見于西  
北方亘天如練補八年正月丙辰夜紫氣自西北騰上四月丙戌有氣  
如練生于旻天寺三層殿鴟尾補十年正月丁巳赤祲竟天補十一年



十二月甲戌夜紫氣見于西北補十三年正月戊子夜西南有赤氣如龍壬辰見于東方如虹長十餘丈補十四年二月庚戌夜赤禋見于西方癸丑夜赤氣見東方甲寅赤禋見于東方乙卯夜赤氣見于南北七月甲申夜東方有紅雲十月丙戌黑氣見于西方庚寅夜黑氣如雲補十五年九月辛巳西北有物赤如血大如簞自天而下隕于鹽白州之境白氣射天良久散十月丙子赤氣見東方十一月癸未鵠峯上有白雲宮中謂之瑞氣十二月庚戌初昏東方有氣如月浸雲補十六年正月乙酉赤氣如火西方爲甚丙午夜赤禋見于東方二月丁未朔夜又見于東西二日庚戌壬子夜東西南方赤氣衝天庚午見于東北十月丙寅黑禋四日壬申黑禋十一月癸酉朔辛卯夜赤氣見于西北壬辰



夜見于東北補十七年二月甲辰赤禊如火壬戌甲子戊辰亦如之三月辛未朔夜赤禊如火五日四月庚申有氣如烟生于演福寺佛殿二日補十八年十一月丁未赤氣如火見于西南補十九年正月甲辰西北方紫氣漫空影皆南二月己卯赤禊八月庚午見于東北十一月辛卯見于西北補二十年正月己卯赤氣見于西方九月庚申見于西北補二十一年三月丙辰赤氣見于西北十二月庚寅見于西方己亥赤白氣見西方補二十二年正月丙午赤氣見于西北丁未夜白氣從南指北長三丈餘自西而東乃滅辛亥赤氣見于西方丙寅見于東西北二月丙子見于西北庚辰白氣自西抵北如匹練辛巳赤氣見于西南三月庚申見于南北七月己未見于西北十一月癸卯白氣見于西北

方閏月己卯見于東南方十二月丙午夜白氣如虹補二十三年正月  
庚寅赤氣見于西北癸巳見于南方白氣見于北方三月戊辰赤氣見  
于東北庚午四方有赤氣壬午白氣如虹連亘尾女間補辛禍三年九  
月甲申赤氣見于西方補四年十二月辛酉有氣大如鉢色如火飛過  
空中補五年正月庚寅赤祲見于西北二月甲子赤氣見于西南三月  
壬申見于南方五月乙未夜白氣經天補六年二月壬午白氣如虹見  
于東北方戊子赤氣見于西方光如炬十二月癸酉見于西方補七年  
正月壬辰赤氣見于南方二月己未西南北赤氣如血騰空四月壬午  
有氣如烟生于演福寺金堂東角翌日又生西方補九年十二月甲戌  
赤氣自西指東補十一年正月戊子赤氣竟天補恭讓王元年九月己



丑夜有黑氣補二年二月戊午西方有赤氣四月丁未白禊見于戶曹  
南池俄變爲赤禊補三年正月庚寅赤禊見于東方

本朝 太祖二年癸酉正月辛未四方赤禊乙亥西方赤禊二月辛巳

南方赤禊五月庚子

補 癸酉五月無  
庚子干支恐誤

西方赤禊七年戊寅八月乙丑赤

氣自東橫流城市

補定宗元年十月丁酉朔巳時有氣頭白尾紅狀如飛鷺自東向西而  
落○二年庚辰十一月辛巳赤禊徧于四方

太宗元年辛巳正月壬午夜四方有赤氣補三年十月庚申有氣青紅  
圓如盤對日○九年己丑七月乙亥東方有紅黑白氣射天十年庚寅  
十一月辛卯坤方有赤禊十四年甲午九月丁丑丑方有白氣如虹



成宗二十年己酉九月乙亥日沒時西方有白氣直下長三十尺許大如臂狀如蛇滾滾然若有生氣良久乃消

燕山君三年丁巳四月壬午白氣亘天

中宗七年壬申六月己酉黑氣起自西北一本分爲三條至天中相去漸濶抵東南還爲一本如梭形補十四年六月戊辰慶尙道慶州府西日初落月光甚明西方有雲氣有光似電非電似火非火或如流矢漫空或如流星條過或如赤蛇騰躍或如火點飛散或曲似張弓或歧似釵股乍隱乍見更發送大槩如放砲狀光芒閃爍照燭幽室自西而始漸向東北至二更末乃滅○十五年庚辰二月己卯夜東方天際有氣如鵝卵與月相後先三月辛亥南方有赤氣如炬火乍滅乍熾或南

或東自一更至五更二十年乙酉八月庚戌夜白氣如虹自乾方至巽方二十二年丁亥二月辛未艮方坤方黑氣橫着如虹二十三年戊子十二月甲申夜白氣自坤方向東布天長二匹許十四日後乃滅二十八年癸巳十月丙子夜青黃白氣出文昌指王良其狀如龍良久而滅三十五年庚子正月癸未補庚子正月無巳時有氣自日四邊散布天中形如輻輳色白良久乃滅三十七年壬寅十一月甲子夜黑氣如霧不辨咫尺

補明宗七年壬子六月庚辰酉時東方黃雲彌天其色照地○十月辛

酉夜赤氣彌天光照于地十年乙卯十月丙辰

補乙卯十月無

夜四方

有黑氣如霧十二年丁巳十一月辛未火氣起自卯方焰指天中長一

丈許十四年己未十一月乙亥夜四方有濁氣二十一年丙寅三月丁酉夜南方赤氣焰焰中有一條氣如炬燄火直立長可二尺乍明乍滅良久而止

補宣祖二十二年七月丙寅夜白氣蓋天光芒燭地補二十四年七月有赤氣起自東方分爲三派一派向北而長亘天一派向西而長半天一派向南長又半其光燭地補二十五年四月丁未景福宮小池中有白氣如虹直貫寢殿二十六年癸巳補正月丙辰朔白氣三道自南北亘天橫貫太陽傍有雙虹圍二匝○十二月辛未夜四方赤禊補二十七年五月庚辰朔紫氣如一字亘天南北方二十九年丙申補六月丁巳紫氣如日見天南北方○十二月辛丑補丙申十二月無夜四方有



火氣其尾似彗或如匹練光輝暫白齊向天中三十年丁酉正月癸巳  
巽方有赤氣廣兩尺許長十丈餘起天際指天中其光照地離方坤方  
亦如之補三十二年二月丁丑夜紫氣如箭如槍者東南方有四西方  
有一相向進退移時乃滅○三十三年庚子十二月甲子補庚子十二  
月無甲子干

支恐誤

忠清道忠州牧赤氣始起辰方次起亥方移時蔽天照耀四方可

見人影良久乃消三十四年辛丑十一月甲辰初昏四方雲陰有赤氣  
起於巽方焰焰中別有一條氣如炬燦火長二三丈離坤兌乾坎震方  
以次而見形色皆同互相明滅至四更仍雪乃已三十八年乙巳十二  
月壬戌夜南天有赤氣光如火焰狀如匹練或經天或半天

光海君十年戊午九月甲寅白氣一道指青丘星狀似彗長四五丈至

天明乃滅。又犯旄頭星經天。○十月丁巳白氣出自東方冒軫貫翼長八九丈狀如蚩尤旗至天明不見翌日亦如之比前稍長。十四年二月己巳白赤氣亘天移時相搏良久乃滅。十五年二月戊子夜蒼赤氣起自坤方向天中相搏四更東南方亦然。

補仁祖元年癸亥二月戊子夜蒼赤氣起自坤方向天中相搏四更東南亦然。○十二月癸巳日出時赤氣直立于日上濶數尺長十餘丈良久乃滅。二年甲子補正月庚午初昏黑氣布天白氣如練橫穿東西者數四。○四月丁未夜青赤氣自西指艮南方又有氣如月光三年乙丑十二月壬辰月出時青赤氣如柱貫月自東指西長二丈許廣尺餘良久乃滅。四年丙寅七月丙子夜東方有白氣如虹長二丈餘廣尺許良



久乃滅補六年三月壬戌朔夜二更四方有氣如火補七年七月庚子  
昧爽青紅火氣非虹非暈立于坤方直指中天廣數十尺補九月庚戌  
赤氣如火橫截乾方補八年二月辛亥朔白氣一道起自艮方直截坤  
方俄分爲四五道移時乃滅補十一年正月甲午赤氣撐天補十四年  
三月丙辰晝昏若下塵酉時白氣一道自乾方指天中長幾十餘丈廣  
百餘尺漸向東方七月庚午赤氣見於坤方逾月乃止補十五年正月  
辛亥日出時白氣自東指西亘天補十六年六月丙申赤氣見于震方  
移時乃滅十月丙申赤氣見於巽方如三台狀補二十四年五月戊申  
白氣出自日左珥直指乾方長二三尺○二十五年丁亥三月壬寅朔  
日出時東方赤雲一條如火九月癸亥日出時黃白氣一道直立日上



長五尺許廣尺餘良久乃滅

孝宗元年庚寅正月丙子夜黑氣一道自良指巽橫過月中長二十餘丈廣尺許良久乃滅七月丙辰日入後青赤氣二道自西指東下大上尖長各竟天廣皆數尺良久乃滅三年壬辰十一月庚辰月入時白氣六條出自月上直指東方狀如匹布長或竟天或過半天良久乃滅五年甲午十一月己亥日出時黑雲一道橫貫日中長五六尺廣尺許移時乃滅十年己亥十二月丁酉初昏有暗靡之氣來自良方遍滿城中似烟似霧有腥臭漸進坤方二更末乃散

顯宗九年戊申正月乙丑初昏白氣一道起自西方直指天中狀如彗星之尾長數丈廣尺餘隨天西沒翌日丁卯亦如之己巳漸移北貫九

州指天苑二月壬申長可六七丈犯昴指參井其後爲月光所射漸微  
不見

補肅宗元年正月辛酉白雲一道如氣自坤方直指東方長竟天廣尺  
許乙丑夜蒼赤氣如虹癸酉午時黃海道兎山縣白氣如流星頭大如  
盤尾如彗星補十五年六月壬申夜白氣經天補十月辛卯夜白氣一  
道如虹起自巽方直指天中長三四丈廣尺許似有偏指之尾至十一  
月丙午不見○二十一年乙亥九月丙戌白氣一條起自東方貫軫右  
轄指翼漸移南抵張長二丈許廣五六寸狀似彗而根底則爲曙色所  
射不得看候至十月甲午乃滅二十八年壬午二月甲寅初昏白氣一  
道起自西方直指天中狀如彗星之尾長四五丈隨天而沒至壬戌乃

滅

補景宗四年正月甲午白氣如虹光明燭地補二月戊申白氣如虹

補英祖元年三月庚子白氣如虹○二年丙午十一月壬寅白氣如虹

十三年丁巳十一月庚午白氣如虹補二十三年二月戊子未時白氣

如虹補三月辛卯朔夜四方有氣如火光○二十五年己巳十月丙戌

夜白氣如虹補二十九年五月庚申夜四方有氣如火光補三十二年

四月丁卯夜四方有氣如火光補三十六年四月壬午白氣自乾指艮

長竟天廣尺許補三十九年二月己亥初昏白氣自乾指巽長竟天廣

尺許

續憲宗九年二月乙酉白氣見於西方



增補文獻備考卷之八

增補文獻備考卷之九

弘文館 纂輯 校正

象緯考

九

補物異

李萬運物異考叙曰馬氏通考既有象緯考一部凡係日月薄蝕之災星文祲孛之變無不詳載而又以兩陽霜雹人妖物怪之可驚而可愕者復作物異編數目以究天人孚感之妙皇王修省之則必曰某政召某異某災應某事反復援据丁寧告誡要使人君乾惕對越罔敢荒寧者此魏相李沆之有見於斯而爲後辟鑑戒之資審矣今臣學慙窺斑才蔑識時其於感應之

幾休咎之徵不敢開喙妄有所論列以犯古人不韙之戒而謹以歷代災祥之見於東史者掇拾成編庸備九重之柯則○臣謹按李萬運所補物異考既奉欽裁附之象緯考末而獨其序辭有意戒勸得古人事君之體因以存之以備觀省至於人異一條有可疑者夫朴昔金三姓駕洛始祖以下卵生櫝產之類臣未知其果信與否然使其果信也則乃古初鴻濛氣化之跡而與一產四男嫗化爲男等變異大有間矣而今乃列之于人異何哉茲并刪之

風異

新羅儒理王三十三年五月大風拔木○脫鮮王二十四年四月京都



大風○婆娑王十七年七月暴風自南拔金城南大樹○祇摩王十一年四月大風東來折木飛瓦○奈鮮王十九年三月大風折木○助賁王四年四月大風飛瓦○味鄒王十七年四月暴風拔木○訖鮮王三十五年四月暴風拔宮南大樹○訥祇王十九年正月大風拔木二十年四月京都大風四十一年二月大風拔木○炤知王四年二月大風拔木二十二年四月暴風拔木○眞平王四十九年三月大風土雨五日○文武王十四年七月大風毀皇龍寺佛殿○孝昭王七年二月大風折木○聖德王十五年三月大風拔木飛瓦毀崇禮殿○景德王八年三月暴風拔木二十二年七月京都大風飛瓦拔木○元聖王九年八月大風折木偃禾○昭聖王二年四月暴風毀臨海仁化二門瑞

蘭殿簾飛不知去處○文聖王十二年京都大風拔木○景明王五年四月京都大風拔樹

高勾麗慕本王二年三月暴風拔樹○美川王元年十二月風從西北來飛瓦走石六日○文咨王二十七年三月大風拔木毀宮南門○安原王十二年三月大風飛瓦拔木

百濟己婁王十四年六月大風拔木○肖古王四十四年十月大風拔木○毗有王三年十一月大風飛瓦○東城王十四年四月大風拔木

高麗太祖十五年五月甲申西京大風官舍頽毀屋瓦皆飛

聚僧誦經以禳之

○光宗元年正月大風拔木

王問驪災之術司天監奏莫如修德自是常讀貞觀政要

十二年四月

大風雨拔木○穆宗十二年正月庚戌幸崇教寺暴風折傘蓋柄○顯

宗二年六月丁巳暴風飛瓦拔木四年四月壬申大風三日六年四月  
甲寅大風折木十一年十一月戊申朔大風十三年十月庚戌暴風拔  
木○靖宗六年七月丁丑暴雨疾風路人有殭死者廣化門鷗吻頽○  
文宗四年二月戊午朔暴風折木拔屋三日六年七月己未大風毀屋  
折木三十六年九月癸卯大風折木○宣宗四年三月丁丑大風拔木  
六年四月寒風大起太史奏當有兵革旱  
災請修德以禳之○睿宗二年八月納李資謙  
第三女大風飛瓦拔木三年正月大風閏三月壬辰大風晝晦五年八  
月庚辰大風拔木偃禾八年四月壬辰大風拔木十一年六月庚午大  
風二日十二年四月癸未大風十四年六月丁酉大風十七年十月癸  
丑大風雨○仁宗元年十月壬午大風拔木二年正月辛酉大風拔木



三月丙寅大風閏月壬辰大風昇平門鳴尾動搖八月戊午大風飛瓦拔木己未大風拔木五年八月辛巳暴風拔木六年九月丙午大風八年六月癸未暴風揚沙折木七月辛亥暴風拔木十月丙申大風拔木九年二月戊寅大風拔木十月乙酉大風拔木十一月己亥大風雨十一年十二月庚寅大風拔木十二年八月甲午大風拔木十三年五月庚子大風拔木十六年八月戊寅大風拔木十八年六月戊辰有艮風凡五日百穀草木枯死過半蚯蚓出死道傍可掬二十年正月乙未朔大風終日飛沙走石丁巳大風飛沙○毅宗元年五月己巳大風雨折木拔屋十一年正月戊辰風從乾來

用卜者榮儀言終歲作佛事以禳之

十二年八月庚

子尙書刑部奏決重刑大風雨拔木飛瓦十月丁巳大風拔木十五年

七月朔大風傷穀十八年五月壬子大風旱草木萎黃○明宗四年九月己卯大風飛沙走石二日七年五月癸丑暴風拔大木八年三月壬戌大風揚沙石四月甲戌亦如之九月庚午大風昇平門右角鴟尾頽九年七月乙酉大風傷穀九月己未大風雨泰定門右鴟尾頽十年八月壬午大風拔木十一年正月壬申大風拔木十七年三月甲辰大風拔木七月壬子大風十八年八月乙酉大風拔木十月丁丑大風雨三日二十三年十月甲寅大風雨二十七年九月甲寅暴風拔興國寺南道傍樹吹入獄中垣墻盡頽近獄新步廊十八門一時壞仆

是日崔忠獻設醮以

廢立事  
告天時

○康宗元年七月辛未大風拔木○高宗二年四月庚子大風

拔木連日八月庚寅大風拔木傷禾四年九月辛卯大風雨十五年正



月戊子大風拔木二十二年二月恒風三十二年九月戊戌暴風飛瓦  
三十三年七月大風振屋四十一年正月丁酉大風飛瓦三月乙酉亦  
如之閏六月大風拔木四十四年三月恒風九月庚午大風飛瓦四十  
六年六月癸未大風雨○元宗十年六月壬寅暴風雨拔木飛瓦○忠  
烈王六年八月全羅道大風七日川溢損禾九年四月戊申夜暴風大  
起十一年七月辛卯大風拔木飛瓦十四年八月己未大風傷禾十九  
年四月乙未暴風傷禾麻二十一年七月壬午大風拔木二十四年二  
月壬申大風雨二十七年五月慶尙道安東府退串部曲大風拔一大  
樹置二里許枝幹不折撓○忠宣王三年二月戊辰大風屋瓦皆飛○  
忠肅王五年二月己亥夜大風雨毬庭東西廊頽五月癸未大風行路



不行六月乙巳大風雨八月甲午大風雨禾偃木拔凡二日六年六月  
丙午大風雨七月戊寅亦如之八月戊子夜大風十五年十一月甲申  
大風後六年十月丙申北風大作揚沙石人馬不能前七年七月庚戌  
大風雨拔屋偃禾○忠惠王後二年十二月丁卯大風拔松樹數千章  
○忠穆王元年七月己亥大風雨拔松岳樹三年五月癸丑大風飛瓦  
○忠定王元年閏七月甲子大風雨城中屋瓦皆飛儀鳳樓頽松岳龍  
首兩山松盡拔十月庚寅大風看樂樓頽二年六月丙戌暴風雨拔木  
損禾三年正月己巳朔颶風暴作翌日乃止十二月乙酉颶風大作○  
恭愍王二年正月丙戌大風十一月丙戌戊子并大風三年正月甲子  
朔大風五年正月乙未大風六年九月乙亥己卯并大風戊子大風拔

風雨船隻破碎人多溺死七月丁丑大風雨禾穀若經霜雪六年十二月丙辰晦關西大風揚沙走石連二日不止七年七月丙戌大風雨揚沙拔木十三年三月甲子夜大風雨七月辛酉大風折拔太廟內巨木七十餘株

孝宗七年八月大風

左議政沈之源筵啓風災尤甚至於樹木蔽天而下所串十里內本無松木而有一大松連根株來

落兒重爲風所飄落於十里之外云

肅宗八年七月戊午咸鏡道大風十五年四月丁亥大風拔木振闕二十二年八月辛亥狂風大作起自西北終夕不止折木拔屋三十九年八月濟州大風雨室屋頽圯死傷人物公私牛馬多致顛斃

英祖七年六月大風雨拔木諸道封山松木太半折拔十五年六月大

風從南來折木飛瓦起自忠清道至西邊尤甚

### 雨異

新羅祇摩王二十年五月大雨漂民戶○阿達羅王七年四月暴雨闕  
川水溢漂流人家○伐休王九年五月大水山崩十餘所○奈鮮王十  
七年五月大水漂毀民屋○沾鮮王十四年夏大水山崩四十餘所○  
儒禮王七年五月大水月城頽○訖解王四十一年四月大雨浹旬平  
地水三四尺漂沒官私屋舍

先是有鶴巢于月城隅人  
謂將水之兆至是果驗

○奈勿王十一

年四月大水山崩十餘所十八年五月京城雨魚○慈悲王八年四月  
大水山崩十七所○炤知王十八年五月大雨闕川水漲漂沒二百餘  
家○眞平王十一年七月國西大水漂沒民戶三萬三百六十戶死者



二百餘人○善德王七年九月雨黃花○太宗王四年七月一善郡大水溺死三百餘人○聖德王十九年四月大水山崩十三所○惠恭王十六年二月雨土○元聖王十三年九月大水山崩○憲德王六年五月國西大水十五年正月雨虫于西原

詳見虫  
蟻異

高勾麗閔中王二年五月國東大水○慕本王元年八月大水山崩二十餘所○安原王五年五月國南大水漂死者二百餘人○寶藏王十五年五月王都雨鐵

百濟已婁王四十年六月大雨漢江水漲漂毀人家

先是有鶴巢于都門人以爲當有水

災果  
驗

○仇首王八年五月國東大水山崩四十餘所九年六月京都雨

魚○東城王十三年六月京都大水熊川水漲漂沒二百餘家十九年

六月大雨漂毀民屋○武王十三年五月大水漂沒民屋

高麗太祖七年秋京都大水漂沒民屋水溢街衢漂沒人家水變爲赤  
色○顯宗十七年七月京都大雨四日漂毀民屋九月西京大水漂沒  
民家八十餘戶○靖宗五年六月大雨鴨綠江水漲漂失兵船七十餘  
艘六年五月壬戌大雨彌月七年二月癸未雨黃土○文宗二十一年  
十一月南至日大雷雨○宣宗五年五月暴雨海溢漂沒人家覆沒舟  
楫○肅宗四年六月大雨九龍山頽九年七月戊戌雨穀于通海縣○  
睿宗八年七月大雨平地水深尺餘○仁宗二年七月大雷雨

爲朝鮮國公百官庭賀  
未畢大雷雨水深一丈

九年十月乙丑大雨四日十二月壬辰大雨溝

渠解凍如三月十年八月大雨漂沒人家無數又水湧奉恩寺後山奔



流入國學漂沒經史百家語十二年五月雨血于廣州二十三年六月大水東界文湧二州山崩水湧漂沒城門○毅宗十九年三月天寒雨甚衛卒凍死六月大雨漂沒民家六十餘戶○明宗六年正月癸酉雨黃土九年六月大雨市邊橋樓漂流十年六月大雨西京苻仁寺漂流八十餘間十六年閏七月安邊府大水漂死千餘人十八年七月定長宣預高和六州大雨漂盡民屋又同月戊申鎮溟界黃虫黃鼠隨雨而下損傷禾稼八月登文宜鎮溟龍津寧仁等諸城大水漂蕩城郭死者甚衆○高宗八年三月雨青色蚯蚓十四年三月十五年三月又雨○互見蚯蚓異十二年五月大雨二日平地水深七八尺許三十三年五月雨毒虫見龍異四十年七月乙巳大雨傷稼多漂民戶四十三年二月雨水銀七月京都大



水四十五年自六月至七月恒雨○元宗十四年閏六月庚申大雨傷稼○忠烈王十五年八月大雨十月雨魚詳見龍異閏十月庚辰大雷雨

雨如墨水二十七年戊申大雨傷稼○忠宣王二年七月大雨松岳南崖崩爲壑○忠穆王四年四月大雨松岳崩○忠定王二年八月淮陽大水漂沒官廨民戶及金剛山諸寺○恭愍王五年七月壬辰大雨漂沒人家七年五月慶尙道大水禾穀皆漂沒十一年十一月乙巳大雨震電十六年五月雨血于泥峴二十二年四月丁丑夜雨白毛戊寅己卯壬午癸未丁亥丙申亦如之長二寸或三四寸細如馬鬣五月丙寅雨冰于平州大如升○辛禡元年六月丙午漢陽府大雨三角山國望峯崩七年七月癸亥大雨漂溺人畜八年二月癸亥雨穀有似黑黍小

豆蕎麥者

日官謂飢饉荐至人將相食之兆

○恭讓王元年自四月恒雨山崩水湧二

年五月大雷雨

時清州獄起評理尹虎等方鞠囚忽雷雨大作前川暴漲毀城南門直衝北門城中水深丈餘漂沒官舍獄官

攀鴨脚樹得免

九月丙午大雷雨人畜或有凍死者

本朝 太宗元年端川雨炭

世宗三年大雨仁政殿驚頭皆頽

成宗四年夏大水九年四月雨土

中宗五年七月京師大水平地水深數尺漂沒民戶十五年二月大水

三江漲溢

明宗二年七月八道大水人畜田舍漂溺無數平壤城中依山倉庫亦至沉沒漂沒家舍七百二十餘戶渰死人二百餘名牛馬三百餘匹六



年三月己丑朔雨土

宣祖六年二月雨土十年十月京畿大水漂沒人居十一年六月下三道大水懷山襄陵十二年六月下三道大雨十三年春大水人多溺死六月大雨陵谷變遷二十三年十一月甲辰京都大雨江水漲溢三十八年七月辛卯嶺南關東京畿忠清道大水公私家舍漂沒人畜溺死不記其數安邊府境內殆盡淪沒牛馬鷄犬山禽野獸堆死如山臭不堪近大水連根浮下填塞數十里火燒月餘道路方通或疑非天降雨海翻爲災云

光海戊申夏雨草實

仁祖元年七月大霖雨三年二月大雨連月四月順天府大雨山崩漂



沒人家五百餘戶五年二月雨血草葉皆赤四月甲子亦如之十五年六月大雨連月二十五年七月京畿江原道大水

顯宗五年閏六月辛巳湖南大水漂沒男女五十餘人

肅宗八年七月戊午咸鏡道大水漂沒九百餘戶人畜壓溺死者數百餘三十三年夏大水三十七年八月嶺東大水

英祖五年八月關北大水漂沒近千人七年八月全羅道大水壞人塚墓漂棺槨十五年六月黃海道大水一坪九百餘戶盡渰死八月北道大水漂沒近千人十七年關東大水漂沒千餘戶十八年九月嶺南大水渰死者甚衆二十六年九月湖南同福等縣大水漂沒一百三十戶二十八年六月畿甸大水漂沒數百戶壓死者三十餘人三十九年關

東大水

正祖元年八月丁巳夜大雨山崩漂戶不記其數金剛山萬瀑洞填塞  
五年六月平安道大水漂沒三百餘戶八月慶尙道大水渰沒四百十  
餘名十三年六月平壤大水漂沒五百餘戶二十年八月義州大水漂  
沒一千餘戶渰死者二百餘人二十一年黃海道大水漂頽三百餘戶  
渰死者數十餘人

純祖十年七月義州大水漂頽一千七百餘戶渰死者一百七十餘人  
八月咸鏡道大水漂沒七百餘戶渰死者四十餘人十五年八月慶尙  
道大水漂頽一千八百餘戶渰死者五百七十餘人十六年閏六月黃  
海道大水漂頽五百餘戶十七年六月全羅道大水漂頽二千三百餘



戶澆死者八十餘人慶尙道大水漂頽一千餘戶澆死者三十餘人忠  
清道大水漂頽六百餘戶澆死者二十餘人十九年八月公清道大水  
漂沒一千九百餘戶澆死者一百七十餘人二十年七月平安道价川  
大水漂頽二百餘戶澆死者三百餘人二十一年七月公清道大水漂  
頽七百餘戶澆死者七十餘人二十二年七月黃海道大水漂頽一千  
一百餘戶澆死者二十餘人二十三年六月慶尙道大水漂頽三千八  
百餘戶澆死者六十人七月全羅道大水漂壓七百餘戶澆死者十人  
二十四年閏七月全羅道大水漂壓一千二百餘戶澆死者二十餘人  
二十九年八月咸鏡道大水漂頽一千餘戶澆死者一百六十餘人慶  
尙道大水漂頽三百餘戶澆死者八十餘人三十二年七月都城大水



漂頽二百三十餘戶八月公忠道大水漂頽一千二百餘戶渰死者三十餘人三十四年七月慶尙道大水漂頽一千五百餘戶渰死者二十餘人

憲宗元年七月忠清道大水漂頽一千五百餘戶渰死者一百二十餘人五年八月平安道大水漂頽一千五百六十餘戶渰死者二人慶尙道大水漂頽三千一百餘戶渰死者四十餘人黃海道大水漂頽三千六百餘戶渰死者一百十餘人十一年七月平安道大水漂頽四千餘戶渰死者五百人十二年七月黃海道大水漂頽六百四十餘戶渰死者二十餘人

哲宗元年七月忠清道大水漂頽八百餘戶二年七月平安道大水漂

額二千五百餘戶渰死者三十餘人八月黃海道大水漂額二千六百餘戶渰死者四十餘人開城府大水漂額八百餘戶閏八月全羅道大水漂額一千三百九十餘戶渰死者六十餘人三年四月咸鏡道大水漂額八百七十餘戶五年七月忠清道大水漂額一千餘戶渰死者四十人全羅道大水漂額二千三百餘戶渰死者九百餘人八月忠清道大水漂額七百餘戶渰死者二十餘人慶尙道大水漂額三百餘戶渰死者六十餘人七年八月黃海道大水漂額八千二百八十餘戶渰死者三十餘人平安道大水漂額一千餘戶八年八月全羅道大水漂額一千一百九十餘戶渰死者五十餘人慶尙道大水漂額二千七百餘戶渰死者二百餘人十一年八月咸鏡道大水漂額一千五百餘戶渰



死者三十餘人十三年七月平壤大水漂頽二千二百餘戶慶尙道大水漂頽一千七百餘戶渰死者五十餘人全羅道大水漂頽六百四十餘戶公忠道大水漂頽五百三十餘戶十四年六月黃海道大水漂頽一千一百八十餘戶渰死者十人八月咸鏡道大水漂頽五百九十餘戶渰死者二十餘人

今 上元年夏全羅道大水漂頽四百三十餘戶渰死者三十餘人二年七月廣州大水漂頽五百五十餘戶渰死者五人八月慶尙道大水漂頽二千餘戶渰死二百五十餘人全羅道大水漂頽二千二百六十餘戶渰死者一百五十餘人江原道大水漂頽三百五十餘戶渰死者十人三年七月平安道大水漂頽四百八十餘戶渰死者三十餘人五



年七月平安道大水漂頽九百餘戶渰死者八十人黃海道大水漂頽九百餘戶渰死者六人八年七月平安道大水漂頽二千餘戶渰死者百餘人十一年七月慶尙道大水漂頽七百九十餘戶渰死者十餘人十八年閏七月平安道大水漂頽六百四十餘戶渰死者百餘人十月慶尙道大水漂頽七百五十餘戶渰死者二十餘人二十二年八月慶尙道大水漂頽六千餘戶渰死者九十餘人全羅道大水漂頽一千七百餘戶渰死者二十人平安道大水漂頽九百餘戶渰死者十七人二十五年七月平安道大水漂頽二千三百餘戶渰死者三百餘人二十八年十二月慶尙道大水漂頽五千餘戶渰死者一百七十餘人全羅道大水漂頽二千七百餘戶渰死者六人江原道三陟大水漂頽六百

餘戶渰死者三十餘人二十九年十月平安道大水漂頽四百餘戶渰死者六十餘人

霜異

新羅祗摩王十二年四月隕霜○逸聖王六年七月隕霜殺菽○阿達羅王二年四月隕霜十七年七月京都隕霜○奈解王五年七月隕霜殺草十年七月霜雹殺草○味鄒王十一年七月隕霜害穀○訖解王二十八年四月隕霜○訥祗王四年七月隕霜殺穀十五年七月隕霜殺穀三十八年七月霜雹害穀四十一年四月隕霜傷麥○智證王十年七月隕霜殺菽○眞平王三十五年四月隕霜○元聖王五年七月隕霜傷穀○興德王二年五月隕霜○文聖王十三年四月隕霜○憲



安王二年四月隕霜○孝恭王九年四月隕霜○神德王二年四月隕霜

霜  
高勾麗大武王二十四年七月隕霜○慕本王二年四月隕霜○次大王八年六月隕霜如雪○故國川王十六年七月隕霜殺穀○西川王三年四月隕霜害麥○故國原王五年七月隕霜殺穀○平原王二十三年七月霜雹殺穀○寶藏王九年七月霜雹害穀

百濟始祖二十八年四月隕霜害麥○辰斯王二年七月隕霜害穀

高麗顯宗三年四月隕霜四年四月丙子隕霜殺草十八年四月甲戌隕霜害苗五月公州隕霜殺苗二十二年四月丁亥隕霜○靖宗二年四月辛酉隕霜八年四月丙戌隕霜○文宗二年四月甲午隕霜于土



山縣三十七年四月隕霜○宣宗六年四月辛酉朔隕霜○肅宗元年  
四月壬戌朔連日隕霜○仁宗十二年四月戊戌隕霜十七年四月丁  
卯隕霜二十一年四月戊辰隕霜○毅宗二十一年四月丁亥隕霜○  
明宗九年四月壬辰隕霜殺草○高宗四十五年七月隕霜于南界○  
元宗十三年四月戊戌隕霜十四年四月戊子隕霜○忠烈王六年四  
月癸未連日隕霜殺禾苗十一年四月甲辰隕霜十二年四月甲辰隕  
霜十三年四月庚辰連日隕霜十五年四月辛亥隕霜二十年四月戊  
戌隕霜二十一年四月乙酉隕霜殺麻麥二十三年四月庚戌隕霜○  
恭愍王十七年七月隕霜殺菽二十二年四月乙酉隕霜殺草○辛禡  
六年七月甲寅連日隕霜十一年七月江陵道隕霜殺禾十二年四月

丙申隕霜十三年四月乙未隕霜○恭讓王元年四月乙巳隕霜二年四月乙卯庚申隕霜四年七月辛卯隕霜甚寒

本朝 太祖七年六月隕霜于山羊會地

今楚山府

太宗五年四月隕霜十七年五月隕霜

宣祖二年四月隕霜十三年五月江原道隕霜殺草二十三年五月錦山等五邑隕霜

仁祖六年六月七月北靑甲山等地連日隕霜七年四月壬寅義州府隕霜甲辰亦如之九年四月戊辰長興興陽等地隕霜七月丙戌安陰縣連夜隕霜十一年七月丁未關西連夜隕霜

孝宗四年六月江陵府隕霜

以觀察使閔光勳掩置不聞特命削職

肅宗元年四月壬辰平安道連日隕霜壬寅茂朱隕霜山野遍白五月  
庚申辛酉長水鎮安等地連日隕霜甲戌狼川公州等地隕嚴霜各穀  
枯死二年四月丙辰利川等十三邑隕嚴霜谷山遂安等地亦隕霜  
英祖二十一年五月兩湖及關東隕霜二十九年六月關東及嶺南隕  
霜三十年四月辛丑隕霜

雪異

新羅婆娑王二十六年二月京都雨雪三尺○伐休王四年十月北地  
大雪深一尺九年四月京都雨雪三尺○奈解王三十四年十月大雪  
深五尺○眞興王二年三月雨雪深一尺○眞德王六年三月京都大  
雪○神文王元年五月大雪三年夏大雪平地一尺○宣德王四年二



月京都雨雪三尺○元聖王七年十月京都雨雪三尺人有凍死者○  
哀莊王八年八月大雪○憲德王七年五月雨雪十年三月大雪十四  
年二月雨雪五尺樹木枯十五年七月雨雪○興德王三年三月雨雪  
三尺

高勾麗太祖王二十五年十一月京都雨雪三尺六十四年十二月大  
雪深五尺○故國川王十二年九月京都雨雪六尺○故國原王十二  
年十一月大雪深五尺○長壽王二年十二月王都大雪深五尺○寶  
藏王三年十月京都雨赤雪

百濟東城王四年十月大雪深丈餘

高麗太祖十四年二月庚子大雪平地兩尺○文宗九年四月雨雪雹

○肅宗六年四月癸卯東路雨雪深一寸○睿宗八年二月癸巳大雪平地一尺○仁宗三年二月乙巳夜大雪盈尺二十一年三月丙申大雨雪人有凍死者○毅宗十三年三月戊寅雨雪平地三寸草木盡枯○神宗五年四月壬午雨雪○高宗二年四月癸巳雨雪三年四月雨雪○忠烈王二年四月雨雪○忠肅王十一年四月雨雹雪人有凍死者○恭愍王八年二月甲子朔大雪平地兩尺五寸十二年二月甲戌清州大雪平地三尺十七年三月大雨雪氷堅川流皆絕○辛禡七年三月戊戌大雪二日○恭讓王二年五月辛亥松岳山頭雨雪  
本朝 宣祖二十四年三月末果川冠岳山下雪如隆冬四十年六月咸鏡南道下雪



仁祖六年十一月安邊府大雪人家壓破小兒鷄犬多死十年正月癸丑十二月乙酉亦如之又連十日大雪行旅多凍死又兩赤雪十五年正月庚申大雪數尺七月茂長縣下雪

顯宗己亥七月平安道下雪七年二月雨黃赤雪

肅宗元年四月壬辰以後平安道連下雪庚子豐基等七邑下雪辛丑茂朱德裕大德兩山下雪厚積四五寸癸卯三陟下雪二年四月丙辰利川等十三邑及谷山遂安長水茂朱等地下雪价川高峯上微雪高城金化等地下雪四五寸安邊下雪盈尺三年二月咸鏡道下雪三尺三月天磨山下雪三四尺六年四月通川平康等地下雪二十七年夏大雪



英祖十七年四月定州下雪二十一年五月嶺南下雪沒膝三十八年四月寧邊孟山下雪

今 上二十一年五月春川狼川下雪

高麗睿宗五年二月癸巳雨木冰

以下  
木冰

○仁宗十一年十二月丙戌雨

木冰十三年二月丁丑雨木冰十五年正月丁丑雨木冰十七年十二月丁卯雨木冰○熙宗四年二月壬寅雨木冰○高宗四十一年十二月戊寅雨木冰○忠烈王三十一年十二月乙卯雨木冰三十四年正月癸未雨木冰二月丁未亦如之○忠宣王二年十二月丁未雨木冰戊辰亦如之○忠肅王十五年十一月戊寅雨木冰○恭愍王十年十一月庚午雨木冰○辛禡五年十月己巳雨木冰

虹蜺異

新羅眞平王五十三年七月白虹飲于宮井

虹以下

○聖德王二十四年

正月白虹見

高麗文宗三十七年十二月辛未朔虹見○仁宗八年八月丙申白虹起自西方向北行十月戊子二更白虹相衝乾坤方至地發見三更乃滅十七年八月丙申五色虹南北相衝○明宗十八年五月癸丑白虹見于西北方二十年正月庚午白虹竟天狀如練○神宗元年四月癸未白虹見于乾方○高宗四年三月丁亥白虹貫北斗第五星十四年六月癸丑赤虹衝天頭尾垂地○元宗五年六月丙午白虹見于南方辛亥夜又見于西南方○忠烈王三年四月丙寅白氣如虹貫北斗

二十二年五月癸未白虹貫北斗三十三年六月己酉白虹貫紫微北  
斗○忠肅王三年十二月乙亥白虹見于西北方○忠穆王三年七月  
丙午夜天霓自東起墜男山俄而復起爲二分向南北○恭愍王十一  
年十一月乙巳甲寅虹見十六年二月乙亥午時白虹見南方

本朝 太祖三年八月壬午白虹見癸未甲申亦如之

中宗十九年七月壬辰平安道有紅白六虹相圍脊背相付

宣祖二十五年四月壬寅青虹起自宮井來逼上躬隨身移轉良久乃  
滅

純祖七年十一月乙酉虹見

今 上光武三年正月虹見



新羅婆娑王二十一年七月雨雹飛鳥死

以下

○景德王四年四月雨

雹大如鷄子十四年四月雨雹大如鷄子○惠恭王四年六月京都雨

雹傷草木○元聖王二年四月國東雨雹桑麥皆傷

百濟始祖三十七年三月雨雹大如鷄子鳥雀中者皆死○仇首王十

八年四月雨雹鳥雀中死

高麗毅宗十三年四月庚寅大雨雹平地三寸十四年八月丁未雨雹

大如拳○明宗十四年四月戊午雨雹大如杏子十六年八月雨雹于

東潭二州大如拳屋瓦皆碎○高宗二十三年四月己亥大雨雹鳥雀

中死○忠烈王二年閏三月乙卯雨雹于寧越大如鵝卵鳥雀中死十

二年四月丁酉朔雨雹而冰凡八日二十七年五月慶尙道安東府大

雨雹一枚數人不能舉麋鹿中死○忠肅王九年九月乙未雨雹大如李梅四角如蒺藜○忠穆王三年五月癸亥雨雹大如梨○恭愍王十六年四月壬戌大雨雹平壤尤甚田頭饁器皆碎○辛禡元年三月甲申雨雹大如彈丸十一年四月雨雹大如拳數日乃消

本朝 太宗七年夏大雨雹人有凍死者九年四月雨雹大如彈丸人有中死禽鳥多斃

宣祖十二年六月平安道大雨雹大者如匙櫟小者如手掌二十九年五月丁丑南原淳昌等地大雨雹大如鷄卵飛鳥中死穴鼠亦斃四十年六月忠清慶尙兩道雨雹大如鷄卵壓碎禽鳥隕殺草木

光海十三年五月洪原等地大雨雹大如鷄卵飛鳥皆斃人或中死

仁祖二年秋自長湍至平山大雨雹大者如鉢小者如鷄卵牛馬擊觸多死四年昌城雨雹如人面鼻眼皆備六年四月丁巳平壤江西等地大雨雹大者如碗子小者如鷄卵積地三尺五月戊辰星州青松等地大雨雹大如鷄卵八年六月己酉朔萬頃縣大雨雹大者如大碗有三角中者如沙鉢有兩角刃小者如鷄卵十一年七月丁未平安道雨雹積地三寸十四年金化雨雹如人面鳥雀多中死十六年九月戊辰龍岡等十邑雨雹禽獸多中斃

肅宗元年七月癸巳水原振威等地雨雹大如桃宿鳥傷死者千數

純祖二十一年五月全羅道大雨雹狀如鷄卵二十九年九月平安道

雨雹大如鷄卵



今 上十一年八月黃海道大雹

霧露異

新羅儒禮王十五年二月京都大霧五日不辨人物

以下霧

○炤知王二

十二年四月黃霧四塞○惠恭王十六年正月黃霧四塞二日

高勾麗始祖四年四月雲霧四起人不辨色七日○大武王五年二月

大霧十日不辨人物○美川王元年十月黃霧四塞

高麗穆宗十二年九月恒霧至冬○顯宗四年正月庚申黃霧四塞五

年十月丁丑大霧竟日十一月戊戌大霧三日九年四月庚午黃霧四

塞四日十一年十月甲辰大霧咫尺不辨人物○靖宗六年正月戊午

雲霧四塞○文宗二十一年十月丙午朔黑霧四塞二十九年十月庚

子大霧四塞三十七年十二月朔大霧連日○睿宗元年十一月戊子朔大霧三日十年十月己未大霧不辨人物○仁宗四年三月癸巳黃霧四塞六年十月戊午昏霧四塞二日十一月甲午大霧四塞三日七年十月丁亥大霧四塞十一月庚申大霧終日十一年十二月丙戌大霧四塞五日十九年十月庚午大霧四塞○毅宗七年九月己亥大霧四塞十年四月丁亥黃赤霧四塞十二年三月甲戌大霧四塞十四年十月丁未大霧四塞十八年十一月癸卯陰霧四塞行者失路○明宗四年十二月乙未黃霧四塞七年自二月壬午至三月己酉晝夜大霧十二月己巳大霧咫尺不辨人物九年九月恒霧十一年十月庚申大霧二日十四年自立冬沈霧連日十八年十月癸酉大霧三日二十年

十月丁未大霧咫尺不辨人物二十三年十月庚申陰霧四塞○神宗五年十一月大霧竟日咫尺不辨人物○高宗七年正月癸丑大霧咫尺不辨人物十二年十二月壬戌大霧不辨人物十三年五月壬戌黃霧四塞三十七年十一月庚辰大霧三日四十六年五月壬子大霧不辨人物○元宗四年十一月丙午大霧咫尺不辨人物○忠烈王四年十一月庚子大霧咫尺不辨人物○忠肅王九年九月丙申大霧四塞○忠穆王二年十一月連日大霧四年十一月甲辰大霧○恭愍王三年十一月壬午大霧三日十四年三月庚午黃霧四塞十五年十月甲子夜黃霧十一月大霧三日不開十二月乙丑黃霧四塞十七年八月丁亥黃霧九月丙辰黃霧四塞庚申亦如之十八年正月甲辰大霧二



日二十一年十一月乙巳大霧終日二十三年正月乙亥沈霧終日九

月丁亥黃霧四塞不見日光

是日辛  
禍卽位

十二月癸酉大霧四塞○辛禍元

年正月乙亥沈霧咫尺不辨人物十月癸卯雲霧暝暗甲寅霧塞二日  
三年十一月丁亥大霧四塞五年八月癸巳大霧咫尺不辨人物九月  
丙申大霧四塞十月壬辰大霧七日十二年十二月丁酉昏霧四塞十  
三年十二月庚戌大霧咫尺不辨人物

本朝 世祖二年十月甲寅黑霧彌空經夜不歇

宣祖十二年十月沈霧連日十三年十月沈霧不開地融如春二十六  
年閏十一月甲申烟霧四塞終日十二月戊午亦如之二十八年二月  
甲辰朔黃霧四塞

仁祖七年四月丙申沈霧十四年十二月甲午雲霧四塞天地晦冥不辨咫尺

本朝 太宗十一年甘露降于咸定州

詳見禮考  
○以下露

十四年甘露降于咸

興月光里及定平白雲山十五年降于咸興德山洞

世宗八月甘露降于 獻陵松柏上又降于景福宮後苑又降于黃州

十六年三月甘露降于廣州 獻陵又降于景福宮後苑十八年甘露

降于定平及永興色白如蠟味甘如蜜

文宗庚午五月咸吉道進甘露

世祖七年四月甘露降于後苑

正祖十四年庚戌九月筵臣言甘露降宜書史冊 上曰人主以豐登

爲上瑞外此禎祥非所求也

增補文獻備考卷之九



增補文獻備考卷之十

弘文館纂輯校正

象緯考

十

補物異

雷震

新羅始祖六十年九月雷震城南門○伐休王十三年四月雷震金城

東門○文武王二年八月沙殮如冬打母雷雨震死

身上題須  
聖堂三字

三年五

月雷震靈妙寺門十一年六月震興輪寺○孝昭王七年六月雷震皇

龍寺塔○聖德王十七年六月雷震皇龍寺塔十八年九月雷震金馬

郡彌勒寺○景德王六年四月雷震眞平王陵十七年七月雷震佛宇

十六所○景文王八年六月雷震皇龍寺塔

百濟古爾王五年四月雷震王宮門柱○武王十三年四月雷震宮南門○義慈王二十年五月雷震天王道讓二寺塔又震白石寺講堂

高麗定宗三年九月王御大德殿受女眞方物雷震押物人又震殿西角○成宗三年五月雷震刑官門柱○穆宗九年六月戊戌雷震天成殿鴟吻○德宗三年六月己丑雷震皇城朱雀門廊屋○靖宗元年九月雷震皇龍寺九層塔二年七月戊子雷震會賓門六年七月乙丑雷震宜春樓○文宗八年五月乙酉雷震會慶殿九年九月甲午雷震惠日重光寺塔延燒佛閣經樓十二年七月雷震興王寺門○宣宗六年六月壬子雷震會賓門七年八月辛亥雷震普濟寺西巷人馬又震乾



陵松木○獻宗元年八月雷震黃龍寺塔○睿宗二年四月甲申雷震  
開國寺塔五年五月乙丑雷震西京重興寺塔九年四月雷震文德殿  
十五年七月丁丑雷震靈岩郡月生山神祠八月庚寅雷震西京重興  
寺塔○仁宗二年七月雷震迎恩館七年九月戊申雷震西京重興寺  
塔九年七月乙巳雷震靈岩郡月生山神祠十年十月己丑雷震開國  
寺塔十二年四月甲辰雷震將作監主簿崔孝淑六月甲申雷震西京  
大華闕乾龍殿○毅宗元年五月乙酉夜雷震人于內帝釋院四年十  
月乙酉雷震雲興倉○明宗六年三月戊申雷震松岳寺七年六月辛  
卯雷震太廟九年五月庚午雷震宣義門十九年八月雷震宣慶殿二  
十六年六月庚申雷震光德門○熙宗二年六月丙寅雷震將軍朴廷



謨○高宗四年九月辛卯雷震麗正宮五年八月丁卯雷震西面隍城  
十二年七月辛巳雷震松岳神祠四十三年九月庚辰雷震國子監西  
廊○元宗十一年十二月丙申朔有物墜地聲如雷光如電十三年正  
月辛未有物墮西北聲如雷○忠烈王五年四月庚子雷震普濟寺十  
四年十一月晝晦雷震人二十九年六月癸丑雷震西北面安集使金  
堅○忠肅王四年七月丙寅雷震活人堂後四年六月庚子雷震興天  
寺碑○辛禡二年七月庚辰雷震漢川君王睽及其妻朴氏

本朝 太宗十年冬雷震馬二匹于江陰縣行在所

世宗二十六年雷震延生殿

世祖元年六月雷震建春門十三年雷震宦官白忠信于禁中

成宗十七年三月雷震 恭陵丁字閣鴟吻

燕山君三年六月雷震宣政殿柱六年夏無雨雷震人于闕門

中宗八年二月丁卯雷震 太廟松柏三十九年夏雷震侍講院書樓柱

仁宗元年六月戊午雷震慶會樓柱

明宗十六年四月雷震綠陰臺正門及大纛

宣祖十四年七月雷震杆城郡無路島聲震天地島巔中折濶丈餘深不可測

光海君九年十一月甲申雷震人十四年七月雷震壽聖宮門

仁祖八年二月甲子雷震 太廟門外柳樹十一年七月丁未夜雷震

仁政殿柱四面如斧斫痕或半尺又震忠勳府十月丁卯又震樹木火  
經日乃滅十二年五月雷震明政殿十三年雷震 太廟樹十四年夏  
京城一日之內震擊二十七處十六年八月雷震南漢行宮殿宇

英祖十二年十月雷震 靖陵紅箭門外檜木

下教責躬  
減膳三日

今 上二年五月雷震文廟檜木

日昏

新羅文武王二十一年正月朔終日黑暗如夜○神文王七年二月陰  
沈暗昧○惠恭王十五年四月旋風起自金庾信墓至始祖陵塵霧暗  
冥不辨人物若有哭泣悲歎聲

遣大臣祭庾  
信墓謝過

○憲德王六年八月京都

晝晦○神武王元年八月天地晦暗○文聖王元年八月朔天地晦暗



三年閏三月晝晦

百濟武王七年三月王都雨土晝晦

高麗仁宗二年正月丙辰晝晦○毅宗十二年十月丁巳御重興闕受  
賀天地昏黑十一月丙子天暗如夜○神宗三年閏二月戊申四方昏  
濛雨土二日庚午亦如之○高宗十二年十月戊戌雲雨晦冥不辨人  
面○元宗元年正月甲午雨土日昏無光○辛禡十二年十一月終日  
昏黑木稼如冰四日

本朝 宣祖二十七年二月辛亥終日昏濛五六日不見天日

仁祖七年三月丙子四方終日昏濛若下塵壬午甲申乙酉亦如之四  
月朔丙戌終日昏濛連三日九年正月庚子終日昏濛十四年三月丙

辰晝昏若下塵十五年正月丙午終日昏濛

肅宗元年四月癸卯狼川春川等地晝昏不辨人物

景宗二年二月己未四方昏濛若下塵壬戌癸酉甲戌亦如之

英祖二十三年二月癸酉四方昏濛若下塵

無雪無冰

新羅脫解王八年冬無雪

以下無雪

○聖德王二十一年冬無雪二十八年

冬無雪○景德王六年冬無雪○惠恭王五年冬無雪○文聖王七年

冬無雪○景文王三年冬無雪十年冬無雪○定康王二年冬無雪○

眞聖王元年冬無雪

高勾麗大武王十四年冬無雪○閔中王三年冬京都無雪○中川王

九年冬無雪○故國原王四年冬無雪○小獸林王七年冬無雪

高麗睿宗九年冬無雪○毅宗十一年冬無雪○高宗四十二年冬無雪四十二年冬無雪○恭愍王二十一年冬無雪

新羅南解王十九年冬無冰

以下無冰

○奈勿王三十三年冬無冰○實聖

王五年冬無冰

高勾麗次大王四年冬無冰○陽原王十年冬無冰

百濟已婁王三十一年冬無冰○肖古王四十六年冬無冰○毗有王三年冬無冰○東城王十二年冬無冰○武靈王三年冬無冰○義慈王九年冬無冰

高麗睿宗十六年冬無冰○毅宗十一年冬無冰○高宗四十三年冬



無冰○恭愍王十一年冬無冰十五年冬無冰○辛禡四年冬無冰

本朝 成宗十七年冬無冰

行祈  
寒祭

寒溫異

新羅神文王十二年春寒竹枯

以下  
寒

○哀莊王二年十月寒松竹皆死

高麗睿宗二年六月大寒日氣如冬九年四月壬辰風雨寒甚二日○

毅宗十九年三月辛酉天寒雨甚衛卒凍死者九人○明宗十五年夏

寒無蠅○高宗十三年六月丙申風寒人有衣裘者○忠烈王三年五

月戊午風寒人有衣裘者○忠宣王元年六月丙寅風寒人有着冬衣

者二年五月辛卯風寒○恭愍王三年五月六月氣候如秋十二年六

月丁未風氣如秋三日十六年六月壬申北風甚寒城中皆着重裘○

辛禡十三年五月丁亥天氣如秋○恭讓王四年六月己亥寒風終夜氣候如九秋七月丙戌氣候凄寒百穀焦枯

本朝 宣祖四十年六月日候寒凜如冬

高麗毅宗四年十月恒燠

以下

十二年冬氣候溫如三四月○忠肅王

八年十一月癸未溫暖如春○忠穆王二年十一月冬暖如春○恭愍

王六年十一月丙辰暖如三月十一年十一月氣暖如春田中遺豆生

葉十六年十二月丁未山嵐如春連日十八年十月丁亥戊子暖如春

二十二年十一月氣候如春二十三年十一月戊辰溫暖如春丁亥霧

氣如春

本朝 太宗十三年冬暖如春

中宗十四年冬暖如春全羅道各邑薔薇野棠桃李皆華

明宗二十一年冬暖平壤府有木開花結實

宣祖八年冬暖如春京城杏花爛開湖南櫻桃成實十二年冬暖如春

山花盛開

地異

新羅儒理王十一年二月京都地裂泉湧

以下地震地裂地陷

○脫解王八年十

二月地震○婆娑王十四年十月京都地震二十一年十月京都地震

屋倒民有死者○祇摩王十二年五月金城民屋陷爲池芙蓉生十七

年十月國東地震○阿達羅王十七年七月京都地震○奈解王三十

四年九月地震○助賁王十七年十一月京都地震○基臨王七年八



月地震泉湧九月京都又震壞室屋民有死者○奈勿王三十三年四月京都地震六月亦如之○實聖王五年十月京都地震○訥祗王四十二年二月地震金城南門毀○慈悲王十四年三月京都地裂廣袤二十丈濁水湧出二十一年十月京都地震○智證王十一年五月地震壞民屋有壓死者○眞興王元年十月地震○眞平王三十七年十月地震五十二年宮庭地裂○善德主二年二月京都地震○文武王四年三月地震八月又震壞民屋南方尤甚六年二月京都地震十年十二月京都地震三年正月地震二十一年五月地震○孝昭王四年京都地震七年二月京都地動○聖德王七年二月地震九年地震十六年四月地震十七年三月地震十九年正月地震二十年二月京都

地震二十二年四月地震二十四年十月地動○孝成王元年二月地震六年二月地震聲如雷○景德王二年八月地震二十四年四月地震○惠恭王二年二月康州地陷成池縱橫五十餘尺水色青黑忽有鯉魚五六相繼而漸大淵亦隨大三年六月地震四年六月地震聲如雷六年十一月京都地震十三年三月地震四月亦如之十五年三月京都地震壞民屋死者百餘人○元聖王三年二月京都地震七年十一月京都地震十年二月地震○哀莊王三年七月地震四年十月地震六年十一月地震○興德王元年正月地震○文聖王元年五月地震六年地震聲如雷○景文王十年四月京都地震十二年四月京都地震十五年二月京都及國東地震○神德王二年四月地震五年十

月地大震○敬順王二年二月地震六年正月地震

高勾麗琉璃王二十一年八月地震○大武王二年正月地震○太祖  
王六十六年二月地震七十二年十一月京都地震九十年丸都地震  
○次大王二年十一月地震八年十二月地震○山上王二十一年十  
月地震○中川王七年七月地震十五年十一月地震○西川王二年  
十二月地震十九年九月地震○烽上王元年九月地震八年十二月  
地震九年正月地震○古國壤王二年十二月地震○文咨王二年十  
月地震十一年十月地震民屋倒墮有壓死者○安原王五年十月地  
震

百濟始祖三十一年五月地震六月亦如之四十五年十月地大震屋



舍皆倒○多婁王十年十一月地震聲如雷○已婁王十三年六月地震裂陷民屋多有死者十月又震三十五年三月地震○肖古王三十四年七月地震○近肖古王二十七年七月地震○近仇首王六年五月地震裂深五尺橫廣三丈三日而合○毗有王三年十一月地震○武寧王二十二年十月地震○威德王二十六年十月地震○武王十七年十一月京都地震三十八年二月京都地震三月亦如之

高麗太祖十一年六月甲戌碧珍郡地震○光宗二十二年十二月地震二十三年二月地震○成宗十年十月鎬京地震○穆宗四年中原府長淵縣水田三結陷爲池深不可測○顯宗三年三月庚午慶州地震十二月丁丑亦如之四年二月壬午慶州地震三月辛丑金州地震

十一月丁未亦如之十二月丙戌金慶二州亦如之五年八月丙子慶

州地震六年十一月甲申地震十一年閏十一月癸巳漣州地震十四

年五月乙亥金州地震

時金慶二州連年地震

十五年十一月己酉尙州地震十

六年四月辛未嶺南廣平河濱等十縣地震壬申乙亥亦如之七月慶

尙清州安東密城地震二十一年交州翼嶺洞山縣地震○德宗元年

十月尙州等十餘縣地震二年六月安東陝州地震○靖宗元年六月

丙辰京都地震八月辛未又震聲如雷九月癸卯慶州等十九州地震

二年六月戊辰京城及東京尙廣二州安邊府等管内州縣地震毀民

屋廬東京三日而止八月戊辰東京管内州縣及金州密城地震聲如

雷三年九月己酉龜朔博泰州及威遠鎮地震○文宗六年二月丁丑



朔安西府地震十二年四月壬子地震二十年四月庚辰京都地震二十七年正月乙巳地震○宣宗九年十二月壬申地震○肅宗八年十一月己丑京都地震十二月戊午亦如之○睿宗十二年十二月戊辰地震○仁宗十二年六月己卯東京地震十五年三月乙亥西京地震○毅宗六年三月丙申朔地震四月丙寅亦如之十三年十一月乙未地震聲如雷十七年十月丙寅地震○明宗元年十二月辛卯地震九年十一月戊午地震十二月亦如之十四年三月辛丑京都地震二十一年八月德水縣地陷深三丈二十六年二月丁卯京都地震○康宗二年三月甲子羅州地震○高宗元年五月庚辰西京法器寺屋地陷周八十兩尺深二十尺許二年正月辛未地震三年正月地震六年八



月地震十年八月甲申西京地連日大震己酉亦如之十三年正月辛卯地震十月己丑地震屋瓦皆墮乙未又如之十四年二月庚寅地震癸卯亦如之十五年正月丙子朔地震十一月辛未朔亦如之十八年十月壬戌地震四十一年八月甲戌地震四十二年三月地震四十四年九月辛酉京都地震四十五年七月地震四十六年十一月地震○元宗元年五月庚戌地大震墻屋崩頽京都尤甚七月癸酉地震二年正月辛巳地震六月壬子地大震五年二月壬子京都地震十月辛酉又大震聲如雷十一年二月戊子地大震十三年三月戊寅地震十月乙未亦如之○忠烈王二年十一月乙巳地震聲如雷三年九月癸卯地震四年九月丁酉地震七年正月庚申地震閏八月癸丑亦如之

十年四月癸卯地震十一年二月癸丑地震十九年十月甲辰地震二十一年十月丙寅地震二十四年正月壬寅地坼壽寧宮門外泉湧高數尺自午至酉乃止三十四年二月地大震○忠宣王三年九月辛酉毀古壽寧宮御座地坼長數尺○忠肅王元年閏三月癸未地震五年二月己亥地震十五年十月乙巳地震十一月乙酉亦如之十七年十一月丙戌地震○忠惠王六年正月辛丑地震○忠肅王後六年十月己卯禮城縣地震七年六月丙寅白州地再震乙亥又震壬午丙戌丁亥亦如之七月乙卯八月壬午亦如之八年五月辛酉地震九月丁卯亦如之○忠惠王復位年己卯五月地震九月亦如之四年三月癸酉地震三日四月丁丑地震二日五月癸巳又震六月丁丑戊寅亦如之

○忠穆王元年正月甲午地震二日乙卯又震○恭愍王元年五月己丑地大震二年四月甲辰地震四年六月辛巳地震六年閏九月丙辰地大震七年十月壬午地震十年十月戊子地震十一年三月甲子地震四月丙申十月戊寅辛巳十一月甲辰乙巳亦如之十二年二月庚辰地震三月壬寅十一月亦如之十四年正月己卯地震五月乙丑亦如之十五年五月甲午地大震乙巳京都亦如之十月地再震十六年七月丙申地震十一月丁卯亦如之十九年正月壬子地震二十三年三月丙子地震十一月己巳又大震○辛禡二年五月庚午地大震四年二月壬申地震十一月辛巳亦如之五年四月甲辰地震十二月亦如之十年四月丙子地震五月戊申亦如之十一年七月戊寅地震四



日聲如陣馬之奔墻屋頽圯十月戊申又震十二年十二月地震○辛  
昌元年十一月地震○恭讓王元年十一月甲戌地震三年七月丙戌  
朔地震壬辰又震八月乙丑亦如之

本朝 成宗九年地震

中宗十三年五月癸丑京外地大震四日 太廟殿瓦飄落闕內墻垣  
塌倒民家頽圯男女老少皆出外露處以免覆壓

明宗元年五月地震

宣祖七年春京師地震十年十月江原道地震二十三年十二月乙酉  
京都地震屋宇動搖二十七年六月庚戌地震三十六年正月地震

光海君十年正月甲子地大震

仁祖八年夏關東嶺南地震十年正月癸丑地震十一月癸亥晦亦如之十一年九月戊申地震十月丁卯亦如之十二年十二月甲辰連日地震十三年正月戊辰地震十五年十月富平府地陷廣可十餘丈深無底十六年九月癸酉地震二十一年五月地震

顯宗五年夏全州地震八年四月地震十年三月南方地震

肅宗甲寅十月戊午地震

雲臺不  
啓拿治

元年八月壬午尙州沃川等五邑地

震有聲如雷屋壁皆動撓九月壬辰瑞興等七邑及龍岡地震二年三月丁未公州十邑地震屋宇動撓四年正月平壤三和全州鎮安谷城求禮地震三月咸悅林川恩津魯城等地地震六年五月順天等地地震七年五月地再震十二年十一月地震

英祖十五年七月壬戌夜地震十六年九月癸巳夜地震十九年三月  
丙辰地動二十年四月甲戌夜地震二十二年五月乙巳夜地動二十  
四年九月庚申地震二十七年九月辛巳夜地動二十八年九月己卯  
地震三十年五月己未地動六月癸丑亦如之三十五年正月戊子地  
震十五年二月癸未地震三月己丑亦如之

正祖六年正月辛酉地震八年二月癸亥地震

純祖十年正月咸鏡道地震二十七年八月地震

憲宗十二年六月丙寅地震

今 上六年三月地震十九年十二月地動二十五年十月地震光武  
二年十一月地震



新羅眞平王三十一年正月慶州毛只岳地燃廣四步長八步深五尺

至十月乃滅

以下地燃

○太宗王四年七月慶州吐含山地燃三年而滅

高麗仁宗八年白州兎山西南方有火從地中出焚草木燃沙石泥土赤如灰入地兩尺其下潤濕而土色黑東西二千三百二十尺許南北三千三百六十尺自六月二十日至九月十五日通晝夜光明遍地至翌年三月因雨漸息○明宗十年三月壬午衣淵村地燒烟煤不絕長廣并六尺許

本朝 世宗朝慶尙道寧海府地燃

文宗朝慶尙道尙州牧地燃

成宗十四年五月寧海府地火又出晝有烟氣夜有火光以木投之成

地鏡見  
焰其地長八尺廣二十尺命內官李孝智往審持所焚石塊而來黑如炭置之火生焰翌年益熾於地中方數百步熱如溫埃破而視之火焰極熾沙石皆爛

宣祖十年春嶺南有火自生石中石皆燒裂

仁祖十五年十月慶州府火生大巖巖石燒碎

高麗宣宗三年二月地鏡見于西京龍德部南街凡七十餘步如水有影月餘乃滅

以下地鏡

四年六月甲午地鏡見○肅宗十年五月辛丑西京

龍德部梯淵路地鏡見○毅宗五年六月乙丑西京梯淵至普賢經坊地鏡見

### 山水異

新羅實聖王十五年吐含山崩

以下山

高麗穆宗五年六月耽羅山開四孔赤水湧出五日而止其水皆成瓦石十年十月有山湧出于耽羅海中雲霧晦冥地動如雷者凡七晝夜始開霽山高可百餘丈周圍可四十里無草木烟氣羃其上望之如石硫黃遣大學博士田拱之圖形以進謂之瑞山○顯宗四年六月癸酉松岳頽六年六月甲子楊州負兒山頽十一年五月戊辰智異山頽十二年二月辛亥五冠山頽三月丙申玄化寺北山頽十八年二月庚寅九龍山頽七月癸亥松岳頽二十年二月庚子五冠山頽二十一年七月庚午東北界顯德鎮以北山多崩頽○睿宗元年二月戊子三角山負兒峰頽二年四月辛酉三角山國望峰崩○熙宗六年三月己酉三



角山中峯崩○忠烈王十九年四月辛亥摩尼山崩聲如雷○忠惠王

後三年八月戊戌夜松岳鳴

王恠問之內豎陳無作金對曰無傷也古詩有嵩岳三呼繞殿青之句王悅授郎將

○忠穆王元年七月松岳鳴三年七月己巳松岳鳴四年四月松岳頽

○恭愍王十六年丁巳松岳祠南虎巖頽二十三年七月癸巳三角山

中峯崩○辛禡二年五月鴟巖吼六年七月乙巳三角山墨嶺中峯崩

十四年六月壬申三角山國望峯崩

本朝 宣祖三十四年三月三角山有聲如雷

肅宗六年四月舒川地堰畚忽然突出變作丘壠

輿地勝覽云光州無等山天旱欲雨與久雨欲晴山輒鳴聲聞數十

里

權文海韵玉云金剛山東一枝曰天寶山天將雨雪則山自鳴故號

鳴山

又一說杆城有山將雨雪山自鳴故號天吼山

新羅善德主七年三月七重城南大石自移三十五步

以下

○太宗王

四年七月吐含山北巖崩碎爲米食之如陳倉米○景德王十四年春

望德寺兩塔相對高十三層忽震○元聖王十四年三月望德寺二塔

相擊○哀莊王五年七月牛頭州蘭山縣有伏石自起立九月望德寺

二塔相擊○憲德王八年正月漢山州唐恩縣有石長十尺廣八尺高

三尺五寸自行百餘步六月望德寺二塔相戰十三年七月浪江南川

二石相戰○眞聖王二年二月沙梁里有石自行○景明王時皇龍寺

塔影倒立人家庭中一朔○景哀王四年三月皇龍寺塔動搖北傾



地補文獻卷一  
百濟己婁王十七年八月橫岳五大石一時隕墮

高麗顯宗三年六月高州城西大石自行十餘步六年五月甲申通州大石自行十一年六月豐州海邊大石自行百餘步○靖宗元年七月庚寅三角山積石頂隕石○文宗十年正月辛未隕石于黃州聲如雷十一年正月乙未隕石于黃州聲如雷○睿宗十六年十一月庚子王輪寺北岡巖石鳴○仁宗二年三月東海中兩石進退相擊十年閏四月丁未北崇山巖石自裂○明宗六年三月癸丑西京江邊石自生火五月乙丑松岳兩祠間大石自折爲三十六年正月戊申西京仁王寺南川東石大如瓮夜自移于川西十八年七月己酉永平門路師子巖自裂爲三二十四年二月丙午隕石于松岳○康宗元年十月壬午有



石自移於敦化門內二年二月西京楊命浦水中石大如瓮自出陸移一百二十步許夏北嶺石自墮○高宗六年閏三月壬寅有石出長命浦水中登陸向北轉行一百六十七尺又有二石出多慶樓南淵中轉沙石間宛然成蹊始則並行百步許終則一石向北行八十三步一石向東南行八十三步七年三月丙午耽羅郡有石百餘自行中有最大石欲還來而止餘石皆止不行八年二月西京馬灘邊有大石自移十七年正月壬辰隕石于中原府聲如雷七月乙未隕石于安南府通津縣○元宗二年四月西京羊皿浦石出水陸行○忠烈王十九年二月丁酉西北面鐵州峰串浦有大石自移一千七百八尺許三月己丑崇教寺東路橋石自裂聲如牛吼二十年三月隕石于尼城縣

其質如玉  
形如鵝子

三十四年二月癸巳隕石于漳州聲如雷○忠肅王後元年七月丙子松岳大石頽裂爲五○忠穆王元年正月己亥有大石自涉長湍渡又松岳西峯上有石自墜○恭愍王元年松岳西麓大石自頽十八年九月營魯國公主影殿伐礎石于崇仁門外輓致馬巖石大如屋震且吼聲如牛○辛禡二年天磨山廣巖自頽十一年七月松岳西嶺石崩本朝 太宗十二年大石崩隕

世宗八年江華摩尼山震鳴如撞巨鍾俄而塹城壇東峰石墜落

命注  
書張

厚書雲觀正朴  
恬等進去審視

世祖十年春夜洛山峯後有聲如雷吼寺僧震怖明日視之則石岡自坼移立東門外屹然如兩峰鼎峙之狀

中宗三十五年四月初八日己巳興仁門外安巖石自坼有聲如雷

明宗二年七月白岳山巨巖墜下聲聞于遠

宣祖二十四年五月竹山府太平院後有石自起立二十五年春雲峯縣八良峙血巖流血二十八年五月長連海汀有大石小石各一忽自拔出移轉五十餘尺而止又海西地有盤石移于四十餘里小石追隨者不記其數沙礫如飛雨三十二年十月洪州有大石自起移立三十二年春京江露梁津有大石自水中起立於岸邊他石上豐川府海中有石沉在水底一日移立於他石上襄陽府洛山寺有二石自海中來閣岸石上慈仁縣有石起行數十步

仁祖四年五月結城縣海邊有七大石自海中出在海岸九年三月江



陵東村原州外坪數里之內布地大小石皆翻無一因存者十四年二月安山郡三大石自海中出四月仁川蘇來山上峰有石自移過兩谷立於西麓其間幾六七百間所行成溝深可數尺五月固城縣大小石無數移行時有相搏之狀

肅宗五年三月安州海邊巖石自移於二十七把許

新羅善德主八年七月東海水赤且熱魚鼈死

以下海

○孝昭王八年七

月東海水血色五日復舊九月東海水相擊聲聞王都○神德王四年

六月槩浦

一名吐只河今興海西江

與東海水相擊浪高二十丈許三日而止

高麗宣宗五年五月暴雨海溢○明宗六年三月庚戌東海水黃濁三

日變爲血色○康宗二年三月東海水赤如血

本朝 太宗四年吉州海水赤凡十三日五年茂長掘浦水赤色滿江漲流凡七日泉流亦赤樂安郡海水赤如血泉流亦赤

世宗二年河東縣海水黑濁四年巨濟海水黃赤色小魚浮死九年河東縣海水黑濁如豆粥凡三日海魚多死

宣祖十三年十月江原道海波騰湧震鳴如雷三十六年春咸鏡道海水赤濁膠粘不利行船以水煮鹽腥不可食自北而東至江原道通川襄陽而止凡七日

仁祖十四年六月東萊海溢

孝宗五年春三陟海水冰合三日江陵襄陽海水冰合二日

肅宗元年閏五月慶源海水黃赤六年六月博川海溢

英祖十三年夏慶尙道海溢

純祖七年二月京畿湖西海西海溢遣宣傳官慰諭

憲宗元年六月江華喬桐海州等邑海溢

哲宗二年八月京畿富平永宗等邑海溢平安道安州嘉山等邑海溢

全羅道古阜南平等邑海溢忠清道洪州新昌等邑海溢

今 上四年九月順天康津等邑海溢

新羅孝成王二年四月所夫里郡河水變血色

以下江河

○哀莊王五年七

月釜浦

在今泰安

水變血色

高句麗寶藏王十九年七月平壤河水血色凡三日

百濟肖古王二十二年五月旱漢水竭○比流王二十八年春夏旱江



水竭○義慈王二十年二月泗泚河赤如血

高麗忠烈王十九年十二月朴淵水忽涸○恭愍王十六年六月澄波

渡

在  
漣川

水赤○辛禡十一年三月澄波渡黃濁凡三日十四年五月甲

申大同江水赤濁○恭讓王二年六月甲戌碧瀾渡水赤凡三日己卯  
禮成江水赤沸凡三日

本朝 宣祖六年尙州洛東江絕流凡一日十年海州三灘水絕流凡  
數日安州清川江斷流凡數月旌善郡大陰江斷流凡數日博川大定  
江斷流逾月二十一年秋漢江水赤如血色凡五六日二十三年十一  
月大雨漢江水漲溢二十四年五月平壤府大同江水赤東濁西清又  
楊花渡江水淺舟船不通

光海君元年八月癸酉漢江水赤十四年九月壬戌江水合冰遣禮官祭名山

大川冬暖無水

仁祖九年載寧鵲島安岳沙近串水赤如血十四年楊花渡水淺舟船不通

顯宗十五年春旌善郡大陰江斷流

新羅訥祇王三年四月牛谷水湧以下川澤二十二年四月牛頭郡山水暴

至漂流五十餘家○太宗王八年六月金馬郡池血流廣五步

高麗肅宗元年六月水湧北山及九龍山○仁宗元年四月癸巳金吾

衛池水變爲血色凡數日十二年六月青楓縣大池水化爲血流至漢

江十四年六月清州平地水湧漂流民家一百八十戶○明宗八年六

月辛卯開國寺佛机上有水流出赤如血九年四月庚戌蓮花院池水  
赤五月乙丑龍化院池水赤如血十六年二月雨雪于俗離山消而爲  
水其色如血二十四年五月癸酉龍化院南池水赤如血凡十餘日○  
神宗四年二月壬寅廣明寺南池水赤四月癸卯開國寺南池水赤六  
月己卯朔馬市池水赤○高宗十年四月辛丑東池水濁凡三日魚鼈  
盡出或有死者十一年二月金吾衛池水赤池魚盡死二十二年四月  
庚午慈州池水三日變色鳴吼陷漏盡涸十月癸亥北界溪澗江河冰  
厚至四五尺忽坼裂流下四十六年五月乙卯慈雲寺右小池赤沫如  
血○元宗十一年五月丙午慈恩寺池水赤如血○忠烈王十五年六  
月甲寅丹山縣石下有水湧出黃赤累日二十八年五月庚戌龍化院



池水變爲五盈縮如潮○恭愍王十四年三月庚午演福寺池水沸二十二年四月癸未梅介井傍蓮池水赤○恭讓王二年四月壬戌籍田甌池沸湧聲如雷閏月丙寅夜甌池振動兩虹并現水聲如鼓色如血氣如烟蒸

本朝 宣祖十三年五月軍器寺內池水湧起高可丈許

仁祖十二年十二月癸未禮安縣黃池下流自卯至巳斷流乙酉丁亥亦如之十三年漢城府內池水如血又禮安縣黃池下流斷流三日人皆着履而過上下水流如常

肅宗四年四月甲午殷山江邊兩大澤上澤水變爲黑色下澤水變爲赤色漸變爲黑染魚蟹傷死臭不可近六年二月清州金川水斷流蟾

江以上幾盡涸竭

新羅訖解王三十九年宮井水暴溢

以下井

○太宗王八年六月大官寺

井水爲血○惠恭王四年六月井泉皆竭

百濟始祖二十五年二月王宮井水暴溢○比流王十三年四月王都

井水溢三十一年井水溢○義慈王二十年二月王都井水皆赤

高麗仁宗五年六月癸未廣德坊井鳴○明宗九年正月癸亥南部里

井水赤沸凡三日十六年二月西京妙德寺井水沸流凡十九日○神

宗二年五月南部北井水赤沸聲如牛鳴凡十餘日○恭愍王十年六

月癸卯開城大井黃沸十一年四月開城大井濁沸十七年六月戊申

即知峴井赤沸二十一年二月庚寅開城井水赤沸凡三日冬井泉皆



竭二十二年四月癸未梅介井沸湧赤如血○辛禍元年八月丙午泥  
峴人家井虹見沸湧九月己未政坐坊里井熱沸色黑三年三月戊戌  
梅介井黑沸十月癸巳開城大井赤沸五年五月癸巳梅介井赤沸凡  
三日六月丁亥梅介井水赤七月丁巳梅介井赤沸八年正月戊子演  
福寺井濁沸羣魚鬪躍凡三日十一年七月戊寅開城井赤沸○恭讓  
王二年閏四月戊子茶房里井鳴如牛吼  
本朝 仁祖九年京城西小門外蓋井連日鳴動如磨麥聲

增補文獻備考卷之十



